

Ms 49


comp 1p

2p

200
254-64

200
254-64.

12004



1821

413-22

Ի Ժ Շ. Կ Ա Ր Ա Ն

ս

203 ՀՈԳ. Ե. Ի. ՈՐ

35-75

Բ Ա Ժ Ա Ն Ե Ա Լ Յ Ե Ր Կ Ո Ւ Ս Մ Ա Ս Ո Ւ Ն Ս

Մ Ա Ս Ն Ը Ռ Ա Զ Ի Ն

Յարու՛մ զարու՛նակի Յարդարակ ապաշխարու՛թէ՛ սրբոյն
Եփրեմի խորին ասարւոյ՛ ՚ի պէտա հոգեպետ ճեպարա
ՅԵՐԿԱՆԻ
ցեւոյ՛

1004
1935



Ի ՀԱՅՐԱԳԵՏՈՒԹԵԱՆ ՍՐԲՈՅ
ՆԵՐՍԷՍԻ ՍՐԲԱԶՆԱԿԱՏԱՆ
ԱՄԵՆԱՅՆ ՀԱՅՈՑ


Ի ՊԱՏՐԻԱՐԳՈՒԹԵԱՆ ՍՐԲՈՅ ԵՐՈՒՍԱԳ.Ե.ՄԻ ՏԵԱՌՆ ,
ԿԻՐԱԿՈՍԻ ՍՐԲԱԶԱՆ ԱՐՔԵԳԻՍԿՈՊՈՍԻ

Ի ՊԱՏՐԻԱՐԳՈՒԹԵԱՆ ԿՈՍՏԱՆԴՆՈՒԳՕԼՍԻ ՏԵԱՌՆ
ՄԱՏԹԷՆՈՍԻ ՍՐԲԱԶԱՆ ԱՐՔԵԳԻՍԿՈՊՈՍԻ

Տ Պ Ե Ա Լ Յ Օ Ր Թ Ա Գ Ի Ի Դ

Ի ՏՊԱՐԱՆԻ ՊՕՂՈՍԻ ԱՐԱԳԵԱՆ

1847





* Ապաշխարեցէք, զի մերձեալ է ար-
քայու-թիւն երկնից • || Դաւթիոս, Գ, 2 :

* Այլ եթէ ոչ ապաշխարիցէք, ամենե-
քին նոյնպէս կորնջիցիք • || Ղուկաս, ԺԳ, 15 :



ՅԱՌԱՋԱԲԱՆՈՒԹԻՒՆ

Արովհետեւ հոգի առաւել է քան զմարմին , զի իմացական մտքք և ազատ կամօք և անմահութեամբք է պերճացեալ . ապա յաւէա պէտս ունիմք զգուշանալ հոգւոց մերոց և խնամ տանիլ նմա :

Զի թէ մարմնական ակտք՝ պատճառեն զցաւ և զչարչարանս , և ՚ի վերայ բերեն զմահ ժամանակաւոր . ապա և հոգևոր հիւանդութիւնք՝ յառաջ ածեն զխայթս և զտանջանս խղճի մտաց , և ապա զմահն յախտենական :

Ուստի ՚ի դարման և ՚ի ստածումն հոգեպէս հիւանդացելոց մատուցաւ բժշկարանս հոգևոր , բաժանեալ յերկուս մասունս : Յառաջնումն է Յորդորակ աստիասարութիւն առ ՚ի սրբոյն Եփրեմէ ասացեալ՝ պարզ և հեշտ իմաց ամի . որ և է յուսադրութիւն մեղաւորաց դիմել ՚ի զեղջ և ՚ի խոստովանութիւն , և գտանել անձանց զփրկութիւն :

Յերկրորդումն են եօթնեկի թուով սաղմոսք և աղօթք ըստ եօթնեակ աւուրց շաբաթուն , կարճաօտ բանիւ՝ առ ՚ի չձանձրանալ ումեք . սրբ և սրտառու խնդրուածք են առ ամ՝ ՚ի բժշկութիւն ամենայն հոգեկան հիւանդութեանց :

Ապա ամ որ սրտի մտքք ընթեռնու զՅորդորակս , և ջերմեօանդն սիրով կարգայ զկարգեալ աղօթսրն որ ՚ի սմա , արժանաւորի ընդունիլ ՚ի տեառնէ ըզ շնորհս թողութիւն մեղաց , և պարգևս ողորմութեան ՚ի ժառանգութիւն կենացն անվասխձանից : Արում արժանաւորս արասցէ զամսին զմեզ երկնաւորն հայր՝ արդեամբք շարչարանաց յի քի տեառն մերոց , ընդ որում հօր և հոգւոյն սրբոց վայելէ փառք և լիշխանութի յաւիտեանս , ամէն :



Դու անասցես զբազմա մեղ,
խնդրես հոգւոյդ փրկութիւն դեղ,
Եւ աստ լացցես արաստուա հեղ,
անդ ցնծացես փառք շքեղ:



ՅՈՐԴՈՐԱԿ

Բ. Պ. Ը Ն Խ Ե Ր Ո Ւ Թ Ե Ը Ն

ՍՐԲՈՅՆ ԵՓՐԵՄԻ ԽՈՐԻՆ ԸՍՈՐԻՈՅ



1 **Մ**սէ երանելի մարգարէն Եզեկիէլ • * Ընօ
 րէնն եթէ դարձցի յանօրէնուէց իւրոց
 զոր արար , և արասցէ արդարութի և ողորմու-
 թի , կելով կեցցէ՝ և մի՛ մեռցի : Ըմենայն
 յանցանք իւր զոր յանցեալ իցէ , և անօրէ-
 նութիք իւր զոր անօրինեալ իցէ , մի՛ յիշես-
 ցին • այլ ողորմուի իւրով զոր արար՝ կեցցէ ॥ Է

Ս ասն որոյ զբազմօք զանց արարեալ
 փութասցուք հասանել յընչաւէտ հօր առատ
 որդին • որոյ անուան կեանք է և լոյս և փրկիչ •
 յոր հաւատացաք՝ յոր մկրտեցաք և լուսաւո-
 րեցաք : Ար ՚ի հօրէ առնու , և զիւրան զգե-

ցուցանէ . Չփառսն զոր ետուր ինձ , ետու
նց : Որ զձեռանէ կալեալ զիւրոցն , առ հայր
մուծանէ . կամիմ զի ուր ես իցեմ , և սորա
ընդիս իցեն : Որ լանջակից և գրկախառն հօր
կացուցանէ . Չի ուր դու հայր ՚ի յիս՝ և ես ՚ի
քեզ , և սորա ընդիս և ընդ քեզ ՚ի մէջ իցեն :
Ո՛վ սքանչելեացն , ո՛վ երջանիկ աւետեացն , ո՛վ
անչափ մարդասիրութեանն :

Ս՝ առթէոս՝ երեկ մարսաւոր կողոպտիչ
անողորմ , այսօր ելեալ յերկինս բազմի : Պէտ-
րոս՝ ուրացող քի՛ , այսօր գահ ՚ի վեր անց-
եալ՝ փառօք փառաւորի : Պօղոս՝ հայհոյիչ և
հալածիչ եկեղեցւոյ , այսօր յանձառելինս
մտեալ՝ առ անձ հանգչի : Ի՛նդէ՞ր անադա-
նիմք , արի՛ք փութասցուք առ այնպիսի ողոր-
մած տերն , մի՛ յապաղեսցուք , մի՛ հեղգասցուք :
Եթէ զբազում աշխարհօք և զգաւաւօք պի-
տոյ էր անցանել , առաւել փութալի էր երագ-
եալ անկանել առաջի նորա գթութեանն՝ և
անչափ մարդասիրութեանն :

Չ՝ յլ նր՝ ծանուցեալ զհեղգութիս մեր՝ և
զանփութալի ծուլութիւնս , առ դուրս
եկեալ՝ առ սեամն մատուցեալ , ձայնէ՛ առ
մեզ՝ և կոչէ ուժգին . Եկայք առիս ամ՝ վաս-
տակեալք և բեռնաւորք , և ես հանգուցից
զձեզ , վարանեալքդ և ձանձրացեալքդ գաջիք
հանգիստ անձանց ձերոց . զի լուծ իմ քաղցր
է , և բեռն իմ փոքրոգի : Ո՛չ եմ պահանջող ,
ո՛չ կշամբիչ , ո՛չ յանդիմանիչ . միայն զլե-

զուգ շարժեալ և խոստովանեալ զոր գործեցեր . բեռն իմ փոքրոգի է թեթև , անաշխատ . զոր էթէ կամիցիս՝ դիւրաւ տանիցիս : Իսկ դու ընդէ՞ր տարակուսիս և դանդաղիս և վախ վախես , որպէ՞ ՚ի մեծամեծ տանջանս ես մտանել , և կամ ՚ի նեղութիւս և ՚ի վտանգս , և ոչ գաս յուղղութիւն :

Վարձեալ՝ նայեցեալ ՚ի տկարութիւնս մեր՝ զամենապետութիւն իւր ցուցանէ՝ և հարցանէ . զինչ կամիս , ո՞ւմ բաղձաս . հիւանդես , ճարտար բժիշկ եմես . ոչ է պիտոյ բժիշկ ողջոց՝ այլ հիւանդաց . ձրի բժշկեմ , չպահանջեմ ինչ ՚ի քէն՝ բայց միայն զդեղն : Ա՛չ առ վաճառահանս առաքեմ , ոչ ինչս ծախել , ոչ յայլմէ աղերսել . մոռա ՚ի սենեակ սրտի քոյ , բէր ինձ արտասուս որչափ և ձեռնհաս իցես . էթէ մի կաթ իցէ՝ բաւահան է մկրտել զքեզ երկրորդ անգամ , և յառաջին փառան հասուցանել : Աթէ մեղաւոր ես , ողորմած եմ ես . ոչ եկի կոչել զարդարս՝ այլ զմեղաւորս յապաշխարութի : Արք առ իս դարձան՝ ոչ ամաչեցին . և ոչ որ ՚ի նոցանէ կորեալ՝ բայց միայն թիւրեալքն ՚ի ճշմարտութէն :

Սմարտաւորն միով բանիւ արդարացուցի . զպոռնիկն իւրով արտասուօքն սրբեցի . զբժշկութիւն և զողորմութիւն պարգևեցի ամենեցուն : Վերոսի՝ ուրացողին զիս երկցս անգամ , դառնապէս արտասուացն ողորմեցայ . առ իս կոչեցի՝ և ՚ի կարգի առաքելութե

պահէցի : Օ իս ճաղանօք ՚ի խաչին դատադար
տեցին . արարածք ողբային և սարսէին . ես
վասն խաչահանողացն աղօթս առնէի : Առքա
բարկուծք և սրամտուծք զգլուխս իւրեանց
չարժէին . ես քաղցրուծք և ողորմուծք թո-
ղուծի խոստանայի : Աւսապա զինչ կատա-
րումն . զիմ հեթանոսս ողորմուծք կոչեցի յոր
դէգրուծի . ածի զօտարոտի ոչխարսն ՚ի գա-
ւիթ սրբուծէ իմոյ . և եղև մի հօտ և մի հո-
վիւ . ես նոյն եմ և ոչ փոփոխիմ , երեկ և
այսօր , նոյն և յաւիտեան :

Յ () արաւի ես՝ մի դանդաղիւր , ես եմ աղ-
բիւրն կենաց քաղցրաբուղիս և անու-
շաճաշակ . եթէ որ ծարաւի իցէ՝ եկեսցէ՛ առ
իս և արբցէ . և որք արբցեն՝ մի՛ ծարաւես-
ցին յաւիտեան . այլև գետք յորովայնէ նորա
բզխեսցեն ջրոց կենդանուծեան : Քաղցեալ
ես՝ մի լքանիր , ես եմ հացն կենաց ՚ի յերկնից
իջեալ . եթէ որ ուտիցէ ՚ի հացէս յայսմանէ՝
կեցցէ յաւիտեան :

Սերկացար՝ ով մեղաւոր , ես եմ պատ-
մուճան քեզ և վերարկու . միայն ՚ի չարեացդ
հեռացիր , և ես ագուցից քեզ զառաջին հան
դերձն . զի որք ՚ի քս մկրտեցարուք՝ զքս զգեց
եալ էք : Աթէ կարօտացար կօշկաց , ես զգե-
ցուցից քեզ կօշիկս լաւագոյնս , որով կոխես-
ցես զօձս և զկարիճս՝ և զիմ զօրուիս թշնամ-
ւոյն : Աթէ ծառայ գտար մեղացն , ես աղա-
տեմ զքեզ , զի իմ որ մեղս գործէ՝ ծառայէ

մեղացն • իսկ եթէ որդին օյ աղատեսցէ ըզ-
ձեզ , ճշմարիտ աղատք լինիցիք :

Ա Ո՛վ մեղաւոր՝ խորշին յիմ յաճեղ և՛ի հրա-
տեսիլ զօրութենէս • մի երկնչիր , չեմ
օտար • աղղական եմ .քո , որդի եմ դաւթի ,
թոռն եմ արբահամու • խօսակից և մարմնակից
եմ .քեզ : Աւապա զինչ կամիցիս՝ ՚ի պատրաս-
տի կամ՝ ասա՛ ինձ • զոր ինչ բարի կամիցիս
վս .քո , դու անդդ արա , և ես կատարեմ անյա-
պաղ • քանզի ոչ եկի պաշտօն առնուլ՝ այլ
պաշտել , և տալ զանձն իմ փրկանս փոխա-
նակ բազմաց :

Օ՛րնչ կամիս զի արարից .քեզ՝ ասա՛ ինձ •
ոչ հրաժարեմ , զի սովոր եմ առնել : Աթէ
զմատնչին զիս ՚ի մահ՝ զոտն լուացի և ոչ տաղա
կացայ • ապա ո՛րչափ առաւել զքոյդ ևս զիմոյ
խոստովանողիդ զգլուխս և զոտոդ լուացից ա-
ռանց դանդաղանաց • ոչ յայլ ինչ իրաց մաք-
րեմ , այլ ՚ի մեղաց սրբեմ՝ և վերստին մաքրեմ :
Կու շիթ մի յարտասուաց հէզ ՚ի կոնքս , և ես
քան զհոսանսն յորդանանու յորդագոյն հե-
ղում ՚ի .քեզ զշնորհս , և քան զառաջին մկր-
տութին պայծառագոյն լուսաւորեցից :

Ո՛վ մեղաւոր՝ յաճախ մեղար , զաղօա-
ցա՛ր , երկեսա՛ր ՚ի քննողէս • մի կապեր զխոստո-
վանութիդ , և ես արձակեմ զիմ բարբերարու-
թիս • որպէս պետրոսին սահմանեցի զչափն ,
դարձեալ .քեզ սահմանեմ : Արամի՛ս որ հաշտիմ
լնդ .քեզ • դու մեկնեաց ՚ի .քո չար սովորու-

Թե՛նէդ , և ես մեկնիմ յիմ սրտմտուԹե՛նէս :

Վո՛ւ հա՛րց վասն մեղաց քոց զեօթն ան-
գամ ԹողուԹիւնն , և ես պատասխանեցից քեզ
զեօթանասնեկին եօթն՝ զոր քեզ շնորհեմ
ԹողուԹի՛ . զի զոր ինչ ելանէ ընդ շրթունս իմ՝
դայն ո՛չ ստեցից . քննեա՛ զչափդ , իմացիր ըզ
Թիւդ և զհամարդ , և մի՛ տրանջեր զտանու-
տեառնէս : Արամի՛ս զի Թողից զպարտս քո , չեմ
ժլատ՝ առա՛տ եմ , ընչաւէտ հօր՝ մեծատուն
որդի . չտոկոսեմ զպարտապանդ , չպահանջեմ
զպարտսն , չարկանեմ խեղդ . դու միայն յան-
ձին կալ՝ և խոստովանեա՛ զոր գործեցեր , և
ես չորեքհարիւր և իննսուն քանքար Թողում
քեզ . և ուրա՛խ արձակեցից զքեզ :

§ Ա՛վ մեղաւոր՝ ընդէ՛ր փախչիս յինէն , վս
զի բազումս մեղար . էկ առիս որդեակ իմ
ողորմելի՛ զի ո՛չ բարկանամ և ո՛չ մեղադրեմ .
վս զի իմ էս արարած , իմ էս պատկեր , իմ
նմանուԹի՛ , անարատ ձեռաց իմոց ստեղծուած ,
և նորին աղագաւ ինայեմ՝ և ո՛չ եղծանեմ
զպատկերդ , ո՛չ խանգարեմ զստեղծուածդ ,
ո՛չ տպականեմ զնմանուԹի՛դ . վասն զի ողորմած
եմ և գթած , երկայնամիտ և բազումողորմ :

Ա՛չ դժուարին ինչ խնդրեմ ՚ի քէն , և դու
զի՛ տարակուսիս . միայն դա՛րձ առիս , և ես
դարձայց առ քեզ . միայն յապաշխարուԹիւն
փուԹա՛ . միայն խոստովանեաց զմեղսդ . միայն
մեղայ՝ ասա անկանելով առաջի իմ , և ես փա-
ռօք պատուեցից զքեզ :

Մ.րդ՝ էկ առիս , և մի՛ ամաչեր . քանզի չյայտնեմ զմեզսդ . չանդոսնեմ զգործողդ . չյանդիմանեմ զմեզաւորդ . չբերեմ յերես ըզխայտառակութիդ . չյիշեմ զբազմութի՛ չարեացդ . չմեզողրեմ ճիբացելումդ . այլ ողորմիմ յանցաւորիդ . այլ գթամ ՚ի կողոպտեալդ . այլ կենդանացուցանեմ զմեռեալդ :

Մի՛ տրամեցուցաներ զարարիչս քո անդարձութեդ . մի՛ պատճառեր զպատճառս մեղաց . մի՛ ապաշնորհ առներ զիմ մարդասիրութիս . մի՛ խանգարեր զիմ արարչութի՛ . մի՛ արտաքս պահեր զիս յիմ տաճարէդ . մի՛ զրկեր զիս յիմ բնակութեդ . մի՛ կողոպտեր յիմ ստացուածոյդ . մի՛ թափուր թողուր զիս յիմ գանձէդ . որ ոչ եթէ այլ իրօք ստացայ զքեզ , այլ զարիւնս իմ ետու գին , և այնու ստացայ զքեզ : Աւ եթէ հայիս ինձ՝ որ սուգ ունիմ ՚ի վր՛ կորստեան քո , զղջանաս ՚ի չարեաց քոց . ես այնպէս ծարաւի եմ քո փրկութեդ , որպէ՛րու ՚ի յողբերս ջուրց :

Յ՝ Վ մեզաւոր՝ շնորհեա՛ ինձ զոր ինչ խընդրեմն ՚ի քէն : Տ՛ուր ինձ զոր կամիմն՝ զպաշխարութի՛ : Տ՛ուր ինձ զոր սիրեմն՝ զըղջումն : Տ՛ուր ինձ զոր ցանկամն՝ զկաթ մի արտասուաց : Տ՛ուր ինձ զոր փափաքիմն՝ զհառաչ մի ՚ի խորոց սրտէ : Տ՛ուր ինձ զոր բերկրիմն՝ զախրութիւն կերպարանացդ : Տ՛ուր ինձ զոր խրախանամն՝ զհամբարձումն ձեռացդ . և ըզտատանմուկք մատանցդ : Տ՛ուր ինձ զոր ցնծաս

մըն՝ զբանիւ խոստովանիլն . և էս սերովբէից
և քերովբէից հաւասար բարձրացուցից զքեզ :

Իսկ արդ ասա՛ ինձ . զի՛նչ մնաս արարի
քեզ՝ որ այսքան ՚ի սուգ և ՚ի լաց պահէս զա-
րարիչս . քո՛ չարեացդ անդարձութիք . վն այն՝
զի յոչ գոյէ ՚ի գոյ ածի . զի յանկենդանեաց
զքեզ որոշեցի . զի յանասնոց բաժանեցի . զի
մարդ արարչագործեցի . զի յիմ նմանութիս
ստեղծի . զի ձեռօքս յօրինեցի . զի պատկե-
րակից ինձ անուանեցի . զի բանականութիք
պատուեցի . զի իմաստութիք զարդարեցի . զի
բաղմազան հանձարովք փարթամացուցի . զի
տղզի աղզի արհեստիւք ճոխացուցի . զի իշխա
նութիք մեծացուցի . զի ՚ի վր ամի կացուցի :

Օ՛ր զերկինքն լուսաւորօքն , և զօդդ թրուչ-
նովք , զծով լողակօք , և զերկիր ամ կենդանե-
օք տնկովք և բուսովք ՚ի վայելչութիւն և ՚ի
հնազանդութի քեզ ետու . և այժմ ՚ի վերայ
այսր խոստանամ կեանս յաւիտենականս , և
արքայութիւն երկնից :

7 Ըրդ՝ հարցանեմ զքեզ քաղցրութիք ո՛վ
մեղաւոր՝ և ո՛չ խստութիք . անկէ ասա՛ ինձ
այժմ , մնասապարտ եմ . քո՛ եթէ երախտաւոր :
Եթէ արդարութիք խօսիս , ո՛չ եմ մնասապարտ
քեզ՝ այլ երախտաւոր . իսկ եթէ երախտաւոր՝
տպա ընդէր միաբանեալ էս ընդ թշնամւոյն
իմոյ ստանայի . և խոցես զիս ՚ի լեարդս իմ
յնմ աւուր քառասայրի սրով :

Իմացիր և գիտեա՛ զի սուր մեղաց մեղա

ւորին տուաւ խոցէ զիս և վիրաւորէ՝ քան
 զբացումն կողից իմոց՝ յոր խոցեցայ գեղարդ-
 եամբն ՚ի վր խաչին։ Սաստկագին կսկծեցու-
 ցանէ քան զհարումն բւեռացն ՚ի խաչհանո-
 ղացն՝ ՚ի ձեռս և ՚ի յոտս։ Աւագին մորմոքե-
 ցուցանէ զիս սուր մեղաց մեղաւորին՝ քան
 զհարումն փուշ պսակին ՚ի գագաթն գլխոյս ,
 որ կսկծեցոյց ՚ի յոսկր և յուղեղ։ Մասաւեւա-
 տէս դառնացուցանէ զճաշակելիս և զքիմս իմ՝
 դառնութի և գարշահոտութի մեղաց մեղա-
 ւորին , քան զէղին և զքացախն զոր արբի
 ՚ի վերայ խաչին։

Վիտեմ զի զաղգս խաչահանողաց իմոց
 յորժամ տեսանես՝ առես զնոսա և անարգես ,
 ոյլ և կամիս մահու սպանանել , զի զաէրս քո
 ՚ի խաչ հանին , և դու անմտութի յիմ աւուր
 զգործս նոցա գործես՝ յիս չարաչար մեղան-
 ջելովդ։ Մորդ՝ դադարեալ ՚ի չարեացդ՝ և եկ
 ՚ի զջուկն սիրելի որդեակ իմ . զի մի զբաժակ
 դառնութեանն զոր արբուցանելոց եմ նոցա՝
 և քեզ ջամբիցեմ։

8 Ս'վ դասք մեղաւորաց ասացէք ինձ . զի՛նչ
 չար արարի ես մարդոյ , որ սյդքան երեսս
 էք շրջեալ ՚ի քաղցրաբարոյ արարչէս ձերմէ՝
 ուր ՚ի թշնամւոյ։ Այ՛ ապաքէն մարդն էր՝ որ
 կոխեաց զհրամանս արարչին՝ և ցանկացաւ
 անձանալոյ . և ես փոխանակ նր մարդ եղէ , և
 մարդն անացուցի։ Այ՛ մարդն էր՝ որ մեր-
 ձեցաւ ՚ի ծառն , և ես ՚ի փայտ խաչին զիս

բարձրացուցի : Ո՞չ մարդն էր՝ որ ոտիւքն ընթացաւ . և ես զբեկեռն յոտս ընկալայ : Ո՞չ մարդն էր՝ որ ձգեաց զձեռն իւր 'ի ծառն . և ես 'ի խաչին տարածեցի : Ո՞չ մարդն էր՝ որ քաղցրացաւ 'ի պտղոյն . և ես զքացախն և ըզլեղին արբի : Ո՞չ մարդն էր՝ որ հաւանեցաւ կողածնին՝ և եկեր 'ի պտղոյն . և ես զկողս իմ վասն նր՝ 'ի խաչին բացի : Ո՞չ մարդն էր՝ որ զգործս անիծից գործեաց . և ես վասն նորա կոչեցայ անէծք : Ո՞չ մարդն էր՝ որ ոչ սասց մեղայ . և ես զլլիւ էլին 'ի խաչին առ հայր գոչեցի : Ո՞չ մարդն էր՝ որ մահու դատասպարտեցաւ . և ես 'ի խաչին զմահ յանձն առի : Աւ դուք մեղաւորք՝ 'ի յայսքան բարերար արարչէս ձերմէ երեսս դարձուցանէք . որ քաղցրութիք աղաչեմ զձեզ գալ 'ի զղջումն և յապաշխարութի՝ և առնուլ զթողութի :

Ծ Ո՞վ մեղաւոր՝ տամ զդատաստան իմ 'ի ձեռքս քո , և դու արա ինձ իրաւունս , եթէ ես ոչ սիրեցի զքեզ՝ ապա և դու յիրաւի ատես զիս . և եթէ սիրեցի , դու ընդէ՞ր յինէն 'ի բայց փախչիս :

Իսկ եթէ ասիցես ընդ միտս , եթէ ոչ կատարեալ սիրեցեր զիս : Օրանիր զի ոչ է ճշմարիտ կարծեքդ . զի ես զաշխարհս բոլոր լիւիւրով վաքո ստեղծի . զգրախան վասն քո յօրինեցի . զերկնից արքայութիւն վասն քո պատրաստեցի . զտեղի անկելոց հրեշտակացն քեզ թողի ժառանգել . միայն դու դարձիր 'ի մե-

ղաց քոց , և ես բերից զքեզ՝ զի տեսցես և վայելեացես ընդ հրեշտակս իմ :

Տէ՛ս՝ զի վասն քո յերկնից ՚ի յերկիր խոնարհեցայ , անձս մարդ եղէ՝ և տէրս ծառայ : ॥ Կ՛քո յատենի կացի իբր զչարագործ . ՚ի հրեից դատապարտեցայ . ՚ի պիղատոսէ գանահարեցայ . ՚ի հերովդէէ կատակեալ արհամարհեցայ : ॥ ասն քո ՚ի զինուորացն ձաղեցայ . ՚ի ծառայիցն աստակեցայ . ՚ի քահանայիցն թուք յերեսս ընկալայ . ՚ի ժողովրդէնէն նախատեցայ : ॥ Կ՛քո զխաչն իմ ուսովս բարձի՝ և հանի ՚ի գողդոթա . վասն սիրոյ քոյ հայհոյեցայ , թշնամանեցայ , և խաչեցայ : ॥ Կ՛քո բեկեռօք պնդեցայ . անգաւ խոցեցայ . պսակ ՚ի փշոց ընկալայ , քացախ և լէղի արբի . քղամիդ նախատանաց զգեցայ . զանձային գլուխս խոնարհեցուցի , զհոգիս ՚ի ձեռն հօր աւանդեցի : ॥ Կ՛քո ՚ի մարդկանէ պատեցայ . մարմնով ՚ի գերեզման իջի , հոգւով ՚ի դժոխս գնացի՝ և զարգելեալ հոգիսն ազատեցի . ՚ի յերրորդ աւուր յարեայ՝ և զքեզ յարուցի ՚ի մեռելու թենէ մեղաց :

10 ॥ Վ մեղաւոր՝ տէ՛ս թէ որչափ սիրով սիրեցի զքեզ , զի յորժամ վասն քո զմահն կրեցի յիս ՚ի խաչին , հայր իմ սարժանայր , և հոգին սբ արամէր վս ստեղծանելոյ զմարդն : Օհնչ ասացից զդասուց հրեշտակաց , թէ որպիսի սուգ անհնարին եղև ՚ի միջի նոցա . քանզի կիզէր ՚ի կսկծոյն երկինքն երկնաւո-

րօքն , յորժամ տեսին զստեղծիչս իւրեանց ՚ի
 խաչին մահացեալ : Աւթէ ո՞րնք արարածք ւամ
 սուգ սուեալ ողբային անմխիթար , յորժամ
 տեսին զարարիչս իւրեանց մերկացեալ ՚ի խա-
 չին , և զմահ յանձն սուեալ : () Ի արեգակն
 և լուսինն հանդերձ ւամ սասեղօք մերկանային
 զլոյս իւրեանց , և զխաւար զգենուին . և եր-
 կիրս ՚ի հիմանց սասանէր և դողայր . վէմք պա-
 տառէին . և վարագոյր տաճարին ՚ի յերկուս
 ծուէնս ցելոյր : Աւ մեռեալքն մարմնով ոչ
 կարացին հանդուրժել , այլ ՚ի գերեզմանացն
 յարուցեալ ողբային լէ արարածոց՝ և վկայէին
 վասն յարութեան իմոց :

11 () Ի տեսն արդեօք , թէ ՚ի գիշերին յորում
 ըմբռնեցայ , ո՞րքան սուգ և արամուժի
 կայր ՚ի մէջ սիրեցեալ աշակերտաց իմոց . և
 տես զսասակուի արամուժե սուրբ առաքե-
 րոցն : () Ի մինչդեռ ոչ էին կալեալ զինուոր-
 քն զվարդապետս իւրեանց ՚ի սոքա ոչ կարէին
 ՚ի բաց ունել զաչս , այլ ՚ի խստութեան խորու-
 թեանցն անկանէին ՚ի քուն ոնք զթմբբեալս .
 իսկ ես մեկնէի ՚ի նոցանէ իբրև քարընկէց
 մի , և առ հայր աղօթէի :

Ապաքէն մարդ յորժամ մահու երկիւղ
 կրէ , քրտունքն ջուր է որ հոսի . իսկ ես վն
 սիրոյ քոյ այնքան թոյլեալ երկիւղին ՚ի յիծ-
 ացեալ մարմինս իմ , որ քրտունքն իմ արիւ-
 նախառն կայլակնացեալ՝ և վաակ վաակ իջա-
 նէին ընդ ձախաաս իմ , և մարմին իմ յահագին

երկիւղէն սասանէր և գողայր յոտից մինչև
ցգլուխս . և կայի անկեալ երես ՚ի գետին՝ և
ուժգին գոչմամբ առ հայր աղօթէի , եթէ
հնար է անցցէ բաժակս այս յինէն :

12 Ա՛յլ մեղաւոր՝ իմացիր թէ որչափ սիրեցի
զքեզ . զի յորժամ հրէայքն պաշարեցին
զիս սուսերօք և բրօք՝ ջահիւք և լապտերօք ,
նչ կարէին ճանաչել զիս : Ա՛սան զի այնքան
ծարաւիք էին արեան իմոյ , զի որք անծանօթ
էին զինէն՝ և նչ էին տեսեալ զսքանչելիքն
իմ , զնոսա առաքեցին . զի մի գուցէ ողորմեա-
ցին և փախուսցեն , և նչ ըմբռնիցեն :

Իսկ ես հարցի քաղցր ձայնիւ՝ զո՞
խնդրէք . և նորա ասեն՝ զյս . ասացի՝ Ես եմ .
և նորա յահէ իմմէ զգեանի հարան . և ես գը-
թացեալ յարուցի զնս . իսկ նորա նչ ողորմե-
ցան ինձ : Ա՛հար պետրոս սրով , և ՚ի բաց եհան
զուսնին ծառայի քահանայապետին . իսկ ես
զսուրն պետրոսի արգելեալ յետս դարձուցի .
և զհատեալ ուսնին առեալ եզի ՚ի տեղին , և
բժշկեցի . և նչ այսու գթացան յիս :

13 Ա՛յլ զինչ ասացից զանողորմ բարուց նց .
զի թէ անդամալոյժն՝ որ անկեալ կայր
՚ի սրահին բեղհեղդայ զերեսուն և ութ գամ .
որ այնքան տէր նչ ունէր՝ զի երբ ջուրքն յու-
ղէին , մուծանէին զնա յաւազանն զի բժշ-
կեացի . մինչ այլքն վաղվաղակի ընդ յուղե-
ջոյն իջանէին , և բժշկեալ գնային : Իսկ տես-
եալ իմ զտառապանս անդամալուծին՝ գթա-

ցայ նմա և ողորմեցայ , և բժշկեալ ողջացուցի . դարձեալ տեսի 'ի տաճարին՝ և պատուիրեցի ասելով , այլ մի ևս մեղանչեր , զի մի ևս չար ինչ լինիցի քեզ :

Եւսի 'ի գիշերին յայնմիկ մինչդեռ զինուորքն կային 'ի բացեայ՝ և ոչ էին մերձեցեալ յիս , անդամալոյծն այն՝ վասն այն զի ճանաչէր զիս յորմէհեաէ բժշկեալ էի , իսկոյն վուծացեալ 'ի թռիչս՝ եհաս առաջի իմ . և զառաջին ապտակն նա՛ եհար յերեսս իմ . և ես ինչ ոչ արարի նմա , վն զի մարդասէր եմ . այլ և 'ի զղջանալն նորա՝ արքայուծեան իմոյ արժանացուցի զնա :

Ա՛րդ՝ եթէ դա՛ զայս գործեաց առ իս . ապա անծանօթ հրէայքն և զինուորքն զինչ արարին ինձ 'ի գիշերին յայնմիկ . և վն սիրոյ մեղաւորիդ համբերեցի այսքանեացս . և դու յայսպիսի բարի արարչէս երես դարձուցանես , և զիս 'ի սուգ դառնութե՛ պահես :

14 **Ս**՛վ մեղաւոր՝ տէ՛ս զսէր իմ՝ 'ի վերայ քո . զի յորժամ ըմբռնեցին զիս , թողին զիս միայն աշակերտքն իմ՝ և ինքեանք փախեան . դառնս մի էր՝ և գայլքն բազումք . ոչխարս մի էր՝ և գաղանքն յուրք . որոջս մի էր՝ և արեանարբուքն յաճախ . անմեղս յանապատի մի էր՝ և շանաբարոյ որսողքն յոքունք . եզնս պարարակ մի էր՝ և զենօղքն շատք . արդար աղաւնիս մի էր՝ և վայրենի թռչունքն բազումք . ողջախոհ տատրակս մի էր՝ և սևաթորմի ագռաւքն բազմերամք :

Եւ թէ զինչ գործեցին յայնժամ ընդ իս՝ ասացից և զայն : Վախ մերկացուցին զանկար պատմութեանն իմ, և ասպա հոնին զպարեգօտն իմ. բացին զգլուխ իմ, և կապեցին ըզձեռս իմ՝ ՚ի թիկանց կուսէ . արկին չուան ՚ի պարանոցս իմ, և սկսան տանել, և թէ որպէս, լուր և զայն :

Վորա որք յառաջմէ էին՝ քարշէին ՚ի վերայ երեսացս, և որք զկնի՝ ձաղկէին զթիկունս . որք ՚ի յաջմէ՝ ապտակէին զծնօտս, և որք ՚ի ձախմէ՝ թքալից առնէին զերեսս . որք ՚ի բացեայ՝ հող արկանէին զգլխովս, և որք ՚ի հեռուստ՝ ձայն բարձեալ հայհոյէին և անարգէին . որք սակաւ մերձ՝ սյպանէին և կառակեալ ծաղր առնէին նախատանօք . կէսք փութով արշաւէին աւետատու յապարանս քահանայապետիցն . և ասպ զինչ : Իբրև լուան յաւետաւորացն, փութանակի ձայն արձակեցին առ միմեանս՝ եթէ կապեալ են զյս՝ և բերեն կապանօք, եկայք փութասցնուք ընդ առաջ նորա :

Իսկ սվոք էր յառաջ եկելոց բազմութենէն՝ որ ոչ էհար զիս . սվոք էր՝ որ ոչ ապտակեաց զիս . սվոք էր՝ որ ոչ ձաղեաց զիս . սվոք էր՝ որ ոչ եթուք յերեսս իմ . սվոք էր՝ որ ոչ կուփահարեաց զգլուխս իմ . սվոք էր՝ որ ոչ բռնցի էհար զպարանոց իմ . սվոք էր՝ որ ոչ բրօք հարկանէր զթիկունս իմ : Սվոք էր՝ որ ոչ թշնամանեաց զիս բանիւ, կամ ոչ

անարգեաց , կամ ոչ նախատեաց , կամ ոչ ար-
համարհեաց , կամ ոչ կատակեաց , կամ ոչ ծա-
ղըր արար , մինչև հասուցին յապարանս կայի-
ափայ և աննայի . և ես վասն սիրոյ քո զայս ամ
կրեցի . և դու ատես զիս , և զմեզս սիրես :

15 Այս էթէ ասեմ զոր ինչ արարին ընդ-իս ,
յորժամ յապարանսն մուծին կայիափայ և ան-
նային , զարհուրիս ՚ի լսելն : Ասացին՝ ոչ անի-
րաւաբար դատեմք մեք զՅս , այլ օրինօք և
դատաստանաւ . եղին ատեան , և նստան քա-
հանայապետքն հանդերձ ծերովք . կացուցին
սուտ վիայք , թէ հակառակ նոյ է . թէ խափա
նիչ օրինաց է . թէ լուծիչ շաբաթու է . թէ
քակիչ տաճարի է . թէ հայհոյիչ նոյ է . թէ
զաւանդս ծերոց արհամարհէ . և այլ ևս բա-
զուամս : Աւ այնուհետև սկսան աղաղակ բառ-
նալ և ասել՝ ոմանք թէ մահապարտ է , ոմանք
թէ ՚ի խաչ հանել արժան է . այլք պատուէին
զհանդեձս՝ թէ հայհոյեաց զամժ , այլք թէ
չարագործ է . և ես տարեալ համբերէի ամե-
նայնի վասն մեղաւորիդ :

Աւ անտի հանեալ տարան ՚ի տունն ան-
նայի , անտի յապարանսն պիղատոսի , անտի յի-
ջևանս հերովդէի , անտի դարձեալ յապարան
սըն պիղատոսի . և զգիշերն ամ ոչ ետուն հան-
գիստ ահան թօթափել մի , այլ շրջեցուցանէ-
ին յապարանից յապարանս : Աւ թէ որչափ
ծաղըր և նտխաափինս և անարգանս և չարչարանս
անցուցանէին ՚ի գլուխս իմ զգիշերն ամ ՚ի

տարուբեր առնելն՝ զայնոսիկ Թողում, զի ոչ
կարես տանել:

16 **Ե** զիա՛րդ լիցի քան զայն առաւել սէր՝
որ զքեզ սիրեցի, զի և ոչ մօր խնոյ մարիամու
ողորմեցայ. յորժամ տեսանէր մայր իմ զմիա-
ծին որդի իւր զարարիչս երկնի և երկրի ՚ի
վերայ խաչին մերկացեալ՝ և զմարմին իմ ար-
իւնըռուշա ներկեալ. բւեռօք պնդեալ. զկողս
հերձեալ. զերեսս իմ այլագուռնեալ. զգլուխսս
խոնարհեցուցեալ. զոգիսս աւանդեալ:

Երդ՝ կարէ՞ որ ՚ի մարդկանէ կամ ՚ի հը-
րեշտակաց իմանալ, Թէ ո՞րքան սուգ ունէր
նա. ո՞րքան կսկծէր. ո՞րքան այրէր սրտիւ. ո՞
րքան մօրմօրէր. ո՞րքան խարշատէր. ո՞րքան
վառէր. ո՞րքան սգայր. ո՞րքան հեծեծէր. ո՞
րքան հառաչէր. ո՞րքան տխրէր. ո՞րքան խը-
ռովէր. ո՞րքան տագնապէր. ո՞րքան յոգւոց
հանէր: Ա՞րպիսի ողբայր. ո՞րպիսի արտասուս
հեղոյր. ո՞րպիսի երգս եղանակէր. ո՞րպիսի
ձայնս արձակէր. ո՞րպիսի բանս բարբառէր:

Օ իա՛րդ գիրկս խաչին արկանէր. զիա՛րդ ըզ-
բազուկն իւր ձգէր առ իս, և ոչ հասանէր.
զիա՛րդ յերկիր անկանէր. զիա՛րդ հող զգլխովն
տայր. զիա՛րդ կականէր. զիա՛րդ Թախանձէր.
զիա՛րդ խանդաղատէր ընդդէմ միածնիս իւ-
րոյ մահացելոյ. զիա՛րդ զերկնային զօրսն ՚ի
յողբս խոնարհեցուցանէր. զիա՛րդ զզգալի
արարածս յարտասուս շարժէր. զիա՛րդ զիւրա
բեր կանայսն ընդ ինքեան յերկիր ընկենոյր:

Մ'րդ ՚ի ժամուէն յայնմիկ՝ մայրն իմ որ զայսպիսի կսկիծս կրէր , մեռեալէր , եթէ կենդանի . յարթնութեան էր , եթէ յերազի . ՚ի զգաստութեան էր , եթէ ՚ի թմբբութեան . և այսքան աղէտից մօր իմոյ ես ոչ ողորմեցայ վասն քո , և դու երեսս շրջես յինէն՝ և ՚ի թշնամւոյն կողմն դառնաս :

17 **||** 'վ մեղաւոր իմա՛ որ այժմ քաղցրութիւն կոչեմ զքեզ յապաշխարութիւն , և դու ոչ լսես ինձ . եթէ յանզղջութեանդ մեռանիցիս , մի՛ այնքան երկնչիր ՚ի բաղմութենէ մեղաց քոց՝ որքան յիմ երախտեացս և ՚ի չարչարանաց . զի քան զմեղաց քոց հատուցումն՝ հազարապատիկ տանջելոց եմ զքեզ ՚ի հնոցի հրոյն որ արհամարհեցեր զչարչարանս իմ , և ունայնացուցեր զմարդեղութիւն իմ , և ՚ի զո՛ւր հաներ զիջումն իմ՝ յերկնից յերկիր որ վասն քո :

Ըարչարանքն իմ զոր կրեցի վասն մեղաւորաց , այն պարտք է ՚ի վերայ մեղաւորաց . զի թէ ապաշխարութիւն ոչ վճարեսցեն զպարտս չարչարանաց իմոց և առցեն թողութիւն , ՚ի դատաստանին իմում զմեղաց իւրեանց հատուցումն այն չափովն եմ տալոց՝ որքան գործեցին . իսկ զպարտս չարչարանաց իմոց հարիւրապատիկ՝ զի արհամարեցին :

18 **||** 'վ մեղաւոր տաս՛ ինձ՝ զինչ մնաս տեսեր յարարչէս քո քնէ , որ այսքան ատես զիս , կամ զինչ բարութիւն տեսեր ՚ի սատանայէ , որ այդքան սիրես , և զկամս նր՝ կատարես քո

զազիր գործովդ : Աթէ ունին մատուցանես
 ինձ , ահա այժմ զսատանայի բարութին ցու-
 ցանեմ .բեզ զոր արար : Ա՛ջ սատանայ էր՝ որ
 զմայր .քո խաբեաց օձիւն , և նուլաւ զՏայր
 .քո ադամ : Ա՛ջ սատանայ էր՝ որ ետ ուտել
 հօր .քում զպտուղն : Ա՛ջ սատանայ էր՝ որ մեր-
 կացոյց ՚ի լուսեղէն պատմուճանացն : Ա՛ջ սա-
 տանայ էր՝ որ փախոյց յերեսաց ան , և թաքոյց
 ՚ի ներքոյ թղենւոյն : Ա՛ջ սատանայ էր՝ որ ՚ի
 ներքոյ անիծիցն ան մատնեաց զՏայր .քո և ըզ
 մայր : Ա՛ջ սատանայ էր՝ որ ետ արտաքսել
 յանձալայելուչ դրախտէն անմահութեան , և
 գրաւեաց ՚ի ներքոյ մահու : Ա՛ջ սատանայ էր՝
 որ զամս ինն հարիւր կսկծեցոյց ընդդէմ ան-
 մահական դրախտին սաստկագին արտասուօք :
 Ա՛ջ սատանայ էր՝ որ զպայծառուի լուսեղէն
 պատմուճանին հօր .քո՝ ՚ի մաշկեղէն հանդերձ
 փոխարկեաց : Ա՛ջ սատանայ էր՝ որ զանաշխատ
 վայելուճն ՚ի պողոց դրախտին՝ ՚ի .քրտուհիք ե-
 րեսաց դարձոյց վարել : Ա՛ջ սատանայ էր՝ որ
 զըկեաց ՚ի հրեշտակական աճմանէն , և արժա-
 նացոյց անասնական աճման , և այն՝ ցաւօք և
 տրամութի : Ա՛ջ սատանայ էր՝ որ զհոգիս հօր
 .քո ծննդովք իւրովք զամս հինգ հազար ՚ի
 դժոխս արգելեալ պահեաց , մինչև ես գթաց
 եալ ողորմեցայ , և եկեալ խաչիւն ազատեցի :
 Ա՛րդ՝ եթէ ընդ նախնի հոյրն .քո ադամ զայս
 արար , ընդ .բեզ ապա զինչ կամի առնել՝ որ
 ոյդքան սիրես զսատանայ , և դու միտ դիր

զի և զքոյն ասացից :

19 **||** Վ մեղաւոր՝ կամի զքեզ սատանայ ջըն-
ջէլ 'ի հօր նոյ որդեգրութենէ : Կամի որոշել
'ի հոգւոյն նբյ բնակութի : Կամի բաժանել
զքեզ յորդւոյս նոյ եղբայրութի : Կամի ըզ-
քաղցր սէրն նոյ հօր՝ որ զմիածինս ետ վն քո
'ի մահ, 'ի յատելութի փոխել : Կամի զերթևե-
կութի հոգւոյն նբյ 'ի քէն արգելուլ : Կամի
յմծային անձառ շնորհաց վայելչուէն զրկել :
Կամի զտիրական տաճարդ հիմնայատակ քա-
կել : Կամի զարարչին իմաստուէն յօրինուած
պատկերդ՝ 'ի յերկիր կոխել : Կամի զցանկալի
տիպդ երրորդութեն՝ չարաչար մեղքդ եղ-
ծանել . և այլն 'ի կարգին :

20 **||** Վ մեղաւոր՝ որ սիրեսդ զսատանայ, տէս
զցանկութի դորա վասն քո : Յանկայ սատա-
նայ զաւազանին շնորհն զոր ընկալար 'ի հոգ-
ւոյն նբյ՝ 'ի քէն եղծանել : Յանկայ զմկրտու-
թի լուսապայծառ պատմուճանն զոր զգեցար՝
մերկացուցանել : Յանկայ 'ի կենարար մարմնոյ
և յարենէ իմմէ սովամահ զքեզ սատակել :
Յանկայ զերկնային հարսանեց հանդերձդ ազ-
տեղացուցանել : Յանկայ զլապտեր կուսութի
քո շիջուցանել : Յանկայ զբացեալ դրունս
առագաստի երկնաւոր փեսայիս ընդդէմ քո
փակել : Յանկայ զվայելուչ տունկդ ադենա-
կան դրախտին յարմատոց խելել : Յանկայ
զուսնդ գեղեցիկ՝ որ հաստատեալ ես 'ի ճշմա-
րիտ որթս յն՝ սրով հատանել : Յանկայ զան-

Թառամ ծաղիկդ արարչին՝ խորշակաւ մեղաց
Թառամել. և այլն ՚ի կարգին :

21 Ս՝ վ մեղաւոր՝ փորձեա՛ և զչարիւն սատա-
նայի՛ որ սիրեսդ զնա : Օ՛չարի սատանայ՝
եթէ ՚ի մեղացդ քոց զղջասցիս : Օ՛չարի՛ յոր-
ժամ զգործեցեալ յանցանքդ խոստովանես-
ցիս : Օ՛չարի՛ յորժամ մեղայ տսելով առ
տէր քո դարձցիս : Օ՛չարի՛ յորժամ անկեալ
յերկիր՝ առիս արտասուօք պաղատիս :

Ս՝ Իրաւորի դառնապէս՝ յորժամ յինէն
զթողութի՛ մեղաց քոց ընկալցիս : Մտնանձի
բորբոքմամբ հրոյ՝ յորժամ զտէրս քո ապաշխա
րութի՛ վերստին ՚ի հոգիդ քո ընդունիցիս :
Տոչորի կսկծմամբ՝ յորժամ յարարչէս քո պատ
ուօք մեծարիցիս : Տագնապի մեծաւ տանջա-
նօք՝ յորժամ անթարշամ բրաբիոնօք պայծա-
ռասցիս : Ատաղի բարկութի՛ չարաչար՝ յոր-
ժամ երկնային փառօքս իմ պսակեսցիս : Ս՝ ա-
հանայ չարութի՛ յորժամ անվաղձան կենօք
ընդ հրեշտակս իմ պարառեալ՝ յարքայութի՛ս
երկնից բերկրութեամբ հրճուեսցիս :

22 Տէս ս՝ վ մեղաւոր, որ սիրես զսատանայ՝ և
կատարես զկամս նորա, եթէ զի՛նչ խոստանայ
քեզ : Աոստանայ քեզ սատանայ բարութի՛
զանդունդս անդնդոց : Աոստանայ քեզ վայ-
ելչութի՛ զգոգեցեալ և շարաւալից՝ զատղտ-
կալի և զսղբալի տեսութի՛ կերպարանաց իւ-
րոց, որ դառնագոյն է քան զհուր գեհէնին :
Աոստանայ քեզ զպարակցութի՛ ժանտատեսիլ

և գարշատեսիլ դասուցն գիւաց : Խոստանայ
 քեզ հանգիստ՝ զկաթսայս անդնդային եռան-
 դիցն , և զգոգս հրաբորբոք տապականն :
 Խոստանայ քեզ պատմուճան՝ զխաւարն ար-
 տաքին , որ է Թանձր և շոշափելի . ուր լաւ ա-
 չաց է՝ և կրճեւ տտամանց : Խոստանայ քեզ
 սեղան՝ զճոցս լայնութե՛ յատակացն դժոխոց :
 Խոստանայ քեզ զենլիք՝ զորդունքն անքուն
 և զվիշտպքն ահագին հրեղէն ծովուն : Խոս-
 տանայ քեզ կերակուր՝ զհալս քրայից հալո-
 ցացն սարսուելի իջելոցն : Խոստանայ քեզ
 ըմպելի՝ զսարսափելի հոսանս հրեղէն գետոցն :
 Խոստանայ քեզ լապտերք՝ զցոլմունս շանթից
 հրաբորբոք փայլատակման կայծականցն : Թո՛ղ
 զտարտարոսն և զայլն նմ՝ զոր խոստանայ
 սատանայ իւրոց սիրողացն և կամարարաց :

25 Եւ մեղաւոր՝ ընդէ՛ր զերախտիս արարչիս
 քո ոչ իմանաս , զի սատանայ յնմաւուր մահ-
 ուանդ սպասէ , զի ՚ի մեղս մեռցիս , և ես անե-
 րևոյթ զօրութե՛ իմով կիզեմ՝ միշտ ու՛յ հրով .
 և հրեշտակք իմ հարկանեն զնա հրեղէն սրով՝
 և ՚ի բաց փախուցանեն ՚ի քէն , զի մի՛ մահու
 փնասեսցէ քեզ : Վախէ չարն զի ես մարդա-
 սէր եմ . և երկնչի՛ եթէ մարդ մեղաւոր կեն-
 դանի մնալովն յանկարծակի զղջասցի , և ողոր-
 մութի գացէ ՚ի ձեռս նոյ , և ելանիցէ յինքենէ :

Վախ ընդէ՛ր ՚ի բաց փախչիս ՚ի քաղցր
 քնէս քումմէ , որ հրեշտակք անդադար տե-
 սանելով՝ ոչ յագենան ՚ի քաղցրութե՛ իմմէ ,

զի՛նչ չար կամիմ քեզ, որ այդպէս հրաժարիս յինէն: **Ս** ասն այն՝ զի զմոլորեալո խնդրեմ. զի զկորուսեալո գտանեմ. զի զվիրաւորեալո սփոփեմ. զի զհարաւածեալո բժշկեմ. զի զընկղմեալո վերաբերեմ. զի զտարաբերեալո ՚ի հողմոց հանդուցանեմ. զի զծփեալո ՚ի յալեաց խռովութեց՝ ՚ինաւահանգիսան ածեմ:

24 **Ս** վ մեղաւոր՝ ՚ի միտ առ թէ զի՛նչ կամիմ քեզ առնել. և սիրեա՛ զիս՝ որ սիրեցի զքեզ, և սիրեմ զքեզ, և սիրելոց եմ զքեզ: Այամիմ ՚ի հիւանդուէր բժշկել զքեզ. կամիմ ՚ի մեռելուէ մեղացդ յարուցանել: Այամիմ յանփարատելի սգոյդ հանել. կամիմ ՚ի դառն տրամուէր մխի թարել: Այամիմ ՚ի սաստիկ վիրացդ բժշկել. կամիմ ՚ի չար տառապանացդ զերծուցանել: Այամիմ ՚ի տոռանց կապանաց մեղացդ արձակել. կամիմ ՚ի ծառայութի չարեացդ տղատել:

Ս վ մեղաւոր՝ ծանիր եթէ անյիշաչար տերս քո զի՛նչ խորհիմ քեզ: Այորհիմ զի անձամբ իմով եկեալ զանբուժելի խոցուածս հոգւոյդ քո տեսից: Այորհիմ զի զգարչութիս դորա ձեռօք իմովք լուացից: Այորհիմ զի զաղտեղուի դորա դաստառակաւ իմով սրբեցից: Այորհիմ զի զնեխեալ փտութի դորա կարեցից: Այորհիմ զի զթարախն ՚ի հոգիդ քո բուսեալ քամեցից: Այորհիմ զի զարտասուս իմ անձային՝ ՚ի վերայ աղտեղութե հոգւոյդ աղբիւրաբար հեղից: Այորհիմ զի զբաղմութի ան չարեաց դորա ջնջեալ մաքրեցից, և յառաջին

փառան հասուցից • միայն զղջացիր 'ի չարեաց
քոց և դադարեա՛ : Խոստովանեա՛ զյանցանս
քո՛ և ասա՛ մեղայ • և ես ջնջեմ զբազմութի
մեղաց քոց , թէպէտ և կարի սաստիկ ես մե-
ղուցեալ :

25 **Ո՛վ** դասք արդարոց հաւտտարիմ ծառայք
իմ , մի՛ զարմանայք ընդ անոխակալ փրկիչս
ձեր , եթէ զիա՛րդ այսքան խանդաղատիս տրդ
մեր և արարիչդ 'ի վր՛ մեղաւորաց : Ա՛րդ՝ մի՛ ա
դիք , զի ասեմ ձեզ շէր իմ՝ զոր ունիմ 'ի
վերայ մեղաւորաց : Ա՛րամբ ինունց դասուց
հրեշտակացն՝ որոց թիւ բազմութեանն ան-
թուելիք են 'ի մագկանէ և անգիտելիք , այն-
քան հրաբուն էութիքն և լուսապսակ բազ-
մութիքն , յորժամ տեսանեն զսաստիկ սուգ
իմ՝ զոր սգամ 'ի վերայ միոյ անդարձ մեղա-
ւորի , ամենեքեան առ հասարակ մեծաւ դո-
ղութբ՛ ջանան միտիթարել զիս • և ոչ կարեն
սակաւ մի հանդարտեցուցանել զսուգ իմ •
զի վասն այնորիկ զմահ խաչի յանձն առի , զի
մի՛ ոք երբէք կորիցէ : Ա՛յլ և գունդք ամար-
դարոցն՝ որք կան առ իս յարքայուէս իմում ,
դողան ողբալով առաջի իմ • և ոչ բաւեն փոքր
մի փարատել զարամութիս իմ :

26 **Ո՛ւր** և զայլ ահաւորս որ պատմեմ քեզ •
զի մայրս իմ ամածին յորժամ տեսանէ զիս 'ի
յայսքան տարակուսանս , 'ի ծունկս անկանի
առաջի իմ • և զստինսն բացեալ որով դիեցի ,
ողբալով աղաղակէ՛ և զմատունսն տատանէ՛

ասելով . Ո՛րդեակ իմ միածին , մի՞թէ ոչ էր
բաւական վիշտն այն և տրամուլթին՝ զոր կրե-
ցեր յաշխարհի ՚ի հրէիցն և ՚ի խաչահանողացն ,
և դեռ ևս տրամիս . ընդէ՞ր ոչ ողորմիս մօրս
քո լալագին , և ոչ հանդարտիս սակաւ մի ՚ի
տխրութեդ : Ա՛յ էր բաւական մօրս տառա-
պելոյ կսկիծն այն և մորմոքումն , յորժամ
տեսի զմիածինդ իմ ՚ի խաչին , արիւնաներկ
մարմնով մահացեալ . և դեռ ևս հրով կիզէն
զսիրտս իմ սուգ ունելովդ : Այսու անմիւ-
բնաւ ոչ գայ ՚ի սիրտ իմ ուրախութի , որքան
տեսանեմ զանդարձ մեղաւորն արտաքս էլեալ
՚ի գաւթէ , և հեռացեալ ՚ի հօտէ իմմէ , և ան-
կեալ ՚ի ձեռս սատանայի :

Այսն զի այնքան կսկիծի սիրտ իմ՝ և
տրամի հոգի իմ ՚ի վերայ միոյ անդարձ մեղա-
ւորի , որ երկինս երկնաւորօք , և երկիրդ երկ
րաւորօք , և ծով ան լիւ իւրով իբրև յոչ
ինչ համարին յաչս իմ :

27 Այս մի զարմանար ընդ այսքան աղէկիզիւս
իմ ՚ի վերայ մեղաւորաց . ծանիր ով մարդ , զի
յորժամ անկես զբարունակ մի , և յետ երրորդ
ամի աշխատութե քո՝ եթէ ոչ տացէ պտուղ
քեզ՝ վիրաւորիս դու ընդ այն . իսկ եթէ չո-
րացի , սգաս մեծաւ տրամուլթ , թէ ՚ի զուր
աշխատեցայ զերիս ամս , և ջանն իմ կորեալ :

Այս զիսն զիսն էս ոչ տրամեցայց ՚ի վերայ
մեղաւորին , որ վասն նորա յերկնից ՚ի յերկիր
իջի , ՚ի կուսէ մարմին առի , անձս մարդ եղէ ,

և Թրս ծառայ • զամն երեսուն և երեք ՚ի յերկ
րի շրջեցայ • կենարար վարդապետութբս ՚ի
լսելիս մեղաւորաց միշտ քարոզեցի • անսոսին
նշանօքս զբազումս բժշկեցի • ազգի ազգի շար-
չարանս և նախատինս կրեցի • ՚ի խաչին բարձ-
րացայ • զարիւնս իմ գինն ետու , և ՚ի գերողէն
առեալ փրկեցի :

Մրդ այս անշարչարանացս իմոց պտուղ
փրկութի մեղաւորին է : Խսկ եթէ մեղաւորն
՚ի մեղս մեռանիցի , պտուղ չարչարանաց իմոց
կորնչի • և ես ՚ի խոր խոցոտիմ և վերաւորիմ •
զի ունայն եղև անօրէնութի իմ վասն նորս :
Խսկ յորժամ մեղաւորն զղջանայ ՚ի մեղաց իւ-
րոց և գայ յուղղութիւն , ուրախանամ ես և
ցնծամ • յայնժամ ցնծայ ընդիս հայրն իմ և
հոգին սուրբ : Խորախանան և ան հրեշտակք
իմ • հրճուին ան գունդք արդարոց , և ցնծաց
եալ բերկրի մայր իմ թագուհի • և ՚ի միասին
պար առեալ ասնախմբութիւն մեծ կատարեն
յերկինս առաջի իմ • վասն զի պտուղ չարչա-
րանաց իմոց ոչ կորեալ :

28 () Վ մեղաւոր՝ սիրեալ զիս որ սիրեմս ըզ
քեզ • հրաւիրեալ զիս առ քեզ զբաղձալիս
հրեշտակաց և հրեշտակապետաց , և զցանկալիս
արդարոց • ոչ գարշիմ ՚ի հողեղէն յարկացդ •
չաաղակամ յաղքատութենէդ • չխոտեմ զան-
մաքրութիւնդ :

Մաքրեալ զառաքատս սրտիդ • ջանալ
բուրել հոս անուշութե՛զ զաղօթս , պատրաս-

տե՛ս սեղան զվարսդ • պարզե՛տ՛ գինի զողոր-
մութի՛դ • սիւռե՛ս պատառակալ զխոստովա-
նութի՛դ • փթթե՛ս վարդ զտերդ • անկ բազմա
կալ զապաշխարութի՛դ • լարե՛ս զտասնադի մա-
տանցդ առաջի իմ՝ ՚ի քնարահարութի՛ • կոչե՛ս
զսուրբս քեզ ՚ի բարեխօսութի՛ • և ինձ հիւ-
րամեծար • բաւական է ճաշդ • առան է սե-
ղանդ • պայծա՛ռ է կոչումնդ :

Նւ եթէ ակորժեօ , զհայր իմ ընդիս ա-
ծեմ • էս և հայր իմ եկեցուք , և օթեանս առ
քեզ արացուք : Օյս անյապէս արացես ,
և զիս երախտաւոր առաջի հօր իմոյ կացուս-
ցես • զի խորհուրդ գալտեան իմոյ յաշխարհ
նչ ունայն երևեսցի • այլ ծանկոյի մարդկայինն
բնութիւն առաւել քան զհրեշտակաց և ըզ
հրեշտակապետաց : Նւ խրախացեալ հայր իմ
օրհնեսցէ զքեզ բերանովն իւրով յօրհնու-
թիւնս՝ որ նչ անցանէ • և պատրաստեսցէ քեզ
զտեղի ՚ի վեր քան զբնակութիւնս հրեշտա-
կաց • ուր էսն եմ՝ անդ և պաշտօնեայն իմ
եղիցի • և կեանքն ձեր ծածկեալ են ինև առ
ւժ : Նւս ՚ի միւսանգամ գալտեան իմոյ՝ զօրհ-
նեալն ՚ի հօրէ իմմէ մերձեցուցից առ հայրն
իմ , և ասացից՝ ահաւասիկ էս և մանկունք իմ
զորս ետուր ցիս :

29 Ս՛վ մեղաւոր՝ ընդէ՛ր նչ երկնչիս յահեղ
զօրութէ՛ իմմէ , որ նչ գաս յուղղութի՛ , մինչ
սիրով և քաղցրութե՛ կոչեմ զքեզ յապաշխարու-
թի՛ : Նանի՛ր զի ՚ի հայելն իմ՝ երկիր ՚ի հիմա-

նէ դողայ, և լեբինք ուն զմոմ հալին, և ծովք
 իբրև զխուր չորանան, և դժոխք յևս խորա-
 գոյն անդուանդս ընկղմի: Աւ զեւրդ ոչ զար-
 հուրիս, զի զօրութի իմ զհողմ և զհուր հա-
 տանէ: Աամ թէ ուն ոչ սոսկաս, զի անճառ
 բնութիք ասէղակերպից հաշեալ տապակին ՚ի
 հրակիզմանէ փայլատականց ասաւորութի իմոց:
 Աամ զեւրդ ոչ սարսափիս, զի սերովքէք և
 քերովքէք ծածկեն զդէմս իւրեանց բոցա-
 նիւթ թեօք յասարկութի իմմէ: Աւ զեւրդ
 ոչ դողաս, զի թէ կայր հնար փախստեան, ոչ
 կարէր կալ երկինք առաջի իմ. նա՛ և ամտար
 բական տեսակք, և երկիր լիւ իւրով, հան-
 դերձ անգնդային հաստատութն հեղոյր յայլ
 ևս անհուն խորութի յերկիւղէ իմմէ: Աւ
 կամ ուն ոչ սասանիս, զի թէ երկինք երկնից
 ունէր ևս տեղի թաքստեան, ոչ հանդուրժէր
 կալ ՚ի ներքոյ պատուանդանի ոտից իմոց ՚ի
 յահէ իմմէ: Աւ կամ զեւրդ ոչ պակնուս,
 զի եթէ գոյր հնար ծածկութի, ամ բանակք
 անմահից դիմեալ անկանէին ՚ի նա, և թաքչե-
 ին յերկիւղալի արփիափայլ ճառագայթից
 իմոց: Աւ վասն այն ներեմ քեզ, զի մի կորի-
 ցես զյաւիտենական կորուստն. այլ ՚ի զղջու-
 մըն եկեալ՝ փրկեսցիս ՚ի հրոյ դեհենին. և դու
 արհամարհես զարարիչս քո, և ոչ երկնչիս և
 դողաս ՚ի յահէղ զօրութի իմմէ:

30 Ա՛վ մեղաւոր՝ մինչդեռ ես քաղցրութի
 խօսիմ ընդ քեզ, երկնչիւր յինէն, ողորմեաց

քեզ . զի եթէ 'ի հրեշտակս իմ' ոչ խնայեցի որ
 ընդդէմ իմ հպարտացան . այլ 'ի յերկնից 'ի
 յանդուանդս իջուցի բարկութիւնս իմով : Ա-
 առ նոյիւ՝ որ յանախեցան 'ի պռունկութիւնս ,
 զայնքան բազմութիւն մարդկան առ հասարակ
 ջրհեղեղաւն հեղձուցի : Օ սողոմ՝ և զգոմոր՝
 որ արտաքոյ բնութիւն զչարիսն գործէին , երկ-
 նատեղաց բոցոնն կիզեալ մաշեցի : Օ գոռոզն
 փարաւոն՝ որ խստացաւ ընդդէմ իմ , բազ-
 մութ զօրաց իւրոց 'ի ծովն կարմիր ընկղմեցի :
 Օ կորիսեանքն և զաբիրոնեանքն՝ որ զքահա-
 նայութիւն իմ բռնութիւն յափշտակել կամէին ,
 զերկու հարիւր և յիսունն 'ի հրոյ բուրվա-
 ռացն այրեցի . և զբանակն աբիրոնի՝ զերկիւր
 պատառեալ յանդուանդս ընկղմեցի : Օ երի-
 քով՝ որ ընդդէմ իմ թշնամի դարձաւ , զպա-
 րիսպս նորա որոյ զձուր հեղի . և զբնակիչս նր'
 'ի սուր սուսերի մաշեցի ձեռամբ ծառային
 իմոյ յեսուայ : Օ զօրսն սենեքարիմայ արքայ-
 ին ասորեստանեաց՝ որ հայհոյեաց զանուն
 իմ' սբ , զհարիւր և ութսուն և հինգ հազար-
 սն՝ 'ի դուռն քաղաքին իմոյ երուսաղէմի 'ի
 յական թօթափելն 'ի մէջ գիշերին՝ ետու հը-
 րաման հրեշտակի իմոյ , զի սատակեսցէ զնոսս
 հրեղէն սրով :

Իսկ արդ՝ սվէ որ հակառակ կամաց ի-
 մոց գործէ , և ոչ ջարաչար պատուհասի . նոյն
 անձն եմ , եթէ 'ի բազումն ոչ խնայեցի , նոյն-
 պէս և 'ի մինդ : Աթէ քաղցրութեան ձայնի

իմոց ոչ լուսիցես, և զղջասցիս ՚ի մեղաց և դարձ
ցիս, հարիւրապատիկ ևս զքեզ առաւել տան-
ջելոց եմ քան զնոսա ՚ի գեհեան հրոյն . որպիսի
ասացի, թէ դիւրագոյն լիցի յաւուրն դա-
տաստանի սողումայեցւոց և գոմորացւոց քան
քաղաքիս այսմիկ :

31 Այս եթէ ասիցես ընդ իս, տէ՛ր իմ՝ այ-
սուհեան և ես սարսիմ և դողամ մեծաւ եր-
կիւղիւ յահեղ զօրութե՛ք քուսմէ, որպիսի և ամ
արարածք . բայց զի՛նչ արարից, քանզի տարա-
կուսիմ ՚ի բազմութե՛ք մեղաց իմոց, եթէ զիանդ
ողորմեսցիս և թողուցուս ինձ : Իսկ արդ՝ ՚ի
մի՛տ առ զանուանս իմ, և ուրախ լեր . և մի՛
տարակուսիր ընդ բազմութիւն մեղաց քոց :

Մնուն իմ ողորմած է . անուն իմ երկայ-
նամիտ է . անուն իմ բազումողորմ է . անուն
իմ անտխակալ է . անուն իմ անյիշաչար է .
անուն իմ քաղցր է . անուն իմ ամենաբարի
է . անուն իմ մարդասէր է : Մնուն իմ բը-
ժիշիկ հիւադաց է . անուն իմ յարութի անկե-
լոց է . անուն իմ կեանք մահացելոց է . անուն
իմ լոյս խաւարելոց է : Մնուն իմ վերկիչ գե-
րելոց է . անուն իմ նորոգիչ հնացելոց է .
անուն իմ գաիչ մոլորելոց է, և այլն ՚ի կար-
գին . և դու ընդ տէ՛ր տարակուսիս ՚ի բազմու-
թենէ մեղաց քոց :

32 Առ որովհետեւ խոստացար ինձ, թէ այսու-
հետեւ և ես երկնչիմ ՚ի քսեղ իմմէ, և տարա-
կոյսդ քո վասն շատութե՛ք մեղացդ էր . նմա-

նապէս և ես այսու հետևեմ յաւելում զսէրն իմ,
 զգուծն իմ և զողորմութիւն իմ ՚ի վերայ քո .
 և խրատ տամ քեզ՝ եթէ զինչ արասցես դու :

Ս'վ մեղաւոր՝ միայն զայս արասցես , զի
 հրաժարեացիս ՚ի հնազանդութիւն չար կամացն
 սատանայի , և հեռացիս ՚ի պիղծ գործոցդ
 սովորութիւն . եկեսջիւր ՚ի զջուհն ունի զզամէք .
 ասա՛ . առ հայր քո մեղայ , որնի զանառակ որ-
 դին . խոստովանեա՛ զբազմութիւն մեղաց քոց ,
 որնի զմարգարէն դաւիթ . սպաշխարեա՛ զա-
 նօրէնութիւն քո , ունի զմանասէ . աղօթեա՛ առ
 տէր , ասելով՝ անձ քաւեա՛ զիս զմեղաւորս ,
 ունի զմաքսաւորն . արտասուեա՛ զյանցանս քո ,
 որպէս զպետրոս . դադարեաց՛ ՚ի չար գործոց
 քոց , ունի զկինն պոռնիկ . ասա՛ յիշեա՛ զիս յար-
 քայութիւն քում , ունի զաւազակն . և տես եթէ
 զինչ արարից ամենազօր տէրս քո զբազմու-
 թիւն մեղաց քոց :

33 Ս'վ մեղաւոր՝ եթէ ՚ի տուր և յառ շնչոյդ
 զեօթանասնեկին եօթն ես մեղուցեալ . և թէ
 անթիւ են չարիք քո քան զաստեղս երկնից .
 կամ անհամար է անօրէնութիւն քո քան զալիս
 ծովու . և կամ շատ է քան զաւազա՛ որ ընդ
 ոլորտս արեգեբաց . և թէ յաճախ քան զշիթս
 անձրեաց , կամ բազում քան զմանրամաղ փո-
 շիս՝ որք տարուբերին ընդ օդս համատարած :
 Այլ թէ մեծ և ծանր իցէ չարիք քո քան զամ
 լերինս՝ որ յերեսս երկրի : Այլ թէ անօրէ-
 նութիւն քո բարձրացեալ իցէ քան զերկինս :

կամ խոնարհեալ գտանիցի քան զանդուռնդս ,
 և կամ լայնացեալ քան զոլորոս ծագաց երկ-
 րի , կամ տարածեալ անդր քան զըջմանս եթե-
 րական օդոց :

Արդ՝ եթէ մեղք քո և չարիք ըստ այսմ՝
 չափոյս իցէ որ ասացի , 'ի զըջմանալդ քո՝ քան
 զթարթել աչացդ , և քան զտուր և առուծի
 շնչոյդ , քան զարագութիւն նշուլից արեգա-
 կան , և քան զերեւումն կայծական որ 'ի յօ-
 գըդ , և քան զմտացդ ընթացումն , առաւել
 ևս բիւրապատիկ քան զարագութիւն սոցա
 քաւութի՛ շնորհեմ ամբազմութեան մեղաց
 քոց . քանզի ամենակարօղ արարիչ եմ . և ոչ
 կարօտիմ ժամանակաց 'ի քաւութիւն մեղաց :
 Աւ որպէս պղտըակ ջրոյ՝ 'ի յառնելն այնքան
 խստագին հողմոյ՝ մինչ զի զծառս 'ի յարմա-
 տոց խլիցէ , և զաշտարակս քակիցէ , ո՞րքան
 կարիցէ զդէմ ունել . այսպէս և մեղք ամառի-
 եղերաց՝ 'ի զըջմանալն իւրեանց , բիւրապատիկ
 առաւել ոչ կարեն զդէմ ունել իմոյ ամենա-
 կարող զօրութեանս :

34 Ամբ մեղաւոր՝ իմա՛ զի դու մարդ ես չա-
 փաւոր . և մեղքդ քո թէպէտ բազում թուին
 քեզ , սակայն և այն է չափաւոր ըստ նմանու-
 թե՛ քո . այսպէս իմա՛ , զի ես ամբ եմ անչափ .
 նմանապէս ըստ իմում անչափութե՛ս՝ և ողոր-
 մութիւն իմէ անչափ : Արդ՝ դու յորժամ
 զչափաւոր մեղք քո՝ 'ի ձեռն խոստովանութե՛
 'ի մէջ իմ անչափ ծովացեալ ողորմութեանս

ձգիցես . այնպէս շեջանի դիւրաւ , որն փոքր մի կայծ առեալ 'ի մէջ համատարած ծովուն ձգիցես :

Ըրդ՝ որն ազգի ազգի են ճանապարհք մեղացն . նոյնպէս և զանազանք են դեղք ապաշխարութեանն : Վանդի ոմանք խորդով և մոխրով արդարացան . ոմանք լալով և արասուօք զտէրն հաշտեցուցին . ոմանք միայն պահօք և աղօթիւք սպրեցան . ոմանք ողորմութիւն զողորմութի գտին յինէն : Ոմանք մարդասիրութիւն և տկարագունիցն ծառայելով , ոմանք գեանախշտութիւն , ոմանք խոնարհութեամբ և հնազանդութիւն թողութիւն մեղաց ընկալան :

Եւ դու 'ի սոցանէ առ զմինն որ հեշտ թուի քեզ և թեթեւ . և այնու կարողես բրժչկեւ զամ հիւանդութիս մեղաց քոց : Այլ թուով ամաց և կամ բազում ժամանակաց , այլ միայն ուղիղ դարձիւ և ճշմարիտ սրտիւ 'ի չարեացն հեռացեալ , կարողես արդարանալ :

55 **Ս** ան որոյ և դու փութաւ , զի յառաջ քան զէն քո յաշխարհէ զինչ և կարողասցիս՝ առաքեսցես յերկինս : Եթէ աղօթս հանդերձ արատսուօք . եթէ տքնութիւն մարութ . եթէ սաղմոսերգութի սպաշխարանաց . եթէ ժուժկալութի հանդերձ խոնարհութիւն . եթէ հրաժարումն յերկրայնոց իրացս . եթէ սէր անկեղծաւոր . եթէ փառաբումն քի . եթէ պահք կամ ողորմութի : Եթէ յառաջագոյն 'ի սոցանէ առաքեսցես , վստահացիր՝ զի 'ի հանգիստ ես

գալոց և վայելելոց • ապա թէ ոչ՝ երկիւղ կայ
 ՚ի միջի :

56 () այս անձ լսելով և խնամալով՝ զինչ կա-
 միք պատրաստել պատասխանի նոյ • յորժամ
 զաղերս ողորանաց և զգուժ անյիշաչարուժէ
 առաջի արկեալ, անմի զինքն դնէ պարտական
 պարտեաց մերոց • ՚ի գուժ և ՚ի գորով մտեալ՝
 դարձեալ փարի զմեօք՝ աղաչէ, պաղատէ,
 խնամարկէ, խանդաղատի, պարգևս խոստա-
 նայ, որպէս հայր ՚ի վերայ մեր աղէխարչի :

Եւ առաւել քան զչարիսն անցուցանէ
 զխնաման, որոնք ՚ի սարտուցեալ որդիսն է տե-
 սանել • զի ՚ի գիրկս առեալ գգուեն, համբու-
 րեն, զերեսն ՚ի վերայ դնեն, խանդաղատական
 ձայնիւ գորովեն, զբարբառն եղանակեն, ըզ-
 ծափս հարկանեն • անմիւ հնարին զհաշտութի
 մանկանն, զի զլալն և զհեկեկալն խափանեսցեն •
 թէպէտ և նորա խաղապտեալ զերեսն այսր
 անդր դարձուցանեն, լեզուագարեն, զերեսն
 մագլեն • սակայն և ոչինչ յայնցանէ ցասու-
 ցանեն զծնողսն • այլ պարգևս տան մանկանն
 զախորժականս իւր, խաղալիկս, անօթս պատ-
 ուականս • եթէ բեկանէ՝ չցաւին, եթէ կո-
 րուսանէ՝ չարամին • միայն թէ ՚ի հաշտութի
 տեսանիցեն զիջեալ զմանուկն :

() այս և առաւել քան զսոյն ցուցանեն
 մեզ գուժք անձային խնամոցն • զորոց և զփորձ
 առեալ հոգերգողին դաւթի զսաստիկ սիրոյն
 նոյ առ մարդիկ՝ ասէ • Որպէս գթայ հայր ՚ի

վերայ որդւոց իւրոց , գթայ և տէր յերկիւ-
ղածս իւր :

57 **Վ**ա՛ ևս առաւել զանչափական և զանեղ-
բական սիրոյն իւրոց զանպատմելի և զանխմա-
նայի գրգանս՝ ինքնապատու՛մ արարեալ ՚ի
ձեռն զուկոս աւետարանչին՝ աւանդէ մեզ
ասելով . Ո՛ր ՚ի ձէնջ որդի՛՝ որ խնդրեսցէ ՚ի
հօրէ իւրմէ հաց , մի թէ քա՛նք տացէ նմա .
կամ թէ խնդրեսցէ ձուկն , մի թէ օ՞ձ տացէ
նմա . իսկ եթէ դուք որ չա՛րքդ էք , գիտէք
զպարգևս բարիս տալ որդւոց ձերոց . ո՛րչափ
առաւել ևս հոյրն ձեր երկնաւոր տացէ ձեզ
զանձառ և զանբաւ ուրախութի՛ն :

58 **Տ**եսէ՛ք՝ սրպիսի գեղեցիկ էն պարգևք սի-
րոց նորա առ իւր արարածս . եթէ ակորժէք
և դուք՝ լինիք որդիք սիրոց նորա , որ կայ հա-
նապազ յողորբել և ՚ի թովել զգազանացեալ
բնութիւնս մարդկային : **Վ**րդ՝ մի թէ քան
զվէմս ապառա՛ծ իցեմք , որ դեղօք քրքրեալ
թուլանան , և սրով տաշին ՚ի պէտս գործոց :
Նշու եթէ երկաթ , և զայն ևս հուր հալէ . և
անօթս պիտանացուս ՚ի ճարտարացն գործին :
Նշու եթէ գազան , և այն ձեռնընդէլ եղեալ՝
և հարկադրեալ պապանձեալ կան ՚ի դրունս
թագաւորաց , առ ՚ի պատրաստ ՚ի ծառայութի
և ՚ի հնազանդութի՛ նոցա : **Օ** չարամտութի
վիշապաց՝ և զցասկոտ բարս թիւնաւոր օձից
՚ի հնազանդութիւն ածեն բանք ողորական
թովչի ճարտարի , և ընդելական ընդանու-

Թեամբ առ միմեանս ճարակեն :

Եւ արդ՝ սսուռն և խօսուռն և իմացական բնուածիւն մարդկան զիարդ սչ գէթ նմանի նոցա՝ Թողուլ զանզգամուածիւնն և կեալ :
 Եւ այն՝ զի պատգամք սաղմոսերգողին կշտամբ եալ յանդիմանէ , և տարեալ մերձ առ օձսն և քարբս և կարիճս կացուցանէ տսելով . Սրբա մաուածի նոցա ըստ նմանուածե օձի , որպի իժի քարբի զի խցեալ է զականջս իւր . զի մի լուիցէ նա զձայն Թովչի ճարտարի , և մի առցէ զգեղ ՚ի դեղատուէ իմաստնոյ :

ՅԹ Դայց դու սվ մեղաւոր , նմանեա՛ մարգարէին դաւածի . որպէս սսէ գիր , Մի Թէ որ անկանիցի՝ ոչ յառնիցէ . որպէս և աստ տեսաք՝ զի կատարեաց մարգարէն : Ենկաւ ՚ի ձեռն ցանկուածե , և յարեաւ ՚ի ձեռն ապաշխարուածե . աչօքն մեղաւ , շնաց և սպան . լեղուաւն քաւեաց , զի խոստովանեցաւ և ապրեցաւ : Խոստովանուածիւնն Թեթեացուցանէ զժանրուածի մեղաց : Խոստովանուին զգեղս մեղաց հոսէ իբրև զվոշի : Խոստովանուածին զբարդս փշոց մեղաց սյրէ իբրև զհուր : Խոստովանուածին ուստի ելանէ՝ զանօթն ժանկակիր իբրև զոսկի պոյժառագոյն գործէ . և որ անգեղջ մնասցէ՝ սչ սրբեսցի : Խոստովանուածին է՝ որ նովաւ ապաշխարուածիւնն զօրանայ . և առանց նորա որչափ և գործի՝ տկարանայ յաւիտեան : Խոստովանուին՝ զղման դուռն . ապաշխարուածե սկիզբն . գլուխ արիուածեան


առաքինուէ . զէն յաղթողին . մեղաց վահան :
 Խոստովանութիւն՝ ապաշխարութեան առիթ .
 ապաշխարելոց պարիսպ . գլորելոց կանգնու-
 մին . դրդուեցելոց գաւազան . շլացելոցն ցուպ :
 Խոստովանութիւն՝ աղտեղութեան մեղաց սրբ-
 բող . անմաքրից մաքրող . ՚ի տանջանացն աղա-
 տող . գեհէնի ահուն փարատող : Խոստովա-
 նութիւն՝ երկնից բացող . առաջի տեառն մու-
 ծանող . ապաշխարողաց հաւաքող . մեղաւորաց
 յապաշխարուի հրաւիրող . մոլորելոց կոչող .
 ՚ի քաղաքն երկնաւոր առաջնորդող : Խոստո-
 վանութիւն՝ խաւարելոց լոյս . որք աչս ունին՝
 ճառագայթ . մանկանց դաստիարակ . անյուսից
 օրինակ յուսոյ : Խոստովանութիւն՝ եկեղեցւոյ
 զարդ . քահանայից քարոզ . գործողաց պսակ .
 մանկանց առագաստի զգեստ . և հարսանեաց
 մահն բացող : Խոստովանութիւն՝ ՚ի դրանց մտ-
 հու փրկող . անձային սեղանոյն հրաւիրող .
 մարմնոց տեառն ջամբեցող . պատուական ար-
 եանն արբուցանող . և արտմեցելոցն ուրախա-
 ցուցանող : Խոստովանութիւն՝ ապաշխարութե-
 դուռն . յանցանաց քաւիչ . ընդունողաց զնա
 մաքրիչ . թագաւորաց պիտանի . աղքատաց
 ընդունելի : Խոստովանութիւն՝ մեծամեծաց
 և տնանկաց պատասպարան . սրունկաց քաւա-
 րան . աւազակաց պաշտպանարան : Խոստովա-
 նութիւն՝ բանաւոր մեղուաց հաւաքող . քաղցր
 գործոց վաստակող . դառնութեան քաղցրա-
 ցուցանող . և անձ առաքինութեց զարդարող :

Եւ արդ՝ սրբապետ Կարապետից գովել զխոստովա-
նութիւն . զի սուր յանցանք իցէ՝ առանց սորա
թէ բիւրապատիկ առաքինութիւն գործ իցեն ,
ոչինչ օգտին . եթէ պահես , եթէ աղօթես ,
եթէ ճգնիս , եթէ ողորմութիւն առնես , եթէ
զամ՝ առաքինութիւն գործես , չէ՛ հնար քեզ
առանց սորա զյանցանս քաւել՝ և թողութիւն
գտանել :

40 ⁴) Եւ սու սիւ մեղաւոր՝ որչափ կարողութիւն է
քո մարտիր ընդդէմ սովորական մեղացն քոց
մեծաւ աղօթիւք . և կոչեա՛ քեզ ՚ի բարեխօ-
սութիւն զդասս սբց հրեշտակաց , և զամ՝ սբս
և զարդարս , մանաւանդ զսբ Խճաճինն , ևս
առաւել զքի՛ սբ չարչարանսն . և աղաղակեա՛
սու հայր անդադար՝ զի ողորմեսցի քեզ , և ՚ի
ձեռն հոգւոյն սրբոյ տացէ քեզ կարողութիւն
ընդդիմանալ մեղացն :

Եւ եթէ պատահեսցի՛ զի յաղթիցիս ուր
զմարդ տկար , դու ՚ի նոյն դարձեալ կանգ-
նեա՛ . և որչափ անկանիս , այնչափ արագապէս
փութեա՛ կանգնիլ . և Խճաճ այնպէս ընկալցի ըզ
քեզ , իբրև թէ բնաւ չիցես անկեալ : Սի
թէ հանդերձ ինչ ՚ի ցելսս անկանիցի՛ աղտե-
ղանայ . և յորժամ օձառօք մաքրի՛ սչ թուի
խոտան յաչս զգեցողին . սրչափ ևս առաւել
հոգին՝ որ անկեալ է ՚ի մեղս՝ և յառնէ անդ-
րէն , խոտան սչ երևեսցի առաջի սոյ . զի նա
կարի առաւել սիրէ զազգս մարդկան՝ քան
սոյր ոք զհանդերձս իւր : Եւ տէս զանչափ

սէր նորա՝ որ վասն մեր մարդացաւ, և մեռաւ
մարմնով անմահն անձ . և ոչ թէ սիրէ միայն՝
այլ և բառնայ ՚ի վերայ ուսոց իւրոց խնդարով:
Ըրդ՝ որ որք ունիցի ականջս լսելոյ՝ լուսի
ցէ՛, և իմանայցէ՛, և վայելցցէ՛ ՚ի բարութեցն
պարգևաց ՚ի ձեռն խոստովանութե՛ և ապաշ-
խարութեան, որ փառօք պսակէ, և ՚ի գահոցս
հանգուցանէ ՚ի քս յս ՚ի տէր մեր: Արում
ընդ հօր և ընդ հոգւոյն սրբոյ վայելէ փառք
իշխանութի և պատիւ, այժմ և միշտ և յաւիտ
եանս յաւիտենից, ամէն:



ԱՂՕԹԻ ԱՊԱՇԽԱՐՈՒԹԵԱՆ

ՆՈՐԻՆ ՍՐԲՈՅՆ ԵՓՐԵՄԻ

Տէր երկնի և երկրի յս քս՝ իշխան կե-
նաց և մահու, դատաւոր կենդանեաց և մեռե-
լոց, յոյս և ապաւեն հոգւոյ իմոյ . քեզ մա-
տուցանեմ զերկրպագութիւնս և զմաղթանս
աղօթից իմոց: Ասէր ինձ՝ և քաւեա՛ զմեզս
իմ՝ որ միայնդ ես առանց մեղաց . որ միայնդ
ես սք՝ և ՚ի սքս հանգուցեալ . որ միայնդ ես
գթած և ողորմած: Աղորմեա՛ ինձ ստեղծիչ
իմ և օրհնեա՛ զիս . հաշտեաց ընդ իս ապրե-
ցուցիչ իմ, և յիշեա՛ զիս որո՞ց զաւաղակն յար-
քայութեան քում: Դա՛րձ առ իս անձ փրկիչ

իմ , և դարձն զսրամատութիս քո յինէն : Մի
բարկուծք քով խրատեր զիս , և մի սրամատու-
թեամբ քով յանդիմաներ :

Մի յաւիտեան բարկանար ինձ , և մի յի-
շեր զչարիս իմ , և մի պարտաւորեր զիս ըստ
իմուժ անօրէնուծէս : Մի ըստ մեղաց իմոց
արասցես , և մի ըստ անօրէնուծէ իմուժ հա-
տուսցես ինձ : Մի ընկենուր զիս յերեսաց
քոց , և մի դատապարտեր զիս . զի ես ինձէն
գիտեմ զի յանցաւոր եմ ՚ի մանկուծէ իմմէ ,
և անպատասխանի եմ առաջի քո :

Մ. 11. դու թագաւոր հզօր և անոխակալ
որ զյանցանս թողեր կնոջն մեղաւորի , թող
և ինձ զպարտիս մեղուցեալ և անօրինեալ քո
ծառայիս : Քանզի քո առատ բարերարուիդ
յայնժամ երևի , յորժամ ինձ ողորմիս՝ որ
չեմ արժանի ողորմուծէ քուժ . յորժամ ինձ
ցուցանես զգթուծիդ՝ որ արժանի եմ բիւ-
րոց տանջանաց . զի զիմ աւուրս իմանցուցի ՚ի
չարիս , և ոչ կացի ՚ի հրամանի քուժ :

Մ. 12. քաղցրացիր ինձ բարի և քաղցր
թագաւոր , և հաշտեաց ընդ բազմամեղիս , և
մի դարձուցաներ զերեսս քո յինէն , և մի խո-
տորիր բարկուծք ՚ի ծառայէ քուժմէ : Մի
անարգեր զիս և մի թողուր զիս ձժ փրկիչ
իմ . զի թեպէտ ես զատձար հոգւոյդ սրբոյ
ապականեցի անառակ գնացիւք , այլ դու
գթա՛ յիս ստեղծիչ իմ՝ ողորմած և անյիշա-
չար , և մի ապականեր զհոգի իմ յաւիտենու-

կան այրմամբ ՚ի գեհեան հրոյն : Արկայնամիտ
 ւեր առ իս մարդասէր , և շնորհեա՛ ինձ ժամա-
 նակ ապաշխարութե՛ և զղջումն արատասուաց .
 և զօրացո՛ զսիրտ իմ խորհիլ իմաստութե՛ զօ-
 րէնս քո ՚ի աուէ և ՚ի գիշերի , գործել զբա-
 րի՛ և առնել զարդարութի՛ առաջի քո :

Համբառնամ առ քեզ զաչս իմ , և բողո-
 րով սրտիւ իմով կարդամ առ քեզ տէ՛ր ք՞
 միածին որդի նոյ , որ յաղթեալ ՚ի մարդասի-
 րութե՛ քումմէ կամաւ խոնարհեցար յանձառ-
 փառացդ և առեր զծառայի կերպարան , և
 չարչարանաց խաչի և մահու համբերեցեր վասն
 փրկութեան ստեղծուածոց քոց :

Մարդ որ այսպիսի սէր ունիս առ ազգս
 մարդկան , և կամիս զի նմ մարդ կեցցէ , և ՚ի
 գիտութի՛ ճշմարտութե՛ եկեսցէ , զթա՛ և յիս
 ՚ի բազմամեղս մարդասէ՛ր տէր , և կամեաց ընդ-
 իմ փրկութիւնն , և արա՛ ինձ որորմութի՛ , որ
 առաւել էմ որորմելի քան զնմ մարդիկ : Օ՛խ
 ոչ սիրեցի զքեզ ՚ի բոլոր սրտէ իմմէ , և ոչ
 պահեցի զպատուիրանս քո յնմ զօրութեանէ
 իմմէ . այլ ունայնութեամբ անցուցի զաւուրս
 իմ , և կատարեցի զկամս սրտի իմոյ : Մեռլք
 իմ պակասեցան՝ և անօրէնութի՛ք իմ առաւել-
 ւան , և ոչ գոյ ինձ յոյս փրկութեան՝ և տեղի
 ապաւինի բաց ՚ի քէն . զի միայն ՚ի քո բարե-
 րարութիւնդ յուսացեալ էմ , և ՚ի քո առատ
 որորմութիւնդ ապաւինեալ :

Աւարդ բղխմամբ արատասուաց աղտչեմ՝

զքեղ , մինչև է ժամանակ դարձի իմոյ հաս-
 եալ , և մինչև էմ իսպառ կորուսեալ , շնորհեա՛
 ինձ տպաշխարուլի . և յառաջ քան զվախճանն
 իմ՝ արձակեա՛ զիս ՚ի կապանաց մեղաց իմոց ,
 և անտէս արա զանթիւ անօրէնութիւնս իմ :

Ար ամբ բարութեց ես տէր , և իշխան ես
 թողուլ զմեղս , ծածկեա՛ զամբ յանցանս իմ
 քոյով բարեգթութեդ . և միթարեա՛ զվշտաց
 եալ և զտարակուսեալ հոգի իմ . և առաջնորդ-
 եա՛ ինձ յայսմհետէ ըստ կամաց քոյ քաղաքա-
 վարիլ զոյլ ևս պանդխառութեան իմոյ ժամա-
 նակս . և մի թողուր զիս ՚ի կամս անձին իմոյ ,
 մինչև տարեալ հանգուսցես յօթեանս արքայ-
 ութեանդ երկնից :

Վ ուր տէր աղօթից անարժան ծառայիս
 քո , և խոնարհեցո՛ զունկն քո ՚ի պաղատանս
 իմ , որ ասացեր՝ Հայցեցէ՛ք և գաջիք , բախե-
 ցէ՛ք և բացցի ձեզ : Աւ սոյժմբ բաց ինձ տէր
 զդուռն ողորմութեան քո , որ ողբալով կար-
 դամ առ քեղ , և մի անտես առներ զաղաչանս
 մեղուցեալ անձին իմոյ , որ ոչ եկիր կոչել զար-
 դարս , սյլ զմեղաւորս յապաշխարութիւն :

Աւ արդ խոնարհեալ անձամբ , բեկեալ
 սրտիւ , և ամօթալից երեսօք պաղատիմ անո-
 խակալ տէրութեդ քո . և յառաջ քան զդնիլ
 ատենին աղաչեմ , և նախ քան զվախիլ դրանն
 և հատանիլ անդարձ վճուցն զարտասուս իմ
 արկանեմ առաջի քո՝ ողորմած տէր , քաղցր
 և անյիշաչար և երկայնամիտ առ արարածս քո :

Մի՛ ընդ յիմար կուսանան դատապարտեր զիս , փակելով զդուռն ողորմութե՛ք քո . և մի՛ ընդ չար և վատ ծառային առաքեր զիս ՚ի խաւարն արտաքին , ուր լալ աչաց է և կրճէլատամանց : Մի՛ մերժեր զիս ՚ի դասուց սիրելեաց քոց , և մի՛ տարագիր առներ յերանաւէտ կենացն յաւիտենից : Մի՛ անբաժին հաներ զիս ՚ի հայրենի ժառանգութենէն , զոր պատրաստեալ էս ՚ի սկզբանէ աշխարհի սրբոց քոց . և մի՛ զրկեր զիս յերկնաւոր հարսնարանէն :

Եւ վասն մեծ և փառաւորեալ Թագաւորութեանդ քո՝ մի՛ մտաներ ՚ի դատաստան ընդ ծառայիս քո , մի՛ և հատուցաներ ինձ ըստ բազում անօրէնութե՛ք իմում : Եւ շնորհեա՛ ինձ ընդ արժանաւորսն և ընդ կատարեալ հոգիսն աջակողմեան դասուն վերանալ լուսեղէն ամպօք ընդ առաջ քո յօդս . և ընդ սիրելիս և ընդ կամարարս քո ՚ի յարազուարճ ուրախութիւնսն ուրախացն , և առատապարգև փառօքդ փառաւորեա՛ զիս յերամս արդարոց , ընդ նոսին հանդուցանելով ՚ի վերինդ երուսաղէմ յարքայութեանդ քում յերկինս : Օ՛հ ընդ նոսին համաձայնեալ փառաւորեցից զքեզ ընդ հօր և ընդ հոգւոյդ նբլ , այժմ և միշտ և յաւիտեանս յաւիտենից , ամէն :



ԱՂՕԹ-Ի ԱՊԱՇԽԱՐՈՒԹԵԱՆ

ՄԱՆԱՍԷԻ ԹԱԳԱՒՈՐԻՆ

Տէր ամենակալ ձեռք աբրահամու՝ խա-
հակայ յակոբայ և զաւակի նոցա արդարոց :
ամենակալ աէր թող զմեզս իմ :

Ար արարեր զերկինս և զերկիր՝ և զձեռք
զարդ նոցա . ամենա :

Ար կապեցեր զծով բանիւ հրամանի քո ,
փակեցեր զխորս , կնքեցեր ահաւոր և փառա-
ւորեալ անուամբ քով սրբով . ամենա :

Ար ձեռք ինչ սարսի և զողայ յերեսաց ահի
զօրութեան քո . ամենա :

Ինքաւ է մեծ վայելչութի փառաց սրբ-
բութեան քո , սաստիկ է բարկութի սպառնալ-
եաց քոց ՚ի վերայ մեղաւորաց , անչափ և ան-
քննին են ողորմութիք աւետեաց քոց . ամե :

Դու աէր բարձրեալ դժած երկայնա-
միտ բազում ողորմ , և զղջանաս ՚ի վերայ չար-
եաց մարդկան . ամենա :

Դու ձեռք ոչ եղեր տպաշխարութի վասն
արդարոցն՝ աբրահամու , խահակայ և յակո-
բայ , որք ոչ մեղան քեզ . ամենա :

Եւ յէր եղեր տպաշխարութի վասն իմ մե-
ղաւորիս , զի մեղայ աւելի քան զաւազ ծո-

վու , և բազմացան անօրէնութիւնք իմ . ամենա :

Չեմ արժանի հայիլ և տեսանել զբարձրութիւնս երկնից՝ ՚ի բազմութէ անօրէնութեան իմոյ . ամենա :

Կորացեալ եմ ես ՚ի բռնութէ կապանաց երկաթից , և ոչ գոյ ինձ հանգիստ . ամենա :

Բարկացուցի զսրտմտութիւն և չար առաջի քո արարի , կանգնեցի սրտակեր և բազմացուցի զցասումն . ամենա :

Եւ արդ տէր՝ խոնարհեցուցանեմ ըզձօննր սրտի իմոյ , և հայցեմ ՚ի բազմութէ քու մէջ . ամենա :

Սեղայ տէր մեղայ , և զանօրէնութիւնս իմ ես ինձէն գիտեմ . ամենա :

Ղաչեմ և խնդրեմ ՚ի քէն թող ինձ անթող ինձ , և մի՛ կորուսաներ զիս ըստ անօրէնութեան իմոյ . ամենա :

Սի՛ յաւիտեան բարկանար ինձ տէր , և մի՛ յիշեր զչարխան իմ , և մի՛ սպառաաւորեր զիս ընդ իջեալն ՚ի ներքոյ երկրի շարեօք . ամենա :

Օ ի դու անձ անձ սպաշխարողաց ես , և յիս ցոյց զբարերարութիւնդ քո որ անարժան եմ . ամենա :

Կեցուցես զիս ըստ բազում ողորմութեան քում , և ես օրհնեցից զքեզ զանձաւուրս կենաց իմոյ . ամենա :

Օ քեզ տէր օրհնեն անձ զուարթունք երկնից . և քո են փառք յաւիտեանս , ամէն :

Փառք հօր և որդ . Վ յԺմ և միշտ և :

Մ զաչեմ և խնդրեմ ՚ի քէն տէր , թող
ինձ զմեղս իմ :

Բազումսոյորմ տէր՝ ողորմեա՛ն ինձ :

Մստուած՝ քաւեա՛ն զիս զմեղաւորս ՚ի
մեղաց և կեցո՛ւ :

Մբարիչ իմ և յոյս անձ՝ գթա՛ն ՚ի մեղուց-
եալ ծառայս , և ողորմեա՛ն ինձ բաղձամեղիս :

Մձնօրհնեալ սրբուհի և միշտ կոյս տստ-
ուածածին մարիամ , բարեխօսեա՛ն առ տէր
վասն իմ մեղաւորիս :

Մմենայն սուրբք անյ բարեխօսեցէք առ
հայր ՚ի յերկինս վասն մեր մեղաւորացս :

Վրիստոս որդի անոխակալ՝ ընկալ
գողաչանս մեր , զի ՚ի քեզ են ապաւինեալ
անձինք մեր :

Յաղթող զօրութեամբ սուրբ և կեն-
դանարար և պատուական խաչիւ քո տէր՝
պահպանեա՛ն զմեզ :

Մապեա՛ն տէր զհրեշտակ խաղաղութե
քս , որ եկեալ պահեսցէ զմեզ անխառվս ՚ի
տուէ և ՚ի գիշերի :

Մա մարդասիրութեամբ քո յիշեա՛ն զմեզ
տէր յիշեա՛ն զմեզ , յորժամ դաս արքայութե
քու , և ողորմեա՛ն մեզ :



ԱՂՕԹ Ք

ՀԱՆԳՍՏԵԱՆ ՎԱՄՈՒՆ

Մարեա՛ տէր զլոյս քո և զճնարարութի՛
քո, զի առաջնորդեսցեն ինձ և հանցեն զիս
ի լեառն սուրբ և ՚ի յարկս քո:

Մտից առաջի սեղանոյ տո՛ւմ, որ
ուրախ առնէ զմանկութիւն իմ:

Իրոստովան եղէց քեզ օրհնութի՛ք աստ-
ուած աստուած իմ:

Մրդ ընդէ՞ր տրտումես անձն իմ, կամ
ընդէ՞ր խռովես զիս • յուսա՛ առ ւած, խոստո-
վանեա՛ նմա՛ փրկիչ երեսաց իմոց ւած է:

Փառք հօր և որդւոյ և:

Եւ ևս խաղաղութեան զտէր աղաչեսցուք:

() օրհնութի՛ք և փառք հօր և որդւոյ և:

Սաղմոս • 118:

Եկեսցէ ՚ի վերայ իմ ողորմութիւն քո
տէր, և փրկութիւն քո ըստ բանի քում:

Տաց պատասխանի՛ ոյք նախատեն զիս բան
իւք, զի ես ՚ի բանս քո յուսացայ:

Մի՛ ՚ի բացեայ առներ ՚ի բերանոյ իմմէ՛
զբան ճնարարութեան մինչև յոյժ, զի յերա-
ւունս քո յուսացայ:

Պատճէցի զօրէնս քո յամ՝ ժամ, յաւիտեան և յաւիտեանս յաւիտենից :

Վնայի ես յանդորրու, զի զպատուիրանն քո խնդրեցի :

Խօսէի զվիպուծիս քո առաջի թագաւորաց, և ոչ ամաչէի :

Խորհէի 'ի պատուիրանս քո զոր սիրեցի : Համբարձի զձեռս իմ 'ի պատուիրանս քո զոր սիրեցի, և խորհէի յարգարուէ քում :

Յիշեա՛ զբան ծառայի քո՝ յոր և յուսացուցեր զիս :

Սա մխիթարեսցէ զիս 'ի խոնարհութեան իմում, զի բան քո կեցոյց զիս :

Վմբարտաւանք անիրաւեցան յիս յոյժ, ոյլ յօրինաց քոց ես ոչ խոտորեցայ :

Յիշեցի զիրաւունս քո յաւիտենից ար, և մխիթարեցայ :

Տրամուծիւն կալաւ զիս 'ի մեղաւորաց, և ոյք թողին զօրէնս քո :

Վոյլէի են ինձ իրաւունք քո՝ 'ի օեղւոջ պանդխտութեան իմոյ :

Յիշեցի 'ի գիշերի զանուն քո օեր, և պատճէցի զօրէնս քո :

Սա եղև ինձ ճանապարհ 'ի կեանս, զի գորդարութիւնս քո խնդրեցի :

Օանօրէնս ատեցի, և զօրէնս քո սիրեցի :

Պանահան և փրկիչ իմ ես դու, և ես 'ի բանս քո յուսացայ :

Ի բաց եղբրուք յինէն չարք, և քննեցից

զպատուիրանս աստուծոյ իմոյ :

() գնեա՛ ինձ ըստ բանի քու՛մ և կեցո՛ զիս , և մի՛ յամօթ առնէր զիս ՚ի յուսոյ իմմէ :

() գնեա՛ ինձ և ապրեցո՛ զիս , և խորհեցայց յիրաւունս քո յիմ՛ ժամ :

Ընարգեցեր զամենեւեան որք ապստամբք եղէն յարդարութեց քոց , զի անիրաւութբ էին խորհուրդք նոցա :

Յանցաւորս համարեցայ զիմ՛ մեղաւորս երկրի , վնայսորիկ սիրեցի զպատուիրանս քո :

Բւեռեա՛ ընդ երկիւղ քո զմարմին իմ , զի ՚ի դատաստանաց քոց երկեացց յոյժ :

Սերձեսցին խնդրուածք իմ՛ առաջի քո տէր , ըստ բանի քու՛մ իմաստուն արա զիս :

Սոցեն՛ աղօթք իմ՛ առաջի քո տէր , և բանիւ քո փրկեա՛ զիս :

Բզխեսցեն շրթունք իմ՛ զօրհնութիւնս քո , յորժամ՛ ուսուցես ինձ զարդարութիս քո :

Խօսեսցի լէզու իմ՛ զբանս քո , զի իմ՛ պատուիրանք քո արդարութեամբ էն :

Եղիցի ձեռն քո ՚ի կեցուցանել զիս , զի զպատուիրանս քո ընարեցի :

Յանկացայ փրկութեան քու՛մ տէր , և օրէնք քո խօսք իմ՛ էին :

Կեցցէ անձն իմ՛ օրհնեսցէ զքեզ , և իրաւունք քո օգնեսցեն ինձ :

Սուրբեցայ էս որպէս զոչխար կորուսեալ , խնդրեա՛ զժառայս քո զի զպատուիրանս քո էս ոչ մոռացայ :

Մի եկեացեն ՚ի վերայ մեր ոտք ամբարտաւանից , և ձեռք մեղաւորաց մի՛ դողացուցեն զմեզ :

Ընդ անկցին ամենեքեան յոք գործեն զանօրէնութիւնս , մերժեացին և այլ մի՛ կարացեն հաստատիլ :

Եւս ՚ի տէր յուսացայ , ցնծացայց և ուրախ եղէց յաստուած փրկիչ իմ :

Տէր տէր եա ինձ զօրութիւն և կացոյց զոտս իմ ՚ի հաստատութեան , ՚ի վերայ պարանոցի թշնամւոյն կացոյց զիս , և հանգոյց զիս երագ երագ :

Ար բնակեալն է յօգնութի բարձրելոյն , ընդ հովանեաւ աստուծոյ յերկինս հանգիցէ :

Կասացէ տեաւն ընդունօղ իմեա , ապաւէն իմ աստուած և ես յուսամ ՚ի նա :

Եւ փրկեացէ զիս յորդայթէ որսողին , և ՚ի բանիցն ՚ի խռովութենէ :

Ի թիկնամէջս իւր ընկալցի զքեզ , ՚ի հովանի թևոց նորա յուսացիս :

Արպէս զէն շուրջ եղիցի զքեւ ճշմարտութիւն նորա :

Աչ երկիցես դու յերկիւղէ գիշերի , և ոչ ՚ի նեաէ որ թռչի ՚ի տուէ :

Յերէ որ շօջի ՚ի խաւարի , ՚ի գայթակղութենէ դիւին ՚ի հասարակ աւուր :

Ընկցին ՚ի կողմանէ քու մէջ հազարք և բիւրք ընդ աջմէ քու մէջ , և առ քեզ ինչ ոչ մերձեցին :

Իսայց միայն աչօք քուլք հայեացիս դու
և զհատուցումն մեղաւորաց անսցես, զի դու
տէր յոյս իմ ես:

Օ քարձրեալն արարերք քեզ ասլաւէն,
զի ոչ հասցեն առ քեզ չարք, և տանջանք մի'
մերձեացին 'ի յարկս քո:

Հրեշտակաց իւրոց պատուիրեալ է վասն
քո, 'ի պահել զքեզ յամ ճանապարհս քո:

Ի բաղուկս իւրեանց ընկալցին զքեզ,
զի մի' երգէք հարցես զքարի զոան քո:

Ի վերայ իժից և քարբից դնասցես դու,
և առ ոտն կոխեսցես զաւիւծն և զվիշտայն:

Վտնզի յիս յուստցաւ և փրկեցից զնա,
հովանի եղէց նմա զի ծանեաւ զանուն իմ:

Խարդասցէ առ իս և ես լուսայց նմա, և
առ նմա եղէց 'ի նեղութեան:

Փրկեցից և փառաւոր արարից զնա, եր-
կայն աւուրբք լցուցից և ցուցից նմա զփր-
կութիւն իմ:

Ըն քեզ տէր համբարձի զաչս իմ, որ
բնակեալդ ես 'ի յերկինս:

Որո՞ւ աչք ծառայի 'ի ձեռն ան իւրոյ,
և որո՞ւ աչք աղախնոյ 'ի ձեռն տիկնոջ իւրոյ:

Ը յնպէս են աչք մեր առ քեզ տէր ան-
մեր, մինչև ողորմեսցիս 'ի վերայ մեր:

Ողորմեա՛ մեզ տէր ողորմեա՛ մեզ, զի
բաղում լցաք արհամարհանօք:

Ը Ըս առաւել լցան անձինք մեր նախա-
տանօք, որք նախատէին զմեզ արհամարհա-

նօր ամբարտաւանից :

Աստուած յանուան քում կեցն զիս , և ՚ի զօրութեան քում իրաւ արա ինձ :

Աստուած լուր աղօթից իմոց , ունկն դիր բանից բերանոյ իմոց :

() ատարք յարեան ՚ի վերայ իմ և հօրք ինդրեցին զանձն իմ , և ոչ համարեցան զքեզ աստուած առաջի իւրեանց :

Ահա աստուած օգնականս իմ , և տէր ընդ ունօղ հոգւոյ իմոց :

Ի դարձուցանել զչարն ՚ի թշնամիս իմ , ճշմարտութեամբ քով սատակեալ զնոսա :

Ես կամօք իմովք պատարագս մատուցից քեզ , և խոստովան եղէց անուան քում տէր զի բարի է :

Յամենայն նեղութենէ իմմէ փրկեցեր զիս , և ՚ի թշնամիս իմ ետես ակն իմ :

() րհնեալ էս դու ար ար հարցն մերոց , գովեալ և առաւել բարձրացեալ յաւիտեան :

Եւ օրհնեալ է անուն սուրբ փառաց քոց , գովեալ և առաւել բարձ :

() րհնեալ էս ՚ի տաճարի փառաց սրբութեան քո , գովեալ և առա :

() րհնեալ էս ՚ի վերայ աթոռոյ արքայութեան քո , գովեալ և առա :

() րհնեալ էս որ նստիս ՚ի քրովբէ և հայիս յանդուհու , գովեալ և առա :

() րհնեալ էս ՚ի վերայ հաստատութեան երկնից , գովեալ և առա :

() օրհնեցէ՛ք զնձ ՚ի սրբութեան նորա ,
օրհնեցէ՛ք զնա ՚ի հաստատուէ ՚ի զօրութեան նրա :

() օրհնեցէ՛ք զնա ՚ի զօրութեան նորա , օրհնեցէ՛ք զնա ՚ի բազում մեծութեան նորա :

() օրհնեցէ՛ք զնա ՚ի ձայն օրհնութեան ,
օրհնեցէ՛ք զնա սաղմոսիւք և օրհնութեամբ :

() օրհնեցէ՛ք զնա ցնծութեամբ , գովեցէ՛ք զնա ուրախութեամբ :

() օրհնեցէ՛ք զնա ՚ի բանս քաղցր , գովեցէ՛ք զնա ՚ի բարբառ լսելի :

() օրհնեցէ՛ք զնա ՚ի ձայն գոհութեան ,
ամենայն հոգիք օրհնեցէ՛ք զտէր :

Մեր սրձակեալ զծառայս քո տէր ըստ բանի քում ՚ի խաղաղութիւն , զի տեսին աչք իմ զփրկութի՛ք քո զոր պատրաստեցէր առաջի ամենայն ժողովրդոց :

Եյս յայտնեցար հեթանոսաց , և փառք ժողովրդեան քում իսրայելի :

Չգեցեր զձեռն քո և փրկեաց զիս աջ քո , և տէր հատուցէ ընդ իմ :

Տէր ողորմութի՛ք քո յաւիտեան , զգործս ձեռաց քոց մի՛ անտես առներ :

Տէր հան ՚ի բանտէ զանձն իմ , գոհանամ զանուանէ քումմի :

Եւ քեզ սպասեն արդարք՝ մինչև հատուցես :

Մեծացուցէ անձն իմ զտէր , և ցընծացէ հոգի իմ աստուծով փրկչաւ իմով :

Մ. ԵԳ արար ՚ի վերայ խոնարհուէ աղախ-

նոյ իւրոյ , այսուհետև երանիցեն ինձ ամենայն ազգք :

Երար ընդ իս մեծամեծս հզօրն , և սքէ անունն նորա :

Ազորմուծի արար ազգաց յազգս երկիւղածաց իւրոց , արար զօրութի բազկաւ իւրով :

Յրուեաց զամբարտաւանս ՚ի մտաց սրբօից , և քակեաց զհզօրս յաթոսոց :

Օ խոնարհս բարձրացոյց՝ զկարօտս ելից բարուք , և զմեծատունս արձակեաց ունայնս :

Պաշտպանեաց իսրայէլի ծառայի իւրոյ , յիշելով զոչորմուծիւն իւր :

Արսէս խօսեցաւ առ հարսն մեր՝ ընդաբրահամու և զաւակի նորա յաւիտեանս :

Տուր զօրութի ծառայի քո , կեցո՞ զորդի ազախնոյ քո , և արա՛ առ իս նշան բարուէ :

Տեսցեն տառելք իմ և ամաչեսցեն , զի գու տէր օգնեցեր ինձ և միտիթարեցեր զիս :

Պատք հօր և որդւոյ և :

Մազթանք :

Ինձն իմ ՚ի ձեռս քո է յամ՝ ժամ , և ՚ի սք իաչ քո յուսացեալ եմ թագաւոր երկնաւոր , զբազմուծի սքց քոց բարեխօս ունիմք առ քեզ : Ար երկայնամիտդ ես առ ամենեւեան , մի՛ անտես առներ զսպաւինեալս ՚ի քեզ . այլ պահեա՛ սրտուական և սուրբ իաչիւ քով ՚ի խաղաղութեան :

Քարոզ:

Մ զաչեսցուք զամենակալն անձ և խընդ-
րեսցուք ՚ի նմանէ, զի առաքեսցէ զՏրեշտակ
խաղաղութեան՝ որ եկեալ պահեսցէ զմեզ
յերկիւղական գիշերիս ՚ի դիւական խռովու-
թէ, ամբողջ պահելով զՏոգի և զմարմին մեր՝
մինչև ՚ի կատարումն ժամանակի ամաց մերոց:
Մ յմենակալ տէր անձ մեր կեցո՛ւ և ողորմեա՛ւ:
Կեցո՛ւ տէր:

Օ Տանգիստ գիշերիս խաղաղութեամբ
անցուցանել հաւատով ՚ի անէ խնդրեսցուք:
Շ նորհեա՛ւ տէր:

Օ Տրեշտակ խաղաղութեան պահպան
անձանց մերոց ՚ի տեառնէ խնդրեսցուք:

Օ քաւութիւն և զթողութիւն յանցա-
նաց մերոց ՚ի տեառնէ խնդրեսցուք:

Օ սրբոյ խաչին մեծ և կարող զօրու-
թիւնն յօգնութի անձանց մերոց ՚ի տեառնէ
խնդրեսցուք:

Մ և ևս միաբան մն ճշմարիտ և նր հաւա-
տոյս մերոց զմր աղաչեսցուք: Տէր ողորմեա՛ւ:

Օ անձինս մեր և զմիմեանս տեառն այ ա-
մենակալին յանձն արասցուք: Մեզ տեառնդ
յանձն եղիցուք:

Ողորմեաց մեզ տէր աստուած մեր՝ ըստ
մեծի ողորմութեան քում, ասասցուք ամենե-
քեան միաբանութեամբ:

Տէր ողորմեա՛ւ, տէր ողորմեա՛ւ, տէր ողորմեա՛ւ:

Աշօթք :

Տէր անձ մեր դու պահեա՛ զմեզ խաղաղութե՛ք ՚ի գիշերիս յայսմիկ և յամ՝ ժամանակի : Բնդ անք երկիւղ .քո բեւեռեալ պահեա՛ զմիտս և զխորհուրդս մեր : Արնձ զի յամ՝ ժամ .քե պահպանեալ լինուք յորոգայթից թշնամւոյն : Եւ .քեզ հանցուք զօրհնութիւն և զփառս հօր և որդւոյ և հոգւոյդ սրբոյ . այժմ՝ և միշտ :

Խաղաղութիւն ամենեցուն :

Արեշտակի խաղաղութեան յանձն արազանձինս մեր տէ՛ր զօրութեանց , որ եկեալ պահեսցէ զմեզ անխռովս ՚ի առեւ և ՚ի գիշերի , յարթնութեան և ՚ի հանգստեան մերում . զի դու ես արարիչ լուսոյ , և հաստիչ գիշերի : Եւ այժմ՝ աղաչե՛մք զքեզ տէ՛ր անձ մեր , զհանգիստ գիշերիս շնորհեա՛ խաղաղութե՛ք անցուցանել , և հասանիլ ՚ի պաշտօն առաւօտու յերկրօրագութիւն և ՚ի փառաբանութի՛ն ամենասուրբ երրորդութեանդ . այժմ՝ և :

Սաղմոս . 4 :

Խաղաղութե՛ք յայս և ՚ի սոյն ննջեսցուք և զարթօնցուք , զի դու տէր միայն առանձին յուսով .քո բնակեցուցեր զմեզ :

Ի կարդալ իմում՝ լուար ինձ անձ անք արգարութեան , ՚ի նեղութե՛ն ինձ անդորր արարեր . ողորմեա՛ ինձ և լուր աղօթից իմոց :

Արդիք մարդկան մինչև յերբ էք խըս-

տասիրտք , ընդէ՛ր սիրէք զնանրութիւն և
խնդրէք զստութիւն :

() աներո՛ւք զի սքանչելիս արար տէր
սրբոյ իւրում , և տէր լուսցէ ինձ ՚ի կարդալ
իմում առ նա :

Ի արհանայք և մի՛ մեղանչէք , զոր ինչ ա-
սէք ՚ի սիրտս ձեր՝ յանկողինս ձեր զղջացարուք :

Ս՝ ատուցէ՛ք պատարագս արգարութե՛ ,
և յուսացարո՛ւք ՚ի տէր :

Ի սոզումք ասէին թէ՛ ս՝ ցուցցէ մեզ զբա-
րութի՛ տեսուն . նշանեցաւ առ մեզ լոյս երե-
սաց քոց , և ետուր ուրախութի՛ սրաից մերոց :

Ի սաղոյ ցորենոյ գինոյ և ձիթոյ իւր-
եանց լցուցեր զնոսա :

Խաղաղութի՛ յայս և ՚ի սոյն ննջէսցուք
և զարթիցուք , զի դու տէր միայն առանձին
յուսով քո բնակեցուցեր զմեզ :

Լ՝ էլ լուիա () ըթի :

Խաղաղութիւն ամենեցուն :

Լ՝ ընդ հոգւոյդ քում :

Լ՝ ըրկիւղածութեամբ լուարուք :

Սրբոյ աւետարանիս՝ որ ըստ յովհաննես :

Փատք քեզ տէր աստուած մեր :

Պոսխումէ :

Լ՝ սէ աստուած :

Տէրն մեր յն քն տսէ :

Լ՝ մէն ամէն ասեմ ձեզ . էթէ ոչ հատն
ցորենոյ անկեալ յերկիր մեռանիցի , ինքն մի-

այն կայ . ապա եթէ մեռանիցի՝ բողում արդիւնս առնէ : Որ սիրէ զանձն իւր՝ արձակէ զնա . և որ առեայ զանձն իւր յաշխարհիս յայս միկ , ՚ի կեանսն յաւիտենականս պահեսցէ զնա :
 Եթէ ոք զնս պաշտիցէ , զկնի իմ եկեսցէ , և ուր եսն եմ , անդ և պաշտօնեայն իմ եղիցի . եթէ ոք զնս պաշտիցէ , պատուեսցէ զնա
 Հայրն իմ :

Փառք քեզ տէր անձ մեր :


Սուրբ խաչիւս աղաչեսցուք զտէր , զի սովաւ փրկեսցէ զմեզ ՚ի մեղաց՝ և կեցուսցէ շնորհիւ ողորմութիւն իւրոյ : Ըմենակալ տէր սատուած մեր կեցն և ողորմեա :

Պահպանեա՛ զմեզ քն անձ մեր՝ ընդ հովանեաւ սբ և պատուական խաչիւղ քոյ՛ ՚ի խաղաղութե՛ , փրկեա՛ յերևելի և յաներևոյթ թշնամւոյն : Ըրթանաւորեա՛ գոհութք փառաւորել գքեզ ընդ հօր և ընդ սրբոյ հոգւոյդ . այժմ և :

() Ըհնեալ տէր մեր յս քն , ամէն :

Հայր մեր որ յերկինս :

Ընկանիմք առաջի քոյ սբ անձա՛մին և աղաչեմք զանարատ զկոյսդ , բարեխօսեա՛ վասն անձանց մերոց , և աղաչեա՛ զմե՛ս ին որդիդ փրկել զմեզ ՚ի փորձութենէ և յամ՛ վտանդից մերոց :



ՄԱՂԹԱՆԻ ԶՕՐԱՒՈՐԻ ԱՐՎԱՒԱՅ
ԳԻՇԵՐԱՅՆՈՅ

Սրբոյն Գրիգորի նարեկացոյ ասացեալ

Բժժ • ԺԲ :

Նկալ քաղցրութեամբ տէր անձ հղօր՝
դդառնանցողես զաղաչանս • մատիր գթութի
առ պատկառեալս դիմօք • փարստեան անենա-
պարզէ՛ զամօթական տխրութիւնս • բարձ
յինէն սղորմած՝ զանբերելի ծանրութիւնս •
անջրդետեան հնարաւոր՝ զմահացու կրթու-
թիւնս • աւարեան միշտ յաղթօղ՝ զխաբողին
հաճութիս • բացաղբեան վերնային՝ զմոլելոյն
մառախուղ • կնքեան կեցուցիչ՝ զկորուսչին ըն-
թացմունս • ցրուեան ծածկատես՝ զամբռնողին
չար գամունս • խորտակեան անքննին՝ զմարտո-
ղին դիմեցմունս : Տեառնագրեան քո անուամբ
բլղ զուսանցոյց երդ յարկիս • պարփակեան
քո ձեռամբդ զառաստաղ տաճարիս • գծա-
գրեան քո արեամբդ զմուտ սեմոց սենեկիս •
կերպացո՞ զքո նշանդ ՚ի հետս ելից մաղթո-
ղիս • ամրացո՞ քո աջովդ զհանգստեանս խշափ •
մաքրեսցես ՚ի հաղբից զծածկարան անկող-
նոյս • պահեսցես քո կամօքդ զտառապեալ
անձն ոգւոյս • անխարդախ արասցես զքո շը-
նորհեալ շունչ մարմնոյս • կացուսցես շրջա-
փակ զպար զօրուդ երկնայնոյ • կարգեսցես

՚ի դիմի ընդդէմ դիւացն դասու : Տ՛ուր հան-
 գիստ բերկրութեան մահահանգոյնս նիրհման
 ՚ի խորութեան գիշերիս , բարեխօսութեամբ
 հայցուածոց սրբոյ աստուածածնիդ՝ և ամե-
 նայն ընտրելոց : Ըմփովեալ պարուրեա՛ ըզ
 պատուհան տեսութեանց զգայարանացս իմաս
 տից անզարհուրելի զէտեղմամբ՝ ՚ի ծփական
 խռովութեանց , կենցաղական զբաղմանց , տ-
 նըջական երազոց , խօլականաց ցնորից , յիշա-
 տակաւ քո յուսոյդ անմիասելի պաշտպանեալ :
 Այլ սթափեալ վերասին ՚ի ննջմանէ ծանրու-
 թեան , ամենազգաստ արթնութեամբ՝ հոգե-
 նորոգ զուարթութեամբ ՚ի քեզ արձանաց-
 եալ , զայս ձայն մտղթանաց՝ բուրմամբ հա-
 ւատոց քեզ ամէնօրհնեալ թագաւոր փառաց
 անձառից , փառաբանողաց երկնագումար խըմ-
 բից երգակցեալ՝ յերկինս առաքել : Օ՛ր գու
 փառաւորեալ էս յիմ՝ արարածոց յաւիտեանս
 յաւիտենից , ամէն :




ԱՂՕԹՔ ԶՕՐԱՒՈՐ

Նսրին սրբոյն Գրիգորի :

Բ՝ձ . խա :

Որդի նոց կենդանւոյ օրհնեալ յիմի՝
 հօրդ տհաւորի անքննին ծնունդ որ տկարա-

նայ առ ՚ի քէն և ոչ ինչ : Ար ՚ի ծագել անըստ
 ուեր նշուլից ողորմութե քո փառաց , հալին
 մեղք . հալածին դեք . ջնջին յանցանք . խղին
 կասպանք . խորասկին շղթայք . կենդանածնին
 մահացեալք . բժշկին հարուածք . ողջանան
 վերք . բառնին ապականութիւնք . տեղի տան
 տիրութիք . նահանջին հեծութիք . փախնու
 խաւարն . մեկնի մէգն . մերժի մառախուղն .
 փարատի մուսլն . սպառի աղջամուղջն . վերա-
 նայ մութն . գնայ գիշերն . տարագրի տագ-
 նասն . չքանան չարիքն . հալածին յուսահա-
 տութիւնքն . և թագաւորէ ձեռն քո ամենա-
 կար՝ քաւիչդ ամենայնի : Ար ոչ եկիր կորու-
 սանել զմարդկան ոգիս՝ այլ կեցուցանել , թող
 ինձ զանթիւ չարիսն իմ՝ բազում ողորմութե :
 Օ ի դու միայն ես յերկնի անձառ , և յերկ-
 րի անզննին . ՚ի տարր գոյի , և յեզրս ծագաց
 աշխարհի . սկիզբն ամի , և յամի . ամ լրամաբ-
 օրհնեալ ՚ի բարձունս . և քեզ ընդ հօր և հոգ-
 ւոյդ սրբոյ փառք յաւիտեանս , ամէն :



ԱՂՕԹԻՔ ԶՕՐԱՒՈՐ

Նորին սբբոյն Գրեգորի :

Բան . ձԹ :

Եւստուած և տէր . կեանք և արարիչ .
 ողորմած , գթած , լոյս , երկայնամիտ , անոխա-

կալ • մարդասէր • ամենադուժ • պարզևա-
տու • փրկիչ • օրհնեալ • գովեալ • բարեբանեալ •
Վարան ամրութե • պատապարան վստահու-
թեան • առանց նենգութե • բարի • առանց խա-
ւարի ճառագայթ • քաւիչ մեղաց • ողջացուցիչ
վիրաց • անհասանելեաց հնարք • անմաշէլեաց
հպաւոր • անյուսութե ելք • անուն քո խոս-
տովանեալ՝ այ որդի • և հօր քո ընդ քեզ հզօրի
և ահաւօրի , և հոգւոյդ ամենակալի և ընդ
քեզ երկրպագելոյ՝ փառք և պաշտօն գոհա-
բանութեան յաւիտեանս , ամէն :



ԱՂՕԹՔ ԵՐԵՎԱՅԵԱՆ

Նորին սրբոյն Կրկնորի :

Բան • շր :

Մի յաւիտենական • բարերար և ամե-
նակալ • ստեղծիչ լուսոյ և յօրինիչ գիշերոյ •
կեանք ՚ի մահու և լոյս ՚ի խաւարի • յոյս ակն
ունողաց և երկայնամտութիւն տարակուսելոց :
Ար ամենարուեստ իմաստութեամբ քո դար-
ձուցանես յայդ զստուերս մահու , աննուազ
ծագումն և անմուտ արեգակն , քանզի ոչ զօ-
րե ծածկել զփառս տէրութեան քո խաւար
գիշերոյ • օրում կրկնի ծունր երկրպագութե
ամենայն եղելոց՝ երկնաւորաց և երկրաւորաց
և սանդարամեսականաց :

Ար լսես զՏեճուլի կապելոց , և հայիս յա-
ղօթս խոնարհաց , և ընդունիս զխնդրուածս
նոցա , աստուած իմ և թագաւոր իմ , կեանք
իմ և ապուէն իմ , յիյս իմ և վստահուլի իմ ,
յիսուս քն անդ անի , սուրբդ հանգուցեալ
ի հոգիս սրբոց մխիթարութիւն վշտաց , և
քաւարան մեղուցելոց , որ գիտես զամենայն
յառաջ քան զլինել նոցա : Առաքեալ զպահ-
պանողական զօրութի աջոյ քո , և փրկեալ զիս
յերկիւղէ գիշերի և ՚ի գիւէ չարէ . որպէս զի
զյիշատակ սոսկալի և սուրբ քո անուանող
միշտ համբուրեալ շրթամբք հոգւոյ ըղձու-
թեան շնչոյ , կեցից պահպանեալ ընդ այնոսիկ
որ կարդան զքեզ ՚ի բոլոր սրտէ :

Աւ ՚ի դրոշմէ խաչի քոյոյ նշանիդ , զոր
անային արեամբ քո ներկեալ նարոգեցեր ,
և ՚ի նոյն շնորհ որդէգրութեան զմեզ մկրտ-
եցեր , և ՚ի փառս պատկերի քո նկարեալ
յօրինեցեր , սյսու պարգևօք աստուածակա-
նօք՝ ամաչեսցէ՛ սատանայ . քակտեսցին մեքե-
նայքն . բարձցին որոգայթքն . պարտեսցին
մարտուցեալքն . պահասեսցին զէնքն սայրա-
սուրբ . մերժեսցի մէզն , փարատեսցի խաւա-
րըն . մեկնեսցի մառախուղն : Առողուկ քո հո-
վանասցի , և աջ քո կնքեսցէ՛ . վասն զի գթած
ես և ողորմած , և անուն քո կոչեցեալ է ՚ի
վերայ ծառայից քոց : Աւ քեզ ընդ հօր՝ հոգ-
ւովդ սրբով՝ փառք և իշխանութիւն յաւիտե-
անս յաւիտենից , ամէն :



Ա Ղ Օ Թ Ք

Ի Ի Ր Ա Ք Ա Ն Չ Ի Ի Ր Ա Ն Չ Ի Ն

Հ Ա Ի Ա Տ Ա Յ Ե Լ Ա Յ Ի Ք Ր Ի Ա Տ Ո Ս

Արարեալ է սրբոյ աեառն Ներսէսի շնորհաւոյ հոյոց կա-
թուղիկախի :

Հաւատով խոստովանիմ, և երկիրպագա-
նեմ քեզ՝ Հայր և Որդի և նք Հոգի, անեղ և
անմահ բնութի, արարիչ հրեշտակաց և մարդ-
կան և նմ եղէլոց, ողորմեա՛ քո արարածոց,
և ինձ բազմամեղիս :

Հաւատով խոստովանիմ, և երկիրպագա-
նեմ քեզ՝ անբաժանելի լոյս, միասնական նք
երրորդութի և մի նծութի, արարիչ լուսոյ
և հալածիչ խաւարի. հալածեա՛ ՚ի հոգւոյ իմ-
մէ զխաւար մեղաց և անգիտութե՛, և լուսա-
ւորեա՛ զմիտս իմ՝ ՚ի ժամուս յայսմիկ աղօթել
քեզ ՚ի հաճոյս, և ընդունել ՚ի քէն զխնդր-
ւածս իմ, ողորմեա՛ ինձ բազմամեղիս :

Հայր երկնաւոր նծ ճշմարիտ՝ որ առա-
քեցեր զորդիդ քո սիրելի ՚ի խնդիր մոլորեալ
ոչխարին, մեղոյ յերկինս և առաջի քո. ընկալ
զիս ոն՞ զանառակ որդին, և զգեցո՛ ինձ զպատ-
մուճանն զառաջին զոր մերկացայ մեղօք, ողոր-
մեա՛ քո արտ :

Արդի նոյ ան ճշմարիտ՝ որ խոնարհեցար ՚ի հայրական ծոցոյ՝ և առեր մարմինն ՚ի սրբոյ կուսէն մարիամնայ վասն մերոյ փրկութեան, խաչեցար և թաղեցար և յարեար ՚ի մեռելոց՝ և համբարձար փառօք առ հայր, մեղայ յերկինս և առաջի քո. յիշեա՛ զիս որպէս զաւազակն՝ յորժամ գաս արբայութիւն քով. ողորմեա՛ քո արա:

Հոգի նոյ ան ճշմարիտ՝ որ իջեր ՚ի յորդանան և ՚ի վերնատունն, և լուսաւորեցեր զիս մկրտութիւն սբ աւազանին, մեղայ յերկինս և առաջի քո. մաքրեա՛ զիս վերստին անային հրով քո՝ որպէս հրեղէն լեզուօք սուրբ զաւաքեալսն. ողորմեա՛ քո արա:

Մենդ բնութիւն՝ մեղայ քեզ մտօք իմովք, հոգւով և մարմնով իմով. մի՛ յիշեր զմեզս իմ զաւազինս վասն անուանդ քում սրբոյ. ողորմեա՛ քո արա:

Տեսօղ անն՝ մեղայ քեզ խորհրդով բանիւ և գործով. ջնջեա՛ զձեռագիր յանցանաց իմոց, և գրեա՛ զանուն իմ ՚ի դպրութեան կենաց. ողորմեա՛ քո արա:

Վննօղ գաղանեաց՝ մեղայ քեզ կամաւ և ակամայ, գիտութիւն և անգիտութիւն. թողուի՛ շնորհեա՛ մեղաւորիս, զի ՚ի ծննդենէ սուրբ աւազանին մինչև ցայսօր մեղուցեալ եմ առաջի անութեանդ քո զգայարանօք իմովք, և ան անգամօք մարմնոյս. ողորմեա՛ քո արա:

Մենախնամ տէր՝ դիր պահպան աչաց

խնոց զերկիւղ քո քիւնն ո՛չ ևս հայիլ յարտա , և
 ականջաց խնոց՝ ո՛չ ակտորժեւ լսել զքանս չա-
 րութե՛ , և բերանոց խնոց՝ ո՛չ խօսիլ զստուծի՛ ,
 և սրտի խնոց՝ ո՛չ խորհիլ զչարուծի՛ , և ձեռաց
 խնոց՝ ո՛չ գործել զանիրաւուի՛ , և ոտից խնոց՝
 ո՛չ գնալ ՚ի ճանապարհս անօրէնուծե՛ , այլ
 սուղղեա՛ զչարժումն սոցա լինել միշտ ըստ
 պատուիրանաց քոց յամի . ողորմեա՛ :

Հո՛ւր կենդանի քն՝ զհո՛ւր սիրոց քո զոր
 արկեր յերկիր , բորբոքեա՛ յանձն իմ . զի այրես
 ցէ զազա հոգւոց խնոց , և սրբեսցէ զխիղճ մը-
 տաց խնոց , և մաքրեսցէ զմեղս մարմնոց խնոց ,
 և վառեսցէ զոյս գիտուծեան քո ՚ի սրտի ի-
 մուս . ողորմեա՛ :

Եւմաստուի՛ հօր յս՝ տո՛ւր ինձ իմաստուի՛ ,
 զբարիս խորհիլ և խօսիլ և գործել առաջի
 քո յամժամ . ՚ի չար խորհրդոց՝ ՚ի բանից և ՚ի
 գործոց փրկեա՛ զիս . ողորմեա՛ :

Եւմեցօ՛ղ բարեաց տր կամարար՝ մի թո-
 դուր զիս ՚ի կամս անձին խնոց գնալ . այլ ա-
 ռաջնորդեա՛ ինձ լինիլ միշտ ըստ կամաց քոց
 բարեսիրաց . ողորմեա՛ :

Եւբայ՛ երկնաւոր՝ տո՛ւր ինձ զարքայուի՛
 քո , զոր խոստացար սիրելեաց քոց . և զօրացօ
 զսիրտ իմ տաել զմեղս , և սիրել զքեզ միայն ,
 և առնել զկամս քո . ողորմեա՛ :

Եւնամօ՛ղ արարածոց՝ պահեա՛ նշանաւ
 խաչի քո զհոգի և զմարմին իմ ՚ի պատրանաց
 մեղաց՝ ՚ի փորձուծեանց դիւաց , և ՚ի մարդոց

անիրաւաց , և յամ՝ վտանգից հոգւոյ և մարմնոյ . ողորմեա՛ . քո արա :

Պահապան անի . քս՝ աջ քո հովանի լիցի ՚ի վր իմ ՚ի առե և ՚ի գիշերի , ՚ի նստիլ ՚ի ասն , ՚ի դնալ ՚ի ճանապարհ , ՚ի ննջել և ՚ի յառնել զի մի՛ երբէք սասանեցայց . ողորմեա՛ :

Ը՛ծ իմ՝ որ բանաս զձեռն քո , և լնուս զամ՝ արարածս ողորմութի՛ք քով , քեզ յանձն առնեմ զանձն իմ , դու հոգա՛ և պատրաստեա՛ զպէտա հոգւոյ և մարմնոյ իմոյ յայսմ՝ հետե մինչև յաւիտեան . ողորմեա՛ :

Վարձուցիչ մուրրելոց՝ դարձն զիս ՚ի չար սովորուէց իմոց ՚ի բարի սովորութի՛ն , և բեւեռեա՛ ՚ի հոգի իմ զսոսկալի օր մահունն , և զերկիւղ գեհեհոյն , և զսէր արքայութեանն , զի զղջացայց ՚ի մեղաց , և գործեցից զարգարութիւն . ողորմեա՛ :

Ը՛ղբիւր անմահուէ՛ . աղբերացն ՚ի սրտե իմմէ զարտասուս ապաշխարուէ՛ ոն՛ պոռնկին . զի լուացից զմեղս անձին իմոյ յառաջ քան զելանելն իմ յաշխարհէս . ողորմեա՛ :

Պարգեիչ ողորմութի՛ք՝ պարգևեա՛ ինձ ուղղախաւ հաւատով , և բարի գործով , և քբ մարմնոյ և արեան քո հաղորդութեամբ՛ գալ առ քեզ . ողորմեա՛ :

Վարերար ան՝ հրեշտակի բարւոյ յանձն արտացես զիս քաղցրութիւն անդէլ զհոգի իմ , և անխառով անցուցանել ընդ չարութի՛ն այսոցն որ են ՚ի ներքոյ երկնից . ողորմեա՛ :

Ինչս ճշմարիտ քս՝ արժանաւորեա՛ւ զՏոգի
իմ ուրախուլք տեսանել զլոյս փառաց քոց ՚ի
կոչման աւուրն , և հանգչիլ յուսուլ բարեաց
յօթեանս արդարոց մինչև յօր մեծի գալա-
եան քո . ողորմեա՛ւ :

Վատաւոր արդար՝ յորժամ դաս փառօք
հօր դատել զկենդանիս և զմեռեալս , մի մտա-
ներ ՚ի դատաստան ընդ ծառայի քում . այլ
փրկեա՛ զիս ՚ի յաւիտենական հրոյն , և լսելի
արա ինձ զերանաւէտ կոչումն արդարոց յերկ
նից արքայու թիւնդ . ողորմեա՛ւ :

Վմէնողորմ տէր՝ ողորմեա՛ւ իմ հաւատա-
ցելոց ՚ի քեզ , իմոց և օտարաց , ծանօթից և
անծանօթից , կենդանեաց և մեռելոց . շնորհեա՛
և թշնամեաց իմոց և ատելեաց զթողութի՛ որ
առ իս յանցանաց , և դարձն զնոսա ՚ի չարեացն
զոր ունին վասն իմ , զի ողորմութեան քում
արժանի եղիցին . ողորմեա՛ւ :

Փառաւորեալ իմ՝ ընկալ զաղաչանս ծա-
ռայիս քո , և կատարեա՛ ՚ի բարի զխնդրուածս
իմ՝ բարեխօսուլք սրբուհւոյ ձա՛ծածնին , և յով
հաննու մկրտչին , և սրբոյն սաեփաննոսի նա-
խալկային , և սրբոյն գրիգորի մերոյ լուսաւոր
չին , և սրբոց առաքելոց՝ մարգարէից՝ վարդա-
պետաց՝ մարտիրոսաց , հայրապետաց՝ ճգնաւո-
րաց՝ կուսանաց , և իմ սրբոց քոց երկնաւորաց
և երկրաւորաց : Այլ քեզ փառք և երկրպա-
գութի՛ անբաժանելի սբ երրորդութե՛դ յա-
ւիտեանս յաւիտենից , ամէն :

Ս ան սրբուհւոյ աստուածածնին բարեխօսութեն՝ տէր ընկալ զաղաչանս մեր և կեցն զմեզ :

Ս ուրբ զածածինն և զամ սուրբս բարեխօս արասցուք առ հայր ՚ի յերկինս , զկամեցեալ ողորմեսցի՝ և գթացեալ կեցուսցէ զարարածս իւր : Մենակալ տէր :

Ս ընկալ տէր զաղաչանս մեր բարեխօսութե սուրբ անածնին՝ անորաա ծնողի միածնի որդւոյ քոյ , և աղաչանօք ամ սրբոց քոց : Ս ուր մեզ տէր և ողորմեա՛ , ներեա՛ քաւեա՛ և թող զմեզս մեր : Մ ըթանաւորեա՛ գոհութեամբ փառաւորել զքեզ ընդ որդւոյ և ընդ սրբոյ հոգւոյդ , այժմ և :

() Ըհնեալ տէր մեր յս քս , ամէն :

Հայր մեր որ յերկինս :

() Հանգստեան զաղօթս և զաղաչանս ընկալ մարդասէր անձ ՚ի հաճոյս բարերար կամաց քոց . և մեր մեղաց և բաղում յանցանացն թողութիւնն շնորհեա՛ . և քեզ փառք յաւիտեանս , ամէն :

() Կաք քեզ տէր անձ մեր , որ սպարգևեցեր զօրս զայս բարեաւ և խաղաղութեամբ անցուցանել :

Ս արդասէր անձ՝ զառաջակայ գիշերս որ ՚ի վր մեր գալոց է , ՚ի մեղաց փրկեա՛ , ՚ի չարեաց ազատեա՛ , և ՚ի գործս բարիս առաջնորդեա՛ :

Մատուցու օրհնութեանցն և փառաբանութեցն՝ արժանի արա զամ հաւտտացեալս անուանդ քում՝ ար, և պահեա՛ ՚ի խաղաղութե :

Տէր անձ մեր՝ տուր զքո խաղաղութիդ ամենայն աշխարհի , բարձ զցասումն և զպատահան ՚ի յարարածոցս :

Ողորմեա՛ հարց և եղբարց մերոց՝ կենդանեաց և հանգուցելոց :

Ողորմեա՛ ղեկեղեցի շինողաց , երախտաւորաց , և այնոցիկ որք տան զտուրս ողորմութեան դպրատանց , և ջանան միշտ հաստատուն պահել :

Տէր անձ՝ օգնեա՛ թագաւորացն քրիստոնէից , և իշխանացն բարեպաշտից , զօրաց և զաւակաց նոցին՝ պահելով ՚ի խաղաղութեան :

Տէր անձ մեր՝ պահեա՛ զմեզ անպարտապայիւք՝ ամբողջ և անխառով ՚ի կամս ողորմութեան քոյ :

Վշանաւ սուրբ և պատուական խաչիւքոց՝ հալածեա՛ ղերևելի և զաներևոյթ թշնամին ՚ի սահմանաց մերոց և ՚ի բնակութենէս մերմէ . փրկեա՛ զմեզ ՚ի հրոյն յաւիտենից , և արժանի արա երանաւէտ կենացն անխառնից , և քեզ փառք յաւիտեանս , ամէն :



Աղօթք որոյն ներսեսի լաթրոնացւոյ առ խաչելեանք
քրիստոս :

Ա. քեզ ակնարկեմ աղբիւր ջրոյ կեն-
դանւոյ , և աղաղակեմ՝ թէ ընդէն է ինձ
սրբութեան ծարաւել , երբ դու ես իմ սրբ-
բութիւն . կամ ընդէն փափաքեմ մաքրու-
թեան , մինչ դու ես իմ մաքրութի : Այսու-
հեաւ ուսեալ՝ եթէ դու ես իմաստութիւն
մեզ յայ տուեալ արդարութի և սրբութի ,
քեզ փափագեմ , քեզ առփամ . տուր իմ ծա-
րաւեալ ոգւոյս զքեզ զովացումն՝ աղբիւր
ջրոյ կենդանւոյ խաղացելոյ ՚ի կեանսդ յա-
ւիտենից :

Ճարաւիմ ըմպել ՚ի կրկին վտակաց կո-
ղիդ , որով և սրբեալ սիրով քո զմայլեմ ,
Քաղցնում ուտել զմարմինդ , որով կենդա-
նացեալ անմահ ես լինիմ : Փափագեմ ողջա-
գութել զխոցուած ձեռացդ , որով հասեալ
առ քեզ պսակիմ : Տափամ ակնարկել զդէմ-
սըդ , որոյ ապաստանն ՚ի վերաց իմոց բժշկիմ :
Աղովաղակի լուր ինձ տէր՝ զի նուազեաց
յինեն հոգի իմ :

Մուտեցաւ հոգի իմ ՚ի քո անձնսդ
սիրոյ : Տոչորեցոյ յառ քեզ առփանացդ՝ ով

վասն իմ խաչեալ: Թափաբացայ, յորժամ առ
 քեզ ակնարկեմ՝ ո՛վ վասն իմ աստակեալ:
 Եւ աղաղակեմ՝ ցոյց ինձ զդէմս քո, զի ձայն
 քո քաղցր է, և դէմք քո գեղեցիկ. երբ եկից
 երևեցայց քեզ:


Արդ լուր ինձ, և արբեցո՛ զիս վաղվա-
 ղակի քո գիտութեամբդ և սիրով, զի և յի-
 նէն՝ որ հաւատամ ՚ի քեզ, բղխեսցեն աղ-
 բիւրք ջրոց կենդանութեան:



ՄՆՍՆ

ԵՐԿՐՈՐԿ

Յորում առաջի դնին պէսպէս
բանք աղօթից՝ զօրաւորք ՚ի բը-
ժչկուծիւն հողեոր հիւանդու-
ծեանց՝ բաժանեալք ըստ եօթ-
նեակ աւուրց շաբաթուն , առ
մտադիւր ընթերցանութի իւրա-
քանչիւր հողեսիրաց :



Ի վերջոյ յաւելան խնդրուածք
հաշտեցուցիչք ւոյ՝ յաղօթամատոյց
գրոյ սրբոյն Վրիգորի նարեկաց-
ւոյ , և յայլոց երանելի Այարդա-
պետաց :



Երրորդութիւն սուրբ սրբեան զիս,
միաս զմարմինս և զհո զիս:

ԱՂՕԹԻՔ ԱՌԱԻՕՏԵԱՆ


Քառք քեզ աստուած արթուն բնու-
թիւն , որ ոչ երբէք ննջես պահապանդ իտ-
րայելի : Ար յանմահ պաշտօնէից քոց՝ իմա-
ցական ձայնիւ անդադար օրհնաբանիս : Ար
և զիս զհողեղէն ծառայս քո յանձնեցեր 'ի
պահպանութի նոցա . և կարգեցեր քնածու-
բնութեանս՝ զարթուն ծառայսդ 'ի խնամա-
կալութիւն : Սորս և շնորհեցեր թմբեցելոյս
ձայնատու և զարթուցիչ իբրև զգիշերային
խօսնակս , կանխել 'ի փառաբանութի անուան
քո սրբոյ , զի և 'ի հողեղինացս հաճեցար աւ-
նուլ զօրհնութիւն :

Կոհանամք զքէն անմատչելի լոյս սուրբ
երրորդութիւն , որ զիս ազատեցեր 'ի խաւա-
րագնաց դիւաց՝ 'ի թշնամեաց փրկութեանս
իմոյ . և ընդարթուն բնութի հրեշտակացդ՝
օրհնաբանակից քեզ արարեր : Սինչ ասց
քեզ արիտուր և փոխանակ բարերարութեդ
տէր իմ , կեանք իմ , լոյս իմ , և աղբիւր ան-
բարեաց , եթէ ոչ զկեանս իմ՝ զոր ետուր և
շնորհեցեր ինձ 'ի գիշերիս յայսմիկ , քեզ նուի
բեցից 'ի մշանջենաւոր և յանդադար փառա-

բանուծի . թէպէտ չեմ բաւական ըստ ար-
ժանեաց փառաց քոց օրհնել զքեզ :

Արդ՝ որպէս հրեշտակաց քոց տաս նոր
ի նորոյ զղանազան կերպ զքեզ օրհնելոյ՝ և
երեքսրբենիւ փառաբանելոյ , տնւր և ինձ օ-
ղաչեմ զքեզ՝ արթնուծիւն մտաց , նոր օրհ-
նուծք զնորոգիչդ կենաց իմոց բարեբանել :
Վառ տէր՝ և զառաւօտս խաղաղուծե մինչև
ցերեկոյ շնորհեա՛ ինձ առանց փորձանաց ան-
ցուցանել , որ խնդրեմն զարքայուծիւն քո՛ ի
սկզբան ամենայն խնդրուածաց իմոց :

Տէր երկնի և երկրի , և հրամայող ծովու
և ցամաքի , դու և զայլ բարիս բնուծեան՝
շնորհաց և փառաց ողորմուծք քով պարգե-
տա՛ ինձ , և արդար վաստակոց յաւուրս յայս-
միկ արժանի արա . որով և կարիք իմ և իմոցս
լցցին , և աղքատք ՚ի փշրանաց սեղանոյ մեծա-
ատնդ յագեսցին . և օրհնեսցեն զքեզ այժմ
և յաւիտեանս , ամէն :



ՀԱՆԳԱՆԱԿ ՀԱՒԱՏՈՅ

Հաւատամք ՚ի մի ւ՛ծ ՚ի հայր ամենա-
կալ , յարարիչն երկնի և երկրի , երևելեաց և
աներևուծից : Հաւատամք և ՚ի մի տէր յս
քս՝ յորդին սոյ , ծնեալն յսոյ հօրէ միածին ,
այսինքն յէուծէ հօր : Աստուած յսոյ , լոյս

ի լուսոյ , անձ ճշմարիտ յոց ճշմարտէ , ծնունդ՝
 և ոչ արարած : Այցն ինքն ՚ի բնութենէ հօր ,
 որով ամ ինչ եղև յերկինս և յերկրի՝ երևե-
 լիք և աներևոյթք :

Ար յազազս մեր մարդկան և վասն մերոց
 փրկութե իջեալ յերկնից՝ մարմնացաւ , մար-
 դացաւ , ծնաւ կաթարելապէս ՚ի մարիամոց
 սրբոց կուսէն՝ հոգւով սրբով : Արով էառ-
 զմարմին զհոգի և զվիաս և զամ որ ինչ է ՚ի
 մարդ՝ ճշմարտապէս և ոչ կարծեօք : Չարչար
 եալ , խաչեալ , թաղեալ , յերրորդ աւուր յա-
 բուցեալ , ելեալ յերկինս նովին մարմնով՝ նբս-
 տաւ ընդ աջմէ հօր : Աաւոց է նովին մարմնո-
 վն և փառօք հօր դասել զկենդանիս և զմեռ-
 եալս . որոց թաղաւորութեն ոչ գոց վախճան :

Հաւատամք և ՚ի սուրբ հոգին յանեղն և
 ՚ի կատարեալն . որ խօսեցաւ յօրէնս և ՚ի մար-
 դարէս և յաւետարանս : Ար էջն ՚ի յորդա-
 նան . քարոզեաց յառաքեալն , և բնակեցաւ
 ՚ի սուրբան :

Հաւատամք և ՚ի մի միացն ընդհանրական
 և առաքելական եկեղեցի :


Հաւատամք ՚ի մի մկրտութիւն , յասպաշ-
 խարութիւն՝ ՚ի քաւութի և ՚ի թողութի մեղաց :
 Ի յարութի մեռելոց . ՚ի դատաստանն յաւի-
 տենական՝ հոգւոց և մարմնոց , յարքայութին
 երկնից և ՚ի կեանսն յաւիտենականս :

Իսկ որք ասենն , էր երբեմն յորժամ ոչ
 էր որդի , կամ էր երբեմն յորժամ ոչ էր ար

հոգին • կամ թէ յոչեից եղեն , կամ յայլմէ
 էութենէ կամ ՚ի գոյութէ ասեն լինել զա-
 նեղ որդին այ , կամ զսուրբ հոգին • և թէ՛
 փոփոխելիք են կամ այլայլելիք • զայնպիսի ա-
 սացողսն նշովէ կաթողիկէ և առաքելական
 եկեղեցի :

Ի սրբոյ Լուսաւորչէն մերմէ ասացեալ

Իսկ մէք փառաւորեացուք որ յառաջ
 քան զյաւհատանս , երկիրպագանելով սրբոյ
 երրորդութեանն և մի աստուածութեանն հօր
 և որդւոյ և հոգւոյն սրբոյ , այժմ՝ և միշտ և
 յաւհատանս յաւհատենից , ամէն :



ՓԱՌԱԲԱՆՈՒԹԻՒՆ

Փառք ՚ի բարձունս այ , և յերկիր խա-
 զաղութի , ՚ի մարդիկ հաճութի : () րհնութի
 քեզ ՚ի բարձունս • օրհնեալ էս տէր ձմեր •
 օրհնեմք զքեզ , և գովեմք զքեզ : Խոստովա-
 նիմք տէր զքեզ , և երկիր պագանեմք քեզ •
 փառաւորեմք զքեզ • գոհանամք տէր զքեն
 վրան մեծի փառաց քոց :

Տէր թագաւոր սուրբդ երկնային՝ ձմ-
 և հայր ամենակալ : Տէր և որդի հօր միածին
 յս քս և սուրբ որդի : Տէր ձմ գառն այ և
 որդի հօր , որ պաւեր զմերս ՚ի կուսէն : Աղբը-

մեցար բարձեր զմեղս աշխարհի , և արդ ընկալ զաղաչանս մեր :

Սուրբդ որ նստիս ընդ աջմէ հօր՝ ողորմեաց մեզ : Օ ի դու միայն սուրբ , դու միայն բարձրեալ ես , դու միայն տէր մեր յս քսե Տէր և հոգիդ սուրբ , որ ՚ի փառս աստուած ընդ հօր , ամէն :

Եւ յամժամ օրհնեմք զքեզ , և գովեմք զանուն սուրբ քո յաւիտեան և յաւիտեանս յաւիտենից : Եւ ըստնի արա տէր զօրս զայս խաղաղութիւն , և առանց մեղաց պահեա՛ զմեզ : () օրհնեալ ես տէր անձ հարցն մերոց , գովեալ և փառաւորեալ է անուն սուրբ քո յաւիտեանս , ամէն :

() օրհնեալ տէր ուսն ինձ զարդարութիւնս քո • օրհնեալ տէր ուսն ինձ զարդարութիւնս քո • օրհնեալ տէր ուսն ինձ զարդարութիւնս քո :

Տէր ապաւեն եղեր մեր ազգէ յազգէ : Եւ աղաչեմ տէր ողորմեա՛ ինձ , և բժշկեա՛ զանձն իմ , ես մեղայ քեզ : Յոյց մեզ ար զողորմութիւնս քո , և զփրկութիւնս քո տուր մեզ :

Տէր ողորմութիւն քո յաւիտեան , զգործս ձեռաց քոց մի՛ անտես առներ : Տէր իմ զքեզ ապաւեն ինձ արարի , ուսն ինձ առնել ըզկամս քո , զի դու ես աստուած իմ :

Ի քէն է տէր աղբիւր կենդանութե՛ , և լուսով երեսաց քոց տեսանեմք զոյս : Օ աղեա՛ զողորմութիւնս քո՝ որք ճանաչեն զքեզ տէր :



ԱՂՕԹՒՔ ԱՌԱՒՕՏԵԱՆ
ԻՒՐԱՒԱՆՉԻՒՐ ԱՒՈՒՐ

Յամուն շօր և Որդւոյ և Հոգւոյն սրբոյ , ամէն :

Հայր մեր որ յերկինս • սուրբ եղիցի
անուն քո • եկեսցէ՛ արքայութիւն քո • եղիցին
կամք քո որպէս յերկինս և յերկրի • զՏաց
մեր հանապազորդ՝ սուր մեղ այսօր • թող
մեզ զպարտիս մեր՝ որպէս և մեք թողումք
մերոց պարտապանաց • և մի՛ տանիր զմեզ ՚ի
փորձութիւն • այլ փրկեա՛ զմեզ ՚ի շարէ • զե
քօ՛ ե արքայութիւն և զօրութիւն և փառք
յաւիտեանս յաւիտենից , ամէն :



Տէր՝ եթէ զչրթունս իմ՝ բանաս , բե-
բան իմ՝ երգեսցէ զօրհնութիւնս քո :

Տէր՝ եթէ զչրթունս իմ՝ բանաս , բե-
բան իմ՝ երգեսցէ զօրհնութիւնս քո :

() րհնեալ համազոյ և միասնական ան-
բաժանելի սուրբ Երրորդութիւնն՝ Հայր և
Որդի և Հոգի սուրբ • այժմ՝ և միշտ և յա-
ւիտեանս յաւիտենից , ամէն :

Տէր՝ զի բազում եղեն նեղիչք իմ, և բազումք յարեան ՚ի վերայ իմ:

Բազումք ասէին զանձնէ իմմէ, թէ չեք փրկու թիւն սորա առ աստուած իւր:

Բ. յու տէր օգնական իմ ես, փառք իմ և բարձրացուցիչ գլխոյ իմոյ:

Չայնիւ իմով ես առ տէր կարդացի, և լուաւ ինձ ՚ի լեռնէ սրբոյ իւրմէ:

Ես ննջեցի և ՚ի քուն եղէ, զարթեայ և տէր ընդունելի իմ է:

Այ երկեայց ես ՚ի բիւրաւոր զօրաց նոյ, ոյք շուրջանակի պատեալ պաշարեալ պահէին զիս:

Բ. ըի տէր և փրկեա՛ զիս անձ իմ, զի գուհարեր զամենեսեան ոյք էին ընդիս թշնամութեամբք ՚ի տարապարտուց, և զատամունս մեղաւորաց փշրեսցես:

Տեառնդ է փրկու թիւն, ՚ի վերայ ժողովողեան քոյ օրհնութիւն քո:

Տէր աստուած փրկու թե՛ իմոյ, ՚ի տուէ կարդացի և գիշերի առաջի քո:

Սացեն աղօթք իմ առաջի քո տէր, խոնարհեսցի ունկն քո ՚ի խնդրուածս իմ:

Օ՛ի լցաւ շարշարանօք անձն իմ, և կեանք իմ ՚ի դժոխս մերձեցան, և համարեցայ ես ընդ այնոսիկ որք իջանէն ՚ի գուր:

Եղէ ես որո՞յ մարդ առանց օգնականի, և ՚ի մեռեալս ազատ:

Անո՞ զվիրաւորս, որք ննջեն ՚ի գերեզմանս:

Օրս դու ոչ յիշեցեր, նորա 'ի ձեռա-
նէ քու մմէ մերժեցան :

Եդին զիս 'ի գբի ներքնումն, 'ի խաւարի
և 'ի ստուերս մահու :

Յիս հաստատեցաւ սրամտութիւն քո,
զամենայն զբօսանս քո ածեր 'ի վերայ իմ :

Հեռի արարեր յինէն զճանօթս իմ, և
էդին զիս նշաւակ իւրեանց :

Մասնեցայ և ոչ ելանէի, աչք իմ ախարացան
յաղքատութենէ :

Ըղաղակեցի առ աէր զօրհանապաղ, և
համբարձի առ քեզ զձեռս իմ :

Մի թէ մեռելոց առնիցէս զսքանչելիս
քո, կամ բժիշկք յարուցեալ խոստովան առ-
նիցին առ քեզ :

Մի թէ պատմեսցէ որ երբէք 'ի գերեզ-
մանի զողորմութիւնս քո, կամ զճշմարտութիս
քո 'ի կորստեան :

Մի թէ ճանաչիցին 'ի խաւարի սքանչելիք
քո, կամ արդարութի քո յերկիր մոռացեալ :

Ես առ քեզ աէր աղաղակեցի, առաւօ-
տու աղօթք իմ ժամանեսցեն առ քեզ :

Բնդէր աէր մերժես զանձն իմ, կամ
դարձուցանես զերեսս քո յինէն :

Տնանկ և վստատկաւոր եմ էս 'ի մանկուէ
իմմէ, 'ի բարձրութի խոնարհեցայ և ափշեցայ :

Յիս հաստատեցաւ բարկութի քո, ար-
հաւիրք քո խառվեցուցին զիս :

Ըրջեցան զինև որպէս ջուր, զօր ամ

պաշարեցին զևս ՚ի միասին :

Հետի արարեր յինէն զքարեկամս իմ և զճանօթս իմ՝ վասն թշուառութեան իմոց :

() Բհնեա՛ անձն իմ զտէր , և ամենայն սակերք իմ զանուն սուրբ նորա :

() Բհնեա՛ անձն իմ զտէր , և մի մոռանար զամենայն տուրս նորա :

Ո քաւէ զմեզս քո , բժշկէ զամենայն հիւանդութիւնս քո :

Ո փրկէ յապահանութենէ զկեանս քո , պսակէ զքեզ ողորմութեամբ և գթութեբ :

Ո ընու ՚ի բարութենէ զցանկութի քո , նորոգեսցի որպէս արծւոյ մանկութիւն քո :

Մանէ ողորմութիւնս տէր , և իրաւունս ամենայն զրկելոց :

Եցոց տէր զճանապարհս իւր մովսէսի , և որդւոցն իսրայէլի զկամս իւր :

Գթած ողորմած է տէր , երկայնամիտ և բազումողորմ :

Ո՛չ իսպառ բարկանայ մեզ տէր , և ո՛չ յաւիտեան պահէ ռես :

Ո՛չ ըստ մեզաց մերոց արար մեզ տէր , և ո՛չ ըստ անօրէնութե մերում հատոց մեզ :

Մ.ՍԼ որպէս բարձր են երկինք յերկրէ , այնպէս զօրացոց տէր զողորմութիւն իւր ՚ի վերայ երկիւղածաց իւրոց :

Որչափ հետի են արևելք յարևմտից , այնչափ հետի արար ՚ի մէնջ զանօրէնութիւն մեր :

Որպէս գթայ հայր ՚ի վերայ որդւոց իւ-

բոց, այնպէս գթացի տէր յերկիւղածս իւր:

Օ ի նա գիտաց զստեղծուածս մեր, և յիշեաց թէ հող եմք:

Մարդոյ որպէս խոտոյ են աւուրք իւր, որպէս ծաղիկ վայրի այնպէս ծաղիկ:

Շնչէ ՚ի նմա հողմ և ոչ է, և ոչ ևս երևի տեղի նորա:

Բայց ողորմութի տէառն մնայ յաւիտեանս յաւիտենից ՚ի վերայ երկիւղածաց իւրոց, և արդարութի նք յորդուոց մինչև յորդիս:

Այբ պահէն զուխտս նորա, յիշեն ըզպատուիրանս նորա և առնեն զնա:

Տք յերկինս պատրաստեաց զթոռ իւր, արքայութիւն նորա ամենեցուն տիրէ:

() Երհնեցէք զտէր ամենայն հրեշտակք նորա, հզօրք զօրութեամբ ցք առնէք զբան նորա՝ ՚ի լսել ձայնի պատգամաց նորա:

() Երհնեցէք զտէր ամ զօրութիք նորա, պաշտօնեայք և արարողք կամաց նորա:

() Երհնեցէք զտէր ամ գործք նորա, զի ընդ ամ տեղիս է տէրութիւն նորա, օրհնեա անձն իմ զտէր:

Տէր լուր աղօթից իմոց, սենկն գիր խըն գրուածաց իմոց ճշմարտութեամբ քով:

Սուր ինձ արդարութք քով, և մի մտանէր ՚ի դատաստան ընդ ծառայի քում, զի ոչ արդարանոյ առաջի քո ամենայն կենդանի:

Հալածեաց թշնամին զանձն իմ, խոնարհ արար յերկիր զկեանս իմ, և նստոյց զիս ՚ի խա-

ւարի որպէս մեռեալ յաւիտենից :

Չանձրացաւ յիս հոգի իմ , և սիրտ իմ
խռովեցաւ յիս :

Եւ իշեցի զաւուրսն զառաջինս , խորհեցայ
յիմ գործս քո . յարարածս ձեռաց քոց խոր
հեցայ , և համբարձի առ քեզ զձեռս իմ :

Բնձն իմ որպէս երկիր ծարաւի է առ
քեզ , վաղվաղակի լուր ինձ տէր զի նուազե-
ցաւ յինէն հոգի իմ :

Սի դարձուցաներ զերեսս քո յինէն ,
նմանիցիմ այնոցիկ ոյք իջանէն ՚ի դուբ :

Եւս լի արա ինձ առաւօտու զողորմու-
թիւնս քո , զի ես ՚ի քեզ տէր յուսացայ :

Յայց ինձ ճանապարհ յոր և գնացից , զի
առ քեզ տէր համբարձի զանձն իմ :

Փրկեա՛ զիս ՚ի թշնամեաց իմոց տէր , զի
զքեզ ապաւէն ինձ արարի :

Ուսն ինձ առնել զկամս քո , զի դու ես
աստուած իմ :

Հոգի քո բարի առաջնորդեսցէ ինձ ՚ի
յերկիր ուղիղ :

Ս ասն անուան քո տէր կեցուսցես զիս
արդարութեամբ քով , հանցես ՚ի նեղութենէ
զանձն իմ :

Ողորմութիւն քով սատակեսցես զթշնամիս
իմ , և կորուսցես զամենայն նեղիցս անձին
իմոց , զի ես ծառայ քո եմ :



ԿԻՐԱԿԻ ԱԻՈՒՐ

Յանունն շօր և Որդւոյ և շողւոյն սրբոյ , ամէն :

այր մեր որ յերկինս • սո՛ւրբ եղիցի
անունն քո • եկեացէ՛ արքայութիւնն քո • եղիցին
կամք քո որպէս յերկինս և յերկրի • զՏաց մեր
հանապազորդ՝ տո՛ւր մեզ այսօր • Թո՛ղ մեզ
զպարտիս մեր՝ որպէս և մեք Թողումք մերոց
պարտապանաց • և մի՛ տանիր զմեզ ՚ի փորձու-
թիւնն • այլ փրկեա՛ զմեզ ՚ի չարէ • զի քո է
արքայութիւնն և զօրութիւնն և փառք յաւիտեանս
յաւիտենից , ամէն :



ՍԱՀՄՈՍ ԱՊԱՀԽԱՐՈՒԹԵԱՆ

Տէ՛ր՝ մի՛ սրտմտութիւնք քով յանդիմաներ
զիս , և մի՛ բարկութեամբ քով խրատեր զիս :
Ողորմեա՛ ինձ տէ՛ր զի հիւանդ եմ ես ,
բժշկեա՛ զանձն իմ զի խռովեցան ոսկերք իմ :
Ի՛նձն իմ յոյժ խռովեցաւ , և դու տէ՛ր
մինչև յէ՛րբ :

Պարձ տէր և փրկեա՛ զանձն իմ, կեցն՛
զիս տէր ըստ ողորմութեան քում:

Օ ի սչ որ է որ ՚ի մահու յիշէ զքեզ,
կամ ՚ի դժոխս խոստովան առնիցի առ քեզ:


Սասակեցայ ես ՚ի հեծուծէ իմում,
լուացի զամենայն գիշեր զմահինն իմ, և ար-
ասուօք իմովք զանկողինս իմ թացի:

Խռովեցաւ ՚ի սրամտութենէ ակն իմ, և
մաշեցայ ես ՚ի վերայ ան թշնամեաց իմոց:

Ի բաց կացէք յինէն ամենեքեան, ոչք
գործէք զանօրէնութիւն:

Ի ուաւ տէր ձայնի լալոյ իմոց, լուաւ ան
աղօթից իմոց, և ան զանդրուածս իմ ընկալաւ:

Մահեացեն և խռովեացին յոյժ ամենայն
թշնամիք իմ, դարձցին յեաս և ամաշեցեն
յոյժ վաղվաղակի և խռովեացին:



Ը Ա Ր Ա Կ Ա Ն Ա Պ Ա Շ Խ Ա Ր Ո Ւ Թ Ե Ա Ն

Ըստուած բազումողորմ՝ խնայեա՛ յա-
րարածս քո հայր ամենակալ, և ողորմեա:

Մրեգակն արդարութեան՝ ծագեա՛ ՚ի հո-
գիս մեր զլոյս ճշմարտութեան, և ողորմեա:

Տո՛ւր մեզ տէ՛ր զխաղաղութիւն, և փրկեա՛ ՚ի
նեղաց մերոց հոգիդ ճշմարտուէ, և ողորմեա:

Ի նեղութեան իմում օգնեա՛ ինձ տէ՛ր,
որնք երբեմն յովնանու, և ողորմեա: Ի յան-

ցտնաց իմոց մարբեա՛ւ զիս տէ՛ր , որո՞ւ երբեմն
զմարսաւորն , և ողորմեա՛ւ : Ի նենգաւոր շր-
թանց փրկեա՛ւ զիս տէ՛ր , և յարենէ՛ ապրեցո՛ ,
և ողորմեա՛ւ :

Ստանգիմ՝ ՚ի բազմութե՛ մեղաց իմոց ,
ստտուա՛ծ խաղաղութե՛ օգնեա՛ ինձ : Բլէկո-
ծիմ՝ հոգմով անօրէնութեան իմոց , թագաւոր
խաղաղութեան օգնեա՛ ինձ : Ի խորս մեղաց
ծովու տարաբերեալ ծփիմ՝ , նաւապետ բարի
փրկեա՛ զիս :

Օրվ կենցաղոյս հանապազ զիս ալէկոծե՛ս :
Սրբկեալ ալիք թշնամին ինձ յարուցանե՛ս :
Նաւապետ բարի լէ՛ր անձին իմոց ապաւեն՛ս :

Սերձ եմ յընկղմիլ օգնեա՛ ինձ նաւա-
պետ բարի . քանզի ծանրացան ՚ի վերայ իմ
բեռինք մեղաց : Բստուա՛ծ յօգնել ինձ փու-
թա՛ , քանզի խորք շարեաց ընկղմեն զիս յան-
դունդս . այլ դո՛ւ նաւապետ՝ լէ՛ր և ինձ ձե-
ւնտու : Փրկեա՛ ՚ի վտանգէ՛ զնաւաբեկս ՚ի
յալեաց ծովուս , քանզի կորնչիմ ՚ի մեղաց
անօրէնութեան իմոց :

Բղաչեմ զքեզ տէ՛ր՝ սարգևեա՛ ինձ ա-
սպախարութե՛ լուանալ զմեղս իմ՝ և ողորմեա՛ս :
Օարտասուս իմ՝ և զհառաչանս սրաի իմոց՝
մարդասիրութե՛ քո ընկա՛լ տէ՛ր և ողորմեա՛ս :
Սերձեսցին խնդրուածք իմ առաջի քո ար .
բարեբարութեամբք քո խնայեա՛ յիս և ողոր-
մեա՛ս :

Աղօթք առ Հայրն Երկնաւոր, ՚ի բանից Երանելոյն Յովհաննա գառնեցւոյ:

Յաւիտենից անձ և արարիչ բոլորից, որ ամենակարող զօրութիւնք քով ՚ի սկզբանէ արարեր զԵրկինս և զԵրկիր, յայսմ աւուր գոյացուցեր զլոյս հրամանաւ քով, և որոշեցեր ըզլոյսն ՚ի խաւարէն: Ահա խաւարեալս ազգի ազգի անօրէնութիւնք, աղաչեմ զքեզ տէր իմ և անձ իմ՝ բարբար և բազումորում, ծագեալ առ իս զողորմութիւնք զլոյս քո, և մերժեալ յինէն զխաւարային խորհուրդս չարին, որով անկեալ կործանեցայ յանդուհուս կորստեան, և կամ ՚ի տարակուսի:

Ար յամենայնի կարօղես և հղօր, լոյս անստուեր, աղբիւր անսպառ բարեաց, կենդանուէ պարգևատու, ցոլացո՛ յիս զփայլումս սրբարար շնորհաց հոգւոյդ քո սրբոյ, և մարբեալ զսիրտ իմ և զհոգի ՚ի մթութիւնք մեղաց խնց և յամ աղտեղութիւնք, որով շլացեալ ոչ կարեմ հայիլ ՚ի լոյս անձային պատուիրանաց քոց, և գնալ ՚ի ճանապարհս արդարութեան:

Վմենահասցեաց ակն և աննիրհէլի պահապան նորոյս խրայելի, որ նստիս ՚ի քրօքես և հայիս յանդուհուս, նայեաց աչօք քօղցրութիւն յաղիկար ծառայս քո, որ խորասուղեալ յանդուհուս մեղաց՝ չունիմ կար և զօրութիւնք ելանել ինքնին, և չիք իմ ձեռնատու և օգնական տղաաւել զիս յանհնարին տարակուսո-

հացս . այլ դձև անտրդամեծար տէր՝ լէր ինձ
այցելու և պաշտպան , և զէրծն զիս 'ի խորոց
տատի շարեացս անբաւից աննահանջելի հրա-
մանաւ քով . զի չիք ինչ որ արգելուլ կարիցէ
զամենակարօղ զօրութիւն քո :

Մ զաչեմ զբեզ ողորմած՝ առաքեա՛ առ
իս զհոգի անութե՛ քո , որ շրջելով 'ի վերայ
ջուրց կենդանագործէր զարարածս քո , զի
ծննդաբեր արասցէ զամուլթի մտաց իմոց 'ի
հաճոյական բանից մողթանս յընդունելութի
կամաց բարձրելոյդ . զի ես ինձէն առանց նը-
ղաստից նորին զոր ինչ արժան է հայցել՝ ոչ
գիտեմ :

Տ ի նա որ քննէ զամ՝ և զխորս նայ , գիտե՛
տէ նաև զպէտս մեր և զկարիս առաւել քան
զոր խնդրեմք և իմանամք , և գթացեալ 'ի տկա-
րութիս մեր ուսուցանէ մեզ զնոսին հայցել
հաւատով , և գտանել առ 'ի քէն հանդերձ
թողութեամբ մեզաց մերոց :

Մ 'ի ընկենուր զիս յերեսաց քոց բարե-
բանեալ՝ որ ոչ կացի յուխտին իմում զոր ուխ-
տեցի քեզ յաւուրն փրկութե՛ , և ոչ զգու-
շացայ կալ 'ի ճանապարհս օրինաց քոց . այլ
իշխանին մոլորութե՛ անսացեալ խրատու՝ զա-
ռածեցայ յերկնագնաց պողոտայէդ 'ի փշայ-
եզց մացառս մեղաց և մահու . այլ դու խնա-
մակալ՝ որ ոչ ձանձրանաս 'ի բարեբարելոյ , և
ոչ յագիս յողորմածուէ՛ , հոգւով պետութե՛
քո հաստատեա՛ զիս 'ի պաշտօնիբանս քո ան-

դրդուելի՝ ուղղել վերստին զգնացս ոտից իմոց
առ տուխչդ կենաց :

Մըդ դու կարող և մարդասէր , որ յա-
ռաջ քան զլինելու թի՛ երկնի և երկրի պատ-
րաստեցեր զարքայու թի՛դ ՚ի ժառանգու թիւն
սրբոց քոց , սրբեա՛ և զիս յիմ՝ անօրէնու թի՛
խնէ , և արժանաւորեա՛ ընդ նոսին յարքայու-
թեան քում յերկինս գոհու թի՛ք փառաւորել
զամենազօր տէրու թի՛դ յաւխտեանս յաւիտե-
նից , ամէն :



Նորին երանելոյ Յովնանու դռնեցոյ *ղօթք առ
Հայրն երկնաւոր :


Տէր տէր Հայր՝ և աստուած անձ կենաց
իմոց՝ անկանիմ՝ առաջի քոց , և աղաչեմ՝ զքեզ՝
Հայեա՛ ՚ի տառապանս ծառայիս քոց , և խնայ-
եա՛ ՚ի մոլորեալ մեղօք անձն իմ : Վճշկեա՛ ըզ
բեկեալս , և կանգնեա՛ զգլորեալս : Վի՛ր սպե-
ղանի խոցեալ ոգւոյս , և պատեա՛ զվերս վերա-
ւորելոյս : Ա՛ երականգնեա՛ զիս , քանզի կոր-
եայ և կործանեցայ բազում անօրէնութիւնս .
և չարիք իմ բարձրացան քան զգլուխ իմ :
Տոռունք մեղաց պատեցան զինև եօթնպա-
տիկ , և սղալանք իմ պաշարեցին զիս , և ոչ գոյ
թիւ անզգամութի՛ իմոց : Վճեզ մեզայ փրկու-
թիւնդ յաւխտենից , ոչ ունիմ վստահութի՛

կոչել զանունն ահաւորիդ 'ի վերայ վերիս :
 Հարուն յիս փուշք մեղաց իմոց , և ամօթ երե-
 սաց իմոց ծածկեաց զիս :

Եւ արդ՝ տէր իմ տէր՝ առ ո՞տպաւի-
 նեցայց , և կամ զո՞տ արարից ինձ յոյս և ապա-
 ւէն փրկութեան : Բայց թէպէտ և բազում
 անգամ բարկացուցի զբարձրեալդ , սակայն
 առ քեզ կարդացից : Մի՞ մտանէր 'ի դատա-
 ւան ընդ ծառայիս քոյ տէր իմ , և մի՞ հատու-
 ցանէր ըստ գործոց իմոց ան իմ : Մի՞ սրամը-
 տութիւն և սպառնալէօք սաստեր ինձ տէր իմ ,
 և մի՞ բարկութեամբ ահաբեկեացես զեղկելիս
 աստուած իմ : Մի՞ մտանէր զմեղուցեալս 'ի
 մորմնքումն յաւիտենից կայծականցն տէր իմ ,
 և մի՞ յուղարկէր զողորմելիս յանողորմ տան-
 ջանսն աստուած իմ : Մի՞ առաքել զիս 'ի խա-
 ւարն արտաքին տէր իմ , և մի՞ արկանէր աշ-
 խարելիս 'ի գուբն ազականութեան անձ իմ :
 Մի՞ որոշեացես զիս յերամէ երանելեացն տէր
 իմ , և մի՞ զրկեացես զյանցաւորս 'ի հաղորդու-
 թենէ ընտրելոցն անձ իմ : Մի՞ զահագին ըզ-
 զձայնն ձայնեացես առ իս տէր իմ , և մի՞ ան-
 տես առնէր զտարակուսեալս 'ի յաւիտենից
 օրհնութեց աստուած իմ : Եւ ողորմութիւն
 քով յաւէտ ողորմեալ ինձ , և անհաս մարդա-
 սիրութեամբ քով գթալ յիս :

Եւ զաչեմ զքեզ տէր՝ սրբաբար զօրութիւն
 քո սրբեալ զիս զաղտեղեալս մեղօք , և աղա-
 տաբար իշխանութեամբ քով ազատեալ զիս 'ի

գառն վշտաց գեհենոյն : Տո՛ւր ինձ տեղի ՚ի
 լուսափայլ առաքաստին , և դասեա՛ զտարա-
 կուսեալս ՚ի դասս իմաստուն կուսանացն :
 Տո՛ւր տէ՛ր սղաչեմ՝ զքեզ՝ զխոստացեալ բա-
 րիան ընդ ամենայն ընտրեալսն . զի ընդ նոսին
 փառաւորեցից զամենասուրբ զերրորդութի՛դ
 զհայր և զորդի և զսուրբ հոգիդ , այժմ՝ և
 միշտ և յաւիտեանս յաւիտենից , ամէն :



ԵՐԿՈՒՇԱԲԱԹԻ ԱՒՈՒՐ

Յաման շօր և Որդւոյ և Հոգւոյն սրբոյ , ամին :

Հայր մեր որ յերկինս :



ՍԱՂՄՈՍ ԱՊԱՇԽԱՐՈՒԹԵԱՆ

Երանի ում թողութիւն եղև մեզոց ,
 և ծածկեցան ամենայն յանցանք նորա :

Երանի առն որում ոչ համարի ար զմեզ
 նորա , և ոչ գոյ նենգութի ՚ի բերան նորա :

Ղուեցի էս և մտչեցան ամենայն ոսկերբ

իմ, առ աղաղակել ինձ առ տէր զօրհանապաղ
 'ի առեւ և 'ի գիշերի :

Յանրացաւ ձեռն .քո 'ի վերայ իմ, դար-
 ձայ 'ի թշուառութի՛ զի հարան յիս փուշք :

Օ մեղս իմ ցուցից .բեզ, և զանօրէնու-
 թիւնս իմ ոչ ծածկեցից 'ի .քէն :

Բացի թէ պատմեցից ինձէն զմեղս իմ,
 և դու թողցես զամամբարշառիս մեղաց իմոց :

Սան այսորիկ յաղօթս կացցեն առ .քէզ
 ամենայն սուրբք 'ի ժամ ընդունելի :

Բայց միայն 'ի ջուրցն հեղեղաց բաղմաց,
 որք առ նոսա ինչ ոչ մերձեսցին :

Դու ես ապաւեն իմ 'ի նեղութի՛ յայս
 մանէ, որ շուրջ եղեն զինե :

Յընծութի՛ իմ փրկեա՛ զիս յայնցանէ,
 յք պաշարեցին զիս :

Իմաստուն արարից զքէզ և խելամուտ 'ի
 ճանապարհ յոր և գնացես, և հաստատեցից

'ի վերայ .քո զաչս իմ :

Ս'ի լինիք որպէս զձիս և զջորիս զի ոչ
 գոյ 'ի նոսա իմաստութի՛, 'ի սանձս և 'ի դան-
 դանաւանդս ճմլեսցես զկղակս նոցա, որք առ
 .քէզ ինչ ոչ մերձեսցին :

Բազում ամնջանք են մեղաւորաց, բայց
 յք յուսան 'ի տէր ողորմութի՛ տեառն շուրջ
 եղիցի զնորք :

Ուրախ եղերուք և ցնծացէ՛ք անդարբ,
 'ի տէր պարծեցարնւք ամենեքեան յք ուղիղ
 էք սրտիւք :

ՀԱՐԱԿԱՆ ԱԳԱՇԽԱՐՈՒԹԵԱՆ

Հայր բաղումորմ խոստովանիմ առ քեզ որպէս զանառակ որդին, թող ինձ ըզմեզս իմ և ողորմեա՛ն: Տէ՛ր որ գթացար ՚ի կինն քանանացի, գթա՛ և յիս ՚ի մեղաւորս և ողորմեա՛ն: Տէ՛ր որ դարձուցեր զմաքաւորն ՚ի գխողութիւն ճշմարտութեան, դարձո՛ և զիս զմոլորեալս և ողորմեա՛ն:

Ազաչեմ զքեզ Հայր երկնաւոր՝ մի՛ դարձուցաներ զերեսս քո յինէն, զի նեղեալ եմ ես վաղվաղակի լուր ինձ տէ՛ր: Ս՛ուրբեալ անձն իմ անօրէնութիւն՝ մի՛ կորուսաներ զիս տէ՛ր ըստ անօրէնութե իմոց՝ որ խնդրողք ես մոլորեալ ոչխարիս: Նախնայեալ մեղօք ընկզմի անձն իմ, ընկալ զիս որպէս երբեմն ըզպետրոս՝ որ ծփիմն ալեկոծեալ յանցանօք:

Սէղաք մինչև յերկինս, և զարդար զցատումն քո շարժեցօք ՚ի մեզ. տէ՛ր ըստ մեծի բուժողորմութեդ ողորմեա՛ մեզ: Իջաք մինչ ՚ի դժոխս՝ ընկզմեալք յանօրէնութե մերում, տէ՛ր յիշեա՛ զգինս արեան որդւոց քո և ողորմեա՛ն: Հալածեա՛ ՚ի մէնջ տէ՛ր նշանաւ խաչք քո զընդդիմամարտ և զաներկացթ գազանն, և մի՛ տար յապականութի զքո ժառանգութիս:

Նոյս իմ ես դու տէ՛ր քաւիչ յանցանաց իմոց, մի՛ անտես առներ զբողոսումն արտասուաց իմոց. ողորմեա՛ ինձ անձ: Առ քեզ ապաւինեցայ որպէս զանառակ որդին, Հայր մեղայ

յերկինս և առաջի քո • ողորմեա՛ ինձ անձ անձ • Փրկեա՛ զիս անձ • ՚ի բազում մեղաց իմոց , արա՛ տրտանի քոյին սուրբ արքայու-թեանդ • ողորմեա՛ ինձ աստուած :

() Կուլ մեղաց իմոց զիս ալէկոծէ • որ էս նաւապետ բարի՛ շնորհեա՛ ինձ նաւահանգիստ , հայր ամենակալ : Կորբ պատրանաց զիս կորուսանեն • այլ դու նաւապետ բարի՛ շնորհեա՛ ինձ նաւահանգիստ , հայր ամենակալ : Ար միայն իշխանդ էս թողուլ զմեղս • և էս աղաչեմ՝ զքեզ տէ՛ր՝ թող ինձ զմեղս իմ , հայր ամենակալ :

Ս իրաւորեալ յանցանօք անձն իմ առքեզ տէ՛ր համբարձի զայս իմ • թող ինձ ըզմեղս իմ միայն բարեգու-թ , և ողորմեա՛ ինձ անձ անձ ըստ մեծի ողորմու-թե քում : Կործանեաց զիս չարագործ- թշնամին , և կամի իսպառ զիս որսալ • հայր բարեգու-թ բժշկեա՛ զվիրաւորեալս , և ողորմեա՛ ինձ անձ անձ ըստ մեծի ողորմու-թե քում : Մեղունդք մեղաց պաշարեցին զիս , զի բազում են քան զաւազ ծովու • առքեզ տէ՛ր պաղատիմ՝ փրկեա՛ ՚ի վտանգէս , և ողորմեա՛ ինձ անձ անձ ըստ մեծի ողորմու-թե քում :

Ս արքաւորն հառաչանօք ՚ի տաճարին է- առ զքաւու-թի , նովին ձայնիւն և էս գոչեմ , ողորմեա՛ ինձ անձ անձ : Մաղակն աղաղակէր ՚ի խաչին՝ յիշեա՛ զիս տէ՛ր • նովին ձայնիւն և էս գոչեմ , ողորմեա՛ ինձ անձ անձ : Մառակ որդին աղէրսանօք աղաչէր զքեզ՝ հայր մեղայ յեր-

կինս և առաջի քո . նովին ձայնիւն և ես գո-
չեմ, ողորմեա՛ ինձ աստուած :

Մնկանիմ առաջի քո և խնդրեմ զթո-
ղութիւն յանցանաց իմոց . մի՛ անտես առներ
հայր զաղաչանս իմ : **Մ**ղաղակեմ որպէս մաք-
սաւորն , և հեղում զարտասոււս իմ՝ առաջի քո
որպէս պոռնիկն . մի՛ անտես առներ հայր զա-
ղաչանս իմ : **Յ**աներևոյթ թշնամւոյն պարտե-
ցայ , և ՚ի գաղանի նետից բանսարկուին վիրա-
ւորեցայ . մի՛ անտես առներ հայր զաղաչանս իմ :

Մեղուցեալ անձամբ կարգամ՝ առ քեզ
հայր երկնաւոր , օգնեա՛ ինձ ՚ի նեղութեւս . որ
մեղօքս եմ մեռեալ օգնեա՛ ինձ : **Մ**իրաւորե-
ցայ ես յաներևոյթ թշնամւոյն , բըժիշկ հի-
ւանդաց բժշկեա՛ զիմ՝ զհիւանդութիւնս . որ
մեղօքս եմ մեռեալ օգնեա՛ ինձ : **Մ**ողորեցայ
ես որպէս զոչխար կորուսեալ , խնդրօ՞ղ գերե-
լոց խնդրեա՛ զիս զմողորեալս . որ մեղօքս եմ
մեռեալ օգնեա՛ ինձ :

Աշօֆէք առ երրորդութիւնն , ՚ի բանից երանելոյն Յով-
հաննու գառնեցւոյ :

Բարերար և ամենակալ՝ յոյս ապաւինի
իմ՝ տարակուսելոց տէր իմ և անձ իմ , արարիչ
էից յանէից և նախախնամօղ բողբոց . որ
յայսմ՝ աւուր հրամանաւ քով բաժանեցեր

զբաղմունքի ջուրց , զբաղցունսն ամբարձեր
 ՚ի վեր յամսյս տեղալ ՚ի վերայ երկրի , ՚ի բըղ-
 խել զաղբիւրս և խաղացուցանել զգետս , և
 զաղաաղաինս թողեր յերկիր ստորին անաս-
 ման խնաստութիւն . և արկեր անջրպետ ՚ի մէջ
 նոցա լոյծ և հոսանուտ զհաստատութիւն օդոյ ,
 զի փոխադարձ տուրևաութիւն ջուրց մշանջե-
 նապէս հաղորդիլ կարասցեն ընդ միմեանս վե-
 րինքն և ստորինք յօգուտ համօրէն տիեզե-
 րաց , և ՚ի պէտս ազգի մարդկան՝ զոր հան-
 դերձեալ էիր արարչագործել ՚ի վայելումն ե-
 րանաւէտ փառաց աստուածութեանդ քո :

Արդ՝ ես որ կամ իբրև զջուր ստորին
 աղտեղեալ ՚ի ճահիճս զանազան մեղաց գար-
 շութիւն , և ապականեալ բաղմօրինակ անօրէ-
 նութիւն , առ քեզ պաղատիմ արարիչ իմ և
 յոյս , բարեգութ կամօքդ վերառեալ զմիտս
 իմ ՚ի ստորէ՝ մաքրագործեա՛ որպէս զջուրսն
 ամպոց յիմ աղտեղութեց քոյովդ սրբութիւն .
 և զդառնութիւն նեխութե իմոց ՚ի բաց արա-
 յինէն քոյովդ քաղցրութեամբ , լինել հաճոց
 անութե քո կամաց՝ ՚ի գովեստ փառաց ան-
 բաւ շնորհաց քոց :

Սի հայիր ՚ի բաղմունքի անօրէնութեան
 իմոց որ անարժան եմ գթոյ , և մի՛ գարշիր յի-
 նէն վասն զաղբութե յանցանաց իմոց յորում
 կամ շաղախեալ . այլ մատիր առ իս անձառելի
 գթութեամբդ , և ողորմեա՛ ինձ ըստ բաղում
 ողորմութե քում , զի քաղցր ես առ ամենե-

սին որք կարդան առ քեզ, և ապաւինին ՚ի քո մարդասիրութիւնդ :

Պօւ տէր՝ զանձրև գթութեան կամաց քոց՝ և զառատազէզ ողորմութեան քո զցօղ անձրևեան ՚ի սիրտ իմ, որ ՚ի սաստիկ ցանկուէ չարեաց և ՚ի տապոյ անօրէնութեւ Երաշտացեալ՝ չունի ինչ բերս պաղոց բարութեան . և ուռգեալ պարարացո՞ շնորհօք մարդասիրութեան քո՝ բերել զարդիւնս անեղծանելիս ՚ի պաշար մշանջենաւոր և անեղբական կենաց :

Սուր ինձ բարերար , բաւեան անյիշաչար , և արան զժողոջս քո արժանի վերին օթե վանացդ ընդ սիրելիս անուան քո սրբոյ , և ընդ կամարարս հաճոյից անօթեանդ քո որ յերկինս և որ յերկրի . զի ընդ նոսին փառաւոր բեցից անլուելի օրհնաբանութեամբ զհայր և զորդի և զսուրբ հոգիդ . սցժմ՝ և միշտ և յաւիտեանս յաւիտենից , ամէն :



Նորին երանելոյ Յովհաննու դասնեցոյ աղօթք առ Հայրն երկնաւոր :

Մարիչ բոլորից անձ՝ գթան ՚ի վշտացեալս . ողորմեան անկելոյս առաջի քո . պատեան զվերս իմ . բժշկեան զհիւանդուիս իմ . սրբեան զաղաւթութիս իմ . նորոգեան զհնացեալս . լուսաւորեան զխաւարեալս : Միւսնագնութ և ողոր

մած , քաղցր և բարերար , մարդասէր և ամե-
նախնամ , երկայնամիտ և անյիշաչար՝ գիտեմ
ամենեւին զի ամօթալից եմ , և չիք համար մե-
ղացս որ շուրջ պատեցան զինև , զձմ զգայուին
վարակելով ՚ի հոգս և ՚ի ծուփս՝ ՚ի զբաղանս և
՚ի դատարկութիս՝ և յամ աղգի աղգի փնասս :

Մ. Եւ ապաւինիմ ՚ի քո անձառ գթութիդ
և աղերսեմ , և ողբերգական ձայնիւ գոչեմ , և
խնդրեմ զողորմութի և զանյիշաչարութի ՚ի
բարերարէդ . սիլ անբաւութի խորոց կամաց
անհասիդ՝ ներեան և մարդասիրեան , և սահման-
եան ապաշխարութե տեղի : Աղորմեան մարդա-
սէր՝ կուրացեալ հոգւոյս , և շնորհեան ինձ ՚ի
վեր հայիլ թախանձագին :

Քաղցր ախաբ հայեցիս սողորմած ,
քանզի ՚ի զանազան և ՚ի բազմօրինակ մեղաց
անկեալ և լուծեալ կամ , և ակնարկեմ գող-
մամբ սրտիս , սչ ունելով զոք կարեկից : Ղար-
տար և քաղցր բժիշկ՝ հրամայեան հաստատիլ
անդամոց իմոց , զի անբաւ է գթութի անսպ-
ին սիրոյդ : Աղորմեան սողորմութեց տղբիւր ,
և ներեան երկայնամիտ . սրբեան զվերս և զհար-
ուածս խոցելոյս՝ որ սրբութիդ ես գերակա-
տար . շնջեան զժանցանս իմ և զսղաւանս՝ որ
ամենախարօղգ ես . առողջացն զբաղմամեղ հի-
ւանդութի հոգւոյս՝ որ իշխանդ ես կենաց և
մահու : Ար ՚ի բարձրութիս երկնից նստիս ,
կանգնեան զիս ՚ի գլորմանէ մեղաց , որով գայ-
թակղեցայ ընդ սնտաի կենցաղս :

Ըրտասոււազոչ ողբերգութիւնք և կորացեալ պարանոցաւ հեղում առաջի անոխակալ բարբերարիդ զթշուառացեալ մարմինս , որով ոչ զանգիտեցի ՚ի հրամանաց քոց՝ և ՚ի մեղս թաւալեցայ : Ըղաչեմ՝ տրան առ իս ըստ ողորմութեանդ՝ ՚ի նեղել սրտիս և ՚ի հեղձամղձուկ լինիլ մտացս , զի ոչ կարեմ ժուժել վշտացս : Խնդրեմ՝ պաղատիմ՝ հայցեմ՝ առաջի անկանիմ՝ աղերսեմ՝ զուղանիմ , թող տէր . գթան տէր . խնդրեան տէր . ներեան տէր . քաւեան տէր . փրկեան տէր . օգնեան տէր . պահեան տէր . ամբացն տէր : Կարողացն աղաչեմ . զօրացն յոյս իմ . ապրեցն անձ իմ . արժանացն տէր իմ . զերծն ՚ի պատժոց դատաւոր իմ . հաստատեան տէր յերկիւղ քո և ՚ի սէր , և առաջնորդեան ինձ ՚ի պատուիրանս քո :

Տարակուսեցայ ՚ի ցնորմանց . գայթակղեցայ ՚ի սնտախ . մոլորեցայ ՚ի ճանապարհէ . խոտորեցայ ՚ի սուրբ շաւղաց , անկայ շարաչար և գլորեցայ : Ըյժմ հաւատով և յուսով առ արարիչդ ապաւինեցայ , ողորմեան տէր , յարն մարդասիրութեամբդ քով և կոչեան առ քեզ : Ըլ քեզ փառք ընդ որդւոյ և ընդ սբ հոգւոյդ , այժմ և միշտ և յաւիտեանս , ամէն :



ԵՐԵՔՇԱԲԱԹԻ ԱՒՈՒՐ

Յանուն շոր և Որդւոյ և Հոգւոյն սրբոյ , ամեն :

Հայր մեր որ յերկինս :



ՍԱՂՄՈՍ ԱՊԵՇԽԵՐՈՒԹԵԱՆ

Տէր մի՛ սրամտութեամբք քով յանդինս ներ զիս , և մի՛ բարկութբք քով խրատեր զիս :

Օ՛հ նեաք քո հարան յիս , և յիս հաստատեցաւ ձեռն քո :

Ա՛չ գոյ բժշկութիւն մարմնոյ իմոյ , յերեսաց բարկութեան քո :

Ա՛չ է խաղաղութի՛ր ոսկերաց իմոյ , յերեսաց մեղաց իմոյ :

Ի՛նօրէնութիւնք իմ բարձրացան քան զգլուխ իմ , որպէս բեռն ծանր ծանրացան ՚ի վերայ իմ :

Մեխեցան և փտեցան վերք իմ , յերեսաց անզգամութեան իմոյ :

Տառապեցայ և խոնարհ եղէ մինչև յոյժ . զօրհանապաղ արտում գնայի , զի անձն իմ

վի եղև չարչարանօք , և ոչ գոյ բժշկութիւն մարմնոյ իմոյ :

Չարչարեցայ և խոնարհ եղէ մինչև յոյժ , մանչէի առ հեծութեան սրտի իմոյ :

Տէր առաջն քո է ամ ցանկութիւն իմ , և հեծութիւն իմ ՚ի քէն ոչ ծածկեցաւ :

Արտ իմ խառվեցաւ յիս և եթող զիս զօրութի իմ , լոյս աչաց իմոյ և այս ոչ եղև ընդ իս :

Քարեկտք իմ և մերձաւորք իմ առաջի իմ մերձեցան և կացին , և մերձաւորք իմ հեռի եղեն յինէն :

Քանադատէին զիս և խնդրէին զանձն իմ ոչք խորհէին չար ՚ի վերայ իմ , խորհեցան զանօրէնութիւն և զնենդութիւն՝ զօրհանապաղ խորհեցան :

Եւ յլես որպէս խուլ զի ոչ լսէ , որպէս համբ որ ոչ բանայ զբերան իւր :

Եղէ ես որպէս մարդ որ ոչ լսէ , և ոչ գոն խօսք ՚ի բերան նորա :

Ես ՚ի քեզ աէր յուսացայ , և դու լուիցես ինձ աէր աստուած իմ :

Եսացի թէ մի՛ ուրախ եղեցին յիս թշնա միք իմ , ՚ի սասանիլ ռաից իմոյ ՚ի վերայ իմ մեծամեծս խօսեցան :

Ես ՚ի տանջանս պատրաստ եմ , և ցաւք իմ առաջի իմ են յամենայն ժամ :

Օնօրէնութիւնս իմ պատմեցից , և հոգացայց վասն մեղաց իմոյ :

Իսկ արդ թշնամիք իմ կենդանի են և

զօրացեալք էն քան զիս , և բաղումք էին ոյք
սակին զիս 'ի տարապարտուց :

Այք հատուցին ինձ չար փոխանակ ընդ
բարւոյ , չարախօսէին զինէն զի ես՝ երթայի
զհետ արդարութեան :

Այի թողուր զիս տէր անձ իմ , և մի՛ 'ի
բացեայ առնիր յինէն , հայեաց յօգնել ինձ
տէր փրկութեան իմոյ :

ՀԱՐԱԿԱՆ ԱՊԵՇԽԱՐՈՒԹԵԱՆ

() զջման իմոյ զարտասուս արկանեմ տ-
առաջի քո քրիստոս , թող ինձ զմեզս իմ
որպէս երբեմն զպոռնկին , որ միայնդ ես բազ-
մագուծ : Ընկանիմ առաջի քո քրիստոս , որ
հովիւդ ես բանաւոր հօտի , խնդրեա՛ և զիս
զմոլորեալս , որ միայնդ ես բազմագուծ :

Օ մեզս իմ ցուցից քեզ քրիստոս , որ բժիշ-
կըդ ես հոգւոց և ան կենաց , բժշկեա՛ և զիմ
զհիւանդութիս , որ միայնդ ես բազմագուծ :

Դարձո՛ զցասումն քո 'ի մէնջ յաղաղա-
կել հողեղինացս , բազմագուծ տէր խնայեա՛
և մի՛ կորուսաներ : Անդնեա՛ զանկեալս 'ի
գլորմանէ զմիտաւորեալս 'ի թշնամւոյն , որ
բժիշկդ ես հիւանդաց բժշկեա՛ զիմ զհիւան-
դութիս : Ի յանցանաց իմոց թախծեալ անձն
իմ գոչեմ որպէս զմաքսաւորն , աստուանձ-

քաւեալ զիս զմեզաւորս :

Սեղայ տէր բազումողորմ անձ , մեղայ , ողորմեալ : Սեղայ տէր և տնկանիմ առաջի քո , մեղայ , ողորմեալ : Սեղայ տէր խոստովանիմ զյանցանս իմ , մեղայ , ողորմեալ :

Ողորմեալ ինձ անձ իմ , ողորմեալ ինձ , զի անպատասխանի եմ յամի՝ Թող ինձ տէր , Ղանապարհք քո ուղիղ են , ես միայն մոլորեցայ , դարձն զիս և ողորմեալ ինձ աստուած : Վատաստանք քո արդար են , ես միայն եմ մեղուցեալ , քաւեալ զիս , և ողորմեալ ինձ անձ :

Վազում են քո գթութիւնք բազմամեղ անձին իմոյ , ողորմեալ անձ քաւիչ իմ : Օհ քեզ անյիշաչար տէր մեղոյ չարին խաբամբ , ողորմեալ անձ քաւիչ իմ : Եւ քո ՚ի միւսանգամ գալատեանն յորժամ գաս դատել զերկիր , ողորմեալ աստուած քաւիչ իմ :

Տէր զուր քո միւսանգամ գալատեանդ լուսայ և երկեսայ . զի ուսայ ՚ի սրբոց պատուիրանացն եթէ գաս դու ՚ի դատել զերկիր : Տէր յիշեցի զչար զգործս իմ և զարհուրեցայ . զի ծանեայ ճշմարտութիւն զահաւոր և զանաչառ զքո դատաստանդ : Տէր յիշեցի և զգութ արարչական սիրոյ քո առ քո արարածս . և ՚ի քո գթութիւնք սպաւինեալ աղաչեմ , ողորմեալ ինձ յաւուր յայնմիկ քրիստոս արդար դատաւոր :

Սերձեալ է օր գալոյ քո տէր , լուր ձայնի աղօթից իմոց որ կարդամս առ քեզ ,

և ողորմեա : Բանից իմոց սլենկն գիր ակր , և
 ՚ի միտ առ զաղաչանս իմ զառաւօտուս որ կար
 դամս առ քեզ , և ողորմեա : Ար ընկղմեալս եմ
 ՚ի խորս չարեաց , սուրբ զհոգիդ քո առաքեա
 առ իս որ կարդամս առ քեզ , և ողորմեա :



Ազօթք առ Հայրն երկնաւոր , ՚ի բանից երանելոյն Յով
 հաննու դառնելոց :

Մարաշագործ ան և ամենախնամ , որ
 յոյսմ աւուր գթուածք կամոց քոց ժողովե
 ցեր զճուրս որ ՚ի վերայ երկրի՝ ՚ի խորս ծո
 վու , և զատուցեր զցամաքն ՚ի ջուրց , և զար
 դարեցեր զայն զանազան բանջարօք և ծաղկա
 գեղ վայելչուածք , և ազգի ազգի պաղաքեթ
 ծառովք : Իսկ արդ երկիրս անձնաւոր՝ փո
 խանակ բարեբոյս սերմանց առաքինագործ ար
 դասեաց՝ բուսուցի փուշս մեղաց խոցոտիչս
 հոգւոյ իմոյ , և փոխանակ բերոցն քաղցրուէ՝
 պտուղս անօրէնուածէ դառինս և մահաբերս
 ինձ գոյացուցի :

Բալ դու անոխակալ տր՝ հայեաց քաղց
 բուլք առ իս յարարածս քո , և մի անտես առներ
 զգործս ձեռաց քոց . խլեալ յինէն զփուշս չար
 եաց և զարգասիս անօրէնուածէ զոր էս ինձէն
 պաղաքեթեցի . և սերմանեալ վերստին ՚ի միտս
 և ՚ի կամս իմ զբարին , և զօգտակարն հոգւոյ


խմց , յօժարիլ և ընտրել զայն , և առնել կամակար սիրով :

Մնօրէնութիւն իմ բարձրացան . քան ըզգլուխ իմ , և աղմաշաղախ ջուրք մեղաց ծածկեցին զանձն իմ . և ահա առ քեզ առ բարեգուծ տէրդ իմ պաշտօնիմ , երևեցն զիս իբրև երկիր ցամաք , և նորոգեա՛ զսիրտ իմ բերել պտուղս բարիս զկանուխն և զանագան ըստ հաճոյից . քոց մարդասէր :

Արկիրս բանաւոր՝ զոր զարդարեցեր բընաբոյս առաքինութիւն , ցամաքեցայ ՚ի հրատապ հրատուրանաց իշխանին օգոյս այսորիկ որպէս դաւարի ՚ի սաստիկ տօթոյ , և թօթափեցան ծաղիկք հոգւոյս . դօսացան ոսաք առաքինութեան , և խամրացան բողբոջք բարեաց : Ալ ահա կորացեալ անձամբ առ քեզ աղաղակեմ պարզ և իչդ կենաց , ցօղեա՛ յիս զցօղ խնամոց մարդասիրութե՛ք . քո , զի չորացաւ որպէս խեցի զօրութի իմ , և որպէս խոտ տանեաց ցամաքեցայ . և նորոգեա՛ զիս նորոգութեամբ շնորհաց քոց ըստ առաջնումն պայծառութեան :

Արարեր զիս այգի վայելուչ ցանկով օրինաց պատասպարեալ՝ առ ՚ի բերել ողկոյղս քաղցրութեան ՚ի հաճոյս անկագործողիդ իմց անց . իսկ ես սպասամբ կամօք արհամարհեալ զօրէնս քո , խոսպանացայ չարաչար գնացիւք , և պտղաբերեցի խաղող դառնութե՛ք բազմօրինակ անօրէնութե՛ք : Ալ արդ մարդասէր խնայեա՛ յիս գթութիւն , և դարման տար այգւոյս

այսմիկ զոր անկեաց աջ քո , ամբացն զիս վե-
րստին օրինօքդ կենաց , և ՚ի բաց արա յինէն
զբաղձանս չարեաց որք ստեղնին ՚ի կամս իմ :
Արպէս զի վաստակեալ յարդիւնս առաքինու-
թեան՝ արժանի եղէց ընդունիլ զօրհնութի
առ ՚ի քէն և վայելել յանձառ թարխադ ընդ
սուրբս քո յերկինս , և գոհութեամբ փառա-
ւորել զամենազօր տէրութի քո , յաւիտեանս
յաւիտենից , ամէն :



Նորին երանելոյ Յովհաննու դասնեցոյ աղօթք առ
Որդին միածին :

Մենակալ տր՝ արարիչ և ստեղծիչ հա-
մայնից՝ երևելեաց և աներևութից , և իշխան
մահու և կենաց . որ խոստացար արդարոց ըզ-
հանգիստն յաւիտենական , և մեղաւորաց զպա-
տիժն մշտնջենաւոր . և ես կամակցութե չա-
րին մոռացայ զբարի խոստումն պարգևի քո ,
և հետևեցայ զհետ կորստեան շաւղաց նորա .
մինչ կարօղէի գործելոյ զբարին , անփոյթ
արարի : Ալ յորժամ յանկարծակի եկեսցէ
հրաւիրակ՝ յանջատել զհոգիս ՚ի մարմնոյս , և
գտանիցէ զիս ՚ի մէջ անօրէն և եղեռնական
գործոց , յորժամ ոչ ունիմ հնար զերծանե-
լոյ , և զբարիս գործելոյ , և առ այս եղկելիս
ոչ գիտեմ զինչ արարից :

Արհնչիմ 'ի մահուանէ՝ զի դառն է . ստա-
կամ 'ի հրեշտակաց՝ զի անողորմ են . սարսիմ
'ի դատաւորէն՝ զի անաչառ է . դողամ 'ի գե-
հէնէն՝ զի անշէջ է . սարսափիմ 'ի տարտարո-
սէն՝ զի ցրտագին է . ահաբեկիմ 'ի խաւարէն՝
զի ոչ ունի զճաճանչ լուսոյ . զարհուրիմ 'ի
յորդանցն՝ զի անբուն են :

Այլ է ինձ՝ որ զտաճարս քո ապակա-
նեցի , և զհոգի քո սուրբ արամեցուցի . և
ահա վասն աւ ժամայն մեղացս վայելման՝ ան-
մահ չարչարիմ . վասն հեշտութե՛ մարմնոյս՝ 'ի
հուրն անշէջ այրիմ . արդար դատաստանքն
քո ուսուցանելին զիս , և ես ոչ հնազանդելի :
Արդասէր տէր՝ զգինս սուրբ արեան քո մի՛
անտես առներ . վասն բարեխօսութե՛ սուրբ
աստուածածնի ծնողի քոյ՝ և ամ ընտրելոց
քոց թող ինձ զյանցանս իմ : Աւ քեզ վայելէ
փառք ի շխանութի և սրտիւ , այժմ և միշտ և
յաւիտեանս , ամէն :





ՉՈՐԵՔԱՅԻՆ ԱՒՈՒՐ

Յանուն Հօր և Արդար և Հոգւոյն սրբոյ, ամեն :

Հայր մեր որ յերկինս :



ՍԱՀՄՈՍ ԱՊԱՀԽԱՐՈՒԹԵԱՆ

|| Հորմեա՛ ինձ անձ ըստ մեծի սղորմու-
թեան քում, ըստ բազում գթութեան քում
քաւեա՛ զանօրէնութիւնս իմ :

Մաւել լուա՛ զիս յանօրէնութենէ իմ-
մէ, և ՚ի մեղաց իմոց սուրբ արա զիս :

Սանօրէնութիւն իմ ես ինձէն գիտեմ,
և մեղք իմ առաջի իմ են յամենայն ժամ :

Վեզ միայն մեղաց տէ՛ր, և չար առաջի
քո արարի :

Արդէս արդար եղիցիս ՚ի բանս քո, և
յաղթօղ ՚ի դատել գաս :

Մնօրէնութիւն յղացաւ, և ՚ի մեղս ծնաւ
զիս մայր իմ :

Վաւ տէ՛ր զճմարտութի՛ սիրեցեր, զան-

յայտու և զճամձկեալս խմաստու-թեամբք քով
յայտանեցեր ինձ :

Յօղեա՛ յիս մշտկաւ և սուրբ եղէց ,
լուա՛ և քան զձիւն սօրիտակ եղէց :

Եւ սեղի՛ արա ինձ զցնձ ու-թիւն և զուրա-
խուի՛ , և ցնձ-ասցեն՝ ոսկերք իմ՝ առապեալք :

Կարձն՝ զերեսս քո ՚ի մեղաց իմոց և զնձ՝
անօրէնութիւնս իմ՝ քաւեա՛ յինէն :

Աիրա սուրբ հաստատեա՛ յիս անձ , և
հոգի ուղիղ նորոգեա՛ ՚ի փորի իմում :

Մի՛ ընկենուր զիս աէ՛ր յերեսաց քոց ,
և զհոգի քո սուրբ մի՛ հաներ յինէն :

Տուր ինձ ցնձ-ութի՛ փրկութեան քո , և
հոգւով պետութեան քո հաստատեա՛ զիս :

Ասո՛ անօրինիս զճանտղարհս քո , և ամ-
բարիչսս աւ քեզ դարձայց :

Փրկեա՛ զիս յարենէ անձ-անձ փրկութե-
անց , ցնձ-ասցէ լեզու իմ՝ յարդարուէ՛ քում :

Տէ՛ր եթէ զըթուենս իմ՝ բանաս , բերան
իմ՝ երգեսցէ զօրհնութիւնս քո :

Թէ՛ կամեցեալ էիր պատարագս մատուցա-
նէսք , բայց դու Է՛ ողջակէզս իսկ ոչ հաճեցար :

Պատարագ այ՛ հոգի խոնարհ , զսիրտ սբ
և զհոգի խոնարհ անձ ոչ արհամարհէ :

Ի՛արի՛ արա աէ՛ր կամօք քովք սիօնի՛ , և
շինեսցին պարիսպքն երուսաղէմի :

Յայնժամ՝ հաճեցիս ընդ պատարագս ար-
դարութե՛ , յորժամ ու խաից պատարագս հան-
ցեն՝ ՚ի սեղան քո զուարակս :

ՀԱՐԱԿԱՆ ԱՊԱՀԽԱՐՈՒԹԵԱՆ

() անապական զհոգևոր զգանձն յապականացու կենցաղս ծախեցի . այլ առ քեզ միայն պաղատիմ՝ բարերար փրկիչ՝ խնայեա՛ ՚ի մեղուցեալ ծառայս : Օջանգ հոգւոյ իմոյ քակտեցի և եղէ անբարունակ որթ . այլ առ քեզ միայն պաղատիմ՝ բարերար փրկիչ՝ խնայեա՛ ՚ի մեղուցեալ ծառայս : Աստաքանց եղէ ևս որպէս զարմաւենի , պաղակորոյս որո՞՞ ձիթենի . այլ անյիշաչա՛ր և անխակալ փրկիչ՝ խնայեա՛ ՚ի մեղուցեալ ծառայս :

Քրիստոս՝ անձ առաւծոյ՝ ողորմեա՛ : Մտորէնութիւն ՚ի մեղս երկնեաց զես մայր իմ՝ աղաչեմ փրկիչ՝ ողորմեա՛ : Ա իրաւորեալ մեղօք անկանիմ՝ առ քեզ փրկիչ , մի՛ անտես առներ՝ ողորմեա՛ :

Համբառնամ առ քեզ մի՛ր զաչս իմնայեաց յիս գթութիւնք քո և ողորմեա՛ : Կու ևս յոյս և ապաւեն իմ , զերծ՝ զես յորոգայթէ մեղաց և ողորմեա՛ : Վարեցուցիչ իմ և փրկիչ իմ՝ ապրեցն զես յորոգայթէ մեղաց և ողորմեա՛ :

Սեղոյ քեզ տէ՛ր , քաւեա՛ զես : Սեղաք անօրինեցաք ամենեքեան , ոչ պահեցաք զպատու իրանս քո . մեղոյ քեզ տէ՛ր , քաւեա՛ զես : Կարծիր տէ՛ր ՚ի բարկութիւն քումմէ , անցն՝ ՚ի մէնջ զցասումն քո . մեղոյ քեզ տէ՛ր , քաւեա՛ զես :

Ար զաղաղակ կնոջն այլազգւոյ առնկա-

լար փրկելիչ մարդասիրապէս • և զիմն ապաշխատ
րութեան արա՛ արժանի զձայն մեղուցելոյս ըն-
դունօղ: Ար հառաչմամբ ձայնի աղախնոյն ո՛չ
լռեցեր փրկելիչ ընդունակ մեղաւորաց • և
զիմն ապաշխարութեան արա՛ արժանի զձայն մե-
ղուցելոյս ընդունօղ: Ար զառաջնապարգևի
քո նշխար ո՛չ խնայեցեր ընձեռել շանն հով-
ուասիրի • և զիմն ապաշխարութեան արա՛ արժա-
նի զձայն մեղուցելոյս ընդունօղ:

Մնկանիմ՝ առաջի քո , և խնդրեմ զթո-
ղութիւն յանցանաց իմոց , մի՛ անտես առնէր
հայր զաղաչանս իմ: Մզաղակեմ որպէս մար-
սաւորն , և հեղում զարտասուս իմ՝ առաջի քո
որպէս պոռնիկն , մի՛ անտես առնէր հայր զա-
ղաչանս իմ: Հաներեցթ թշնամւոյն պարտե-
ցայ , և ՚ի գաղանի նեախց բանսարկուին վի-
րաւորեցայ , մի՛ անտես առնէր հայր զաղա-
չանս իմ:



Ազօթք առ Հայրն երկնաւոր , ՚ի բանից երանելոյն Յով-
ւանաւ գառնեցոյ:

Սասիչ ամբաւազօր լուսաւորացն երկ
նից , և ճարտարապետ ամենիմաստ տանս աշ-
խարհի • որ յայսմ աւուր կարգեցեր զլուսա-
ւորսն ՚ի հաստատութեան երկնից՝ զարեգակն և
զլուսին և զաստեղացն պարս՝ ՚ի նշանս և ՚ի

ժամանակս և յաւուրս և 'ի տարիս :

Մըդ աղաչեմ զքեզ անձ կենարար՝ հա-
ճոյական պարգևօք հոգեծիր շնորհաց քոց
չարժեան զվիտս և զկամս իմ սիրել զքեզ
յամ սրտէ , և ուղղեան զքնթացս անձին իմոյ
անհէրքելի զօրութի քով՝ գնալ անխոտոր 'ի
ճանապարհս հրամանաց քոց : Ասպեալ կամ
անգերծ շղթայիւք յանցանաց իմոց , ազատեալ
դիս անենակար : Մնկեալ դանդաչեմ 'ի հաղըս
կորստեան գաղանի որսողին , հան զիս բարե-
գութ : Ի բանդ անելանելի խաւարին գոր-
ծոց կոշկանդեալ տանջիմ , ծաղեան առ իս
զլշոյս շնորհիդ , և զերծն զիս իրնամակալ յա-
զատութիւն կենաց անվսխճանից :

Գու ես յոյս իմ և ապաւինութի . դու
իմ փրկութի . քեզ ակնկալեալ սպասէ ամե-
նամեզ անձն իմ : Քեզ փափագի հոգի իմ
մարդասէր , որպէս փափագի եղջերու յաղ-
բերս ջուրց : Հարաւի եմ ողորմուէ քում՝
արբն զիս . տանջեալ 'ի սովէ՝ յեղջերաց խո-
զիցն կերակրիմ , զհացդ երկնաւոր ջամբեան
ինձ : Մըրուր դառնութեան մեզաց և մահու
արբեալ տաղնասլիմ չարաչար , զբաժակդ կե-
նաց մատուռակեան ինձ : Մերկօցեալ դողամ
յանագորուն աւազակաց ի յխանին մահու ,
զգեստութի ինամոց քոց ծածկեան զիս : Սի-
րաւորեալ եմ 'ի թիւնաւոր նեաից աներևոյթ
թնամուցն , բժշկեան զհարուածս իմ :

Եւ արան զիս զապախտաւոր ծառայոս որ

կարդամ առ քեզ՝ արժանաւոր երկնային հարս
նարանին և անմահական սեղանոյն՝ ընդ այնո-
սիկ որք սիրեցին զքեզ ՚ի բոլոր սրտէ, և սրտ-
հեցին զպատուիրանս քո. զի ընդ նոսին փա-
ռաւորեցից զամենագուծ մարդասիրուի քո,
յաւիտեանս յաւիտենից, ամէն:



Նորին երանելոյ Յովհաննու զառնեցոյ աղօթք առ Որ-
դին միածին:

Ո՛վ որ անեղդ ես և անստեղծ՝ և արա-
րիչ անձ արարածոց. որ ոչ երկինք բաւեն ըզ-
քեզ գիտել, և ոչ երկիրս զորոյիսուծիւն քո
ճանաչել. քանզի ՚ի վեր ես քան զերկինս, և
անդր քան զճագս տիեզերաց. և անձ երևելիք
և աներևոյթք քեւ են հաստատեալ, և քոյին
հրամանաւդ հառաւարին ամենայն արարածք:
Դու աղքատացուցանես՝ և դու մեծացուցա-
նես. հարկանես՝ և դու բժշկես. դու ես սփո-
փիչ վշտացելոց ՚ի սատանայէ, և ողջացուցիչ
հիւանդացելոց մեղօք:

Իյոնարհեցո՛ւ աէ՛ր զունկն քո և լուր ինձ.
աէս աէ՛ր զտառապանս իմ՝ որ Թագաւորդ
ես փառաց, զի կարի վերաւորեալ եմ մեղօք,
և ցաւադնեալ անօրէնուծք. ժահահոտեալ
եմ հոգւովս, և աղաւթեալ մարմնովս. զաղբա-
լի և ամօթալի երեսօք եմ առաջի ամենատե

աչացդ : Եւ արդ դու աէ՛ր՝ քաղցր և ողորմած մասն մեղաւորացս կոչեցար , որպէս և սասցեր՝ Թէ ՚ի դառնալ անօրինինն ոչ ևս յիշեցից զամ՝ անօրէնութիւնս նորա զոր արար :

Եւ րդ՝ ահա՛ սուաջի քո անկեալ աղաչեմ և խնդրեմ ժաւելոյ , մի՛ յիշեր զմեղս իմ՝ բազում , և մի՛ զանօրէնութիւս իմ՝ յանդիմաներ , Թէ կամայ և Թէ ակամայ , Թէ գիտութե՛ք և Թէ անգիտութե՛ք , եթէ բանիւ և եթէ գործով՝ որովք մեղայ քեզ . զի դու աէ՛ր՝ սոյլօրես գթալ և թողուլ զմեղս բազումս :

Դու բարերար անձն՝ յագեցն զքաղցեալս ՚ի հացեդ կենաց , և լցն զծարաւեալս յառատաբուղիս շնորհեդ . զի ցանկամ մերձենալ ՚ի շնորհս ողորմութե՛ք քոյ , և բաղձամ հայիլ յարածամ ՚ի քեզ . մի՛շտ շնորհաց քոց փափագիմ , և հանապազ ողորմութե՛ց քոց կարօտիմ : Սի ընդ պատժապարտան պատժեր , և մի՛ ընդ դատապարտեալն դատեր . այլ ընդ կամարարս ըն կամաց քոց ընկալ , և ընդ պահօղսն պատուիրանաց քոց պատուեալ : Եւ Թէ սուանց ներելոյ զյանցանս իմ՝ քննես , ընդունայն է ինձ յարութե՛ք խոստումն . զի հուր գեհենին է ժառանգութիւն իմ :

Եւ յլ նայեաց աէ՛ր ՚ի մաղթանս իմ և ՚ի պաղատանս , և մի՛ մերժեր զիս յողորմութե՛ք բուժմէ , լուսն զիս ՚ի մեղաց , և մաքրեալ յողտից անօրէնութե՛ք իմոյ . քաւեալ որպէս զմաքսաւորն , և արդարացն որպէս զպոռնիկն , ողոր

մեա՛ ինձ որո՞ք քանանացւոյն , և շնորհեա՛ ինձ
 Թողու-Թի՛ որպէս աւազակին : Ալ ըստ անձառ-
 մարդասիրու-Թե՛ քում ընկա՛լ զտարագրեալս ,
 և մոյճ յառագասան լուսոյ երկնաւոր հարանա-
 րանին , և բնակեցո՛ զիս ՚ի դասս սրբոց քոց ,
 և ՚ի խորանս սիրողաց անուան քոյ . և քեզ
 փառք և գոհու-Թի՛ յաւիտեանս յաւիտենից ,
 ամէն :



Հ Ի Ն Գ Շ Ա Բ Ա Թ Ի Ա Ի Ո Ւ Ր

Յանուն շոր և Որդւոյ և Հոգւոյն սրբոյ , ամէն :

Հայր մեր որ յերկինս :



Ս Ա Ղ Մ Ո Ս Ա Պ Ա Շ Խ Ա Ր Ո Ւ Թ Ե Ը Ն

Տէր լուր աղօթից իմոց աղաղակ իմ առ-
 քեզ եկեացէ , և մի՛ դարձուցանէր զերեսս քո
 յինէն :

Յաւուր նեղու-Թեան իմոց խոնարհեցո՛
 առ իս զունկն քո , յորում աւուր կարդամ
 առ քեզ վաղվաղակի լուր ինձ :

Սպասեցան որպէս ծուխ աւուրք իմ, և
 ոսկերք իմ որպէս խալւ չորացան :

Հարայ ես որպէս խոտ և ցամաքեցաւ
 սիրտ իմ, մոռացայ ուտել զՏաց իմ ՚ի ձայնէ
 հեծութեան իմոյ :

Կցեցաւ ոսկր իմ ՚ի մարմին իմ, նմանե-
 ցայ ես հաւալասան յանապատի :

Եղէ ես որոյ բու յաւերակի, արնեցայ
 և եղէ ես որպէս ճնճղուկ միայն ՚ի տանիս :

Կախատեցին զիս թշնամիք իմ զօրհա-
 նապազ, և գովելք իմ ինև երդնուին :

Օ մոխիր որպէս զՏաց կերի, և զլուրեւին
 իմ արտասուօք խառնեցի :

Երեսաց բարկութե սրամաուէ քո, զի
 գու բարձրացուցեր և խոնարհեցուցեր զիս :

Եւուրք իմ որպէս հովանի անցին, և ես
 որպէս խոտ ցամաքեցայ :

Գու տէր յաւիտեան կաս, և յիշատակ
 քո ազգէ մինչև յազգ :

Գու յարուցեալ գթացիս ՚ի վերայ սիո-
 նի, ժամանակ գթալոյ նորա հասեալէ ժամ :

Հաճեցան ծառայք քո ընդ քարինս նր, և
 ՚ի հոզս նորա գթացին :

Երկիցեն հեթանոսք յանուանէ քում-
 մէ, և ամ թագաւորք երկրի ՚ի փառաց քոց :

Ը ինէ տէր զսիոն, և երևեսցի փառօք
 իւրովք ՚ի նմա :

Հայեցաւ նա յաղօթս խոնարհաց, և սչ
 արհամարհեաց զինգրուածս նոցա :

Պարեպի այս յազգ յայլ, ժողովուրդ զօր
սասցեալ է օրհնեացէ զաէր :

Հայեցաւ նա ՚ի բարձանց ՚ի սրբութենէ
իւրմէ, աէր յերկնից յերկիր հայեցաւ :

Եւսէլ զհեծութիւն կասելոց, և արձա-
կէլ զօրդիս մահապարտաց :

Պատմել ՚ի սիոն զանուն աէառն, և զօրհ
նութիւնս նորա յերուսազէմ :

Ժողովիլ ժողովրդոց ՚ի միասին, և թա-
գաւորաց ծառայել աէառն :

Պատասխանի ետ նմա ՚ի ճանապարհի զօ-
րութեան իւրոյ, զնուազութի աւուրց իմոց
սաս ինձ, և մի՛ հաներ զիս ՚ի կէս աւուրց ի-
մոց, զի ազգէ յազգ են ամբ քո :

Իսկզբանէ աէր զհիմունս երկրի հաստա
աէցեր, և գործք ձեռաց քոց երկինք են :

Նորա անցանէն, և դու կաս և մնաս
յաւիտեան :

Եւնէքեան որոյ զճորձս մաշեցին, և ուր
զվերարիուս փոխեցես զնոսա և փոխեցին :

Իսոց դու նոյն ինքն ես, և ամբ քո ոչ
անցանէն, որդիք ծառայից քոց բնակեցին
՚ի նմա, և զաւակի նոցա յաւիտեան յաջողեցի :

ՇԱՐԱԿԱՆ ԱՊԱՇԽԱՐՈՒԹԵԱՆ

Եւզրմեա ինձ քո ողորմութիւն քո մե-
ծաւ, զի կարօտ եմ ես շնորհի քո և ողորմու-

Թեանդ • ողորմեան և լուր ինձ բաղմամեղիս :
Լուր տէր ձայնի ողջալոյս և ցաւագին սպա-
 զանանացս , որ ամօթով կամ առաջի քո իմ
 չարաչար վարուքս • ողորմեան և լուր ինձ բաղ-
 մամեղիս : **Ք**նկալ տէր զաղաչանս իմ և զհա-
 ռաչանս սրաի իմոյ , որ աղաղակեմ որո՞ց կինն
 քանանացի • ողորմեան և լուր ինձ բաղմամեղիս :

Քրիստոս անձ յոյս ապաշխարողաց՝ շը-
 նորհեան զթողութի բազում յանցանաց իմոց :
Մաքեղ բաղմագութ ապաւինեալ կարդամք ,
 մի՛ մերժէր զմեզ յողորմութենէ քումմէ :
Որպէս զաւազակն աղաղակեմ առ քեզ , յիշեան
 և զիս տէր 'ի քում յարքայութեանդ :

Քզմեզս իմ խոստովան լինիմ առ քեզ
 քն , որ միայնդ ես բաղմագութ թողութի ,
 ողորմեան ինձ անձ : **Ք**ու տէր որ ճշմարտու-
 թեց ես սիրող , և քննես զճածուկս գաղա-
 նեաց սրաի իմոյ , ողորմեան ինձ անձ : **Տ**ուր
 ինձ ցնծութի փրկուե՛ն , և հոգւով տէրուե՛ց
 քո հաստատեան զիս , և ողորմեան ինձ անձ :

Մեք յանցանաց զիս ալեկոծեն , և մեզք
 իմ բազում զիս յանդիմանեն : **Մ**րդ զինչ ա-
 րարից մեղուցեալ անձամբս , որ չեմ ապրելոց
 յահագին հրոյն : **Մ**եղաց քեզ քրիստոս որդի
 աստուծոյ՝ շնորհեան զթողութիւն բազում
 յանցանաց իմոց :

Տէր որ 'ի մեջ լերինն աղբերացուցեր
 զջուրն 'ի վիմէն : **Տ**էր 'ի սրաի իմմէ հան ինձ
 արտասուս ապաշխարութեան : **Օ** 'ի կեցից և

ապաշխարութիւնս ապրեցոց ՚ի հանդերձեալ
քոց դատաստանաց :

Սեղայ քեզ տէր քաւեա՛ զիս , և ողոր-
մեա՛ ինձ ւ՛ծ : Աշխար եմ՝ բանաւոր հօտի քո
և առ քեզ ապաւինիմ , հոյ՛իւ բարի խնդրեա՛
զիս զմոլորեալս , և ողորմեա՛ ինձ ւ՛ծ : Ի ծո-
վու մեղաց ալէկոծեալ եմ և առ քեզ աղաղա-
կեմ , նաւապետ բարի փրկեա՛ զիս ՚ի վտան-
գէս , և ողորմեա՛ ինձ ւ՛ծ :

Աղօթք առ Հայրն երկնաւոր , ՚ի բանից երանելոյն Յով-
հաննու դառնկոց :

Որ արարչական գթով կենդանածնես
զարարածս քո և խնամես քաղցրութիւնս ւ՛ծ
իմ և տէր • որ յայսմ աւուր ամենազօր հրա-
մանաւ քով հաներ ՚ի ջուրց ղեռունս շնչոց
կենդանեաց , և ղիկտս մեծամեծս , և ղթռչու-
նքս թեաւորս • և ւ՛ծային օրհնութիւնս քով
օրհնեցեր զնս աճիլ և բաղմանալ ՚ի վր՛ երկրի :

Արդ աղաչեմ զանփոփոխելի տէրութի
բարերարութե քո , օրհնեա՛ և զիս զստեղծ-
ուածս ամենակալ ձեռին քո ծննդաբեր լի-
նել գործոց առաքինութե : Ալ զսերմն հո-
գևոր կենաց՝ զոր անդսաին բնաւորեալ էս ՚ի
խորս մտաց իմոց՝ զօրացո՛ զիս աճեցուցանել
կենսաբեր խորհրդով ՚ի ձեռն շնորհաց և ողոր

մուծել քո , զոր տաս ամենայնի և ոչ նախա-
 աես , զի դու նոյն ես , և ամբ քո ոչ պակասին .
 բանաս զձեռն քո , և լցուցանես զպէտս և
 զկարիս ամենեցուն յանսպառ գանձուց քոց :
 Մի թողուր զիս աէր իմ՝ ամուլ և անբեր
 գործոց բարուծել . մի՛ անաես առներ զտա-
 ապեալս ՚ի քոց խնամոց վասն բաղուծեան
 յանցանաց իմոց : Այոնարհեցո՛ զունկն քո և
 լուր ինձ , զի աղքատացոյ ՚ի բարեաց . ստուն-
 գանեցի կենարար պատուիրանաց քոց , և յո-
 ժարեցայ հաճել զկամս անձին իմոյ :

Յարդարեցեր զիս տաճար կենդանի ա-
 րարչուծել քում , և ես զոնձն իմ պատրաստե-
 ցի բնակարան առելեաց քոց դիւաց : Աստու-
 ճան լուսաղբեստ զգեցուցեր ինձ ՚ի հոգևոր
 ծննդեան , և ես արիի զանձամբ հանդերձ խա-
 ւարի մեղաց և մահու : Ասուր ինձ սիրտ
 մարմնեղէն խոկալ յօրէնս քո յամ ժամ , և
 ես աման խորհրդոց անօրէնուծել յօրինեցի :
 Արդեցեր յիս լեւիս ՚ի լուր պատուիրանաց
 քոց , և ես բացի առ հրապոյրս բանսարկուին :
 Ազգմեցեր յիս լեզու գործի օրհնուծել , և
 ես չարաչար վարեալ՝ օրարի զէն անիրաւուէ :
 Սերմանեցեր ՚ի միաս իմ սերմն բարի առաքի-
 նուծել , և ես փուշս դժնդակ մուլուծել բու-
 սուցի ընդ այն : Սբարիսն զոր պարգևեցեր
 ինձ շահիլ նոքօք զկեանս , անմտուծբ իմով
 վասնեալ ՚ի սնոտիս՝ ստացայ ինձ մահ և կո-
 րուստ : Տիրական իշխանուծեամբ և փառօք

պատուեցեր զիս, և ես կամաւ մատնեցի զան-
ձըն իմ՝ ՚ի ծառայութիւն մեղաց:

Եւ այժմ առ քեզ ապաւինեալ աղաչեմ
բարեգութ՝ քաւեա՛ զյանցանս իմ, և նորոգ-
եա՛ զիս շնորհօք ողորմութե՛ք քո: Ասարաւի
եմ առ քեզ ա՛մ՝ իմ, արբո՛ ինձ զջուրդ կեն-
դանարար: Անհաճար եղէ ցանկութե՛ք շար-
եաց, արկ զիս ՚ի բոլս հալոցաց, և սրբեա՛ հը-
րով սիրոյ քոյ: Ասողձանք երկրաւորացս տա-
րագիր արար զիս առ ՚ի քէն, կարկառեա՛ տա-
իս զաջգ ամենազօր, և մտտո՛ զիս առ քեզ:
Փոխանակ մշտնջենաւոր և անանց փառաց,
զդիւրեղծական և զապականացուն սիրեցի, մի
թողուր զիս ՚ի կամս իմ:

Տեղացին ՚ի վերոյ իմ թունաւոր նեաք
աներեւոյթ թշնամւոյն, լէր ինձ վահան ամ-
բուէ և տեղի ապաւինի ապրեցուցանել զիս:
Խորհուրդք շարեաց հարին զհոգիս ՚ի հար-
ուածս անողջանալիս, մտտիր առ իս գթու-
թեամբ, և բժշկեա՛ ամենահնար: Թշնամիք
զանձն իմ պաշարեցին և ՚ի լարս խաբէութե՛ք
իւրեանց արգելին, զարթո՛ զզօրութի՛ք քո և
էկ ՚ի կեցուցանել զիս: Մերկացուցին զիս
անագորուք, և վերս ՚ի վերոյ վիրաց յաւե-
լին. զի ոչ զգեցոյ զզօհան արգարութե՛ք, և
ոչ եղի ՚ի գլուխս իմ զսաղաւարտն յուսոյն
փրկութե՛ք. ոչ առի զվահանն հաւատոյ, և ոչ
զսուր բանին սոյ. այլ դու հզօր և ամենակար՛
առ զէն և զասպար քո, և արի յօգնել ինձ:

խորտակեա՛ն զղօրութի՛ն հպարտացեալ բռնա-
 ւորին , և սաս՛ն դու ցանձն իմ՝ թէ փրկութի՛ն
 քո ես եմ : Տրամեալ է անձն իմ մինչև ՚ի
 մահ , մխիթարեա՛ն զծառայս քո : Կրե՛րախա
 գասց առ երախտաւորդ , և բարկացուցի զան-
 բարկանալի բնութի՛դ • այլ դու անյիշաչար՝
 մի՛ հատուցաներ ինձ ըստ անօրէնուէ իմնւմ ,
 այլ ողորմութեամբ քո քաւեա՛ն զիս :

Ը. քեզ աղաղակեմ ՚ի խորոց անդնդոց
 յոր ընկղմեալս եմ , ունի յովնան ՚ի փորոց կիտին •
 հան զիս ՚ի վհէս խաւարի , վերաբերեալ ՚ի
 լոյս կենացդ յաւիտենից : Կորտասուղեալ եմ
 յանդունդս մեղաց կորստեան , մասն զաջդ ա-
 մենազօր , և փրկեա՛ն զիս :

Տանջիմ հանապաղ ՚ի խղճէ մտաց՝ զի
 դառնացուցի զքաղցրագութ տէրդ իմ • և
 յոյզք վարանական խորհրդոց աններելի տան-
 ջանաց՝ որ պատրաստեալ և մնաց ինձ , իբրև
 լեռնացեալ ամեհի ալեօք հողմակոծեն զանձն
 իմ • բարերար և անոխակալ՝ հզօր այցելու օգ-
 նեա՛ն ինձ , և հանդարտեցո զմըրկեալ ալիս
 խռովութեան մտացս ցօղով գթութեան քո :

Ի աղմուծի՛ն անօրէնութե՛ն իմոյ՝ որպէս
 հեղեղք պղտորեալք գարնանազայր գեաոց
 ողողեցին զմեղուցեալս • այլ դու մարդասէր՝
 շնչեա՛ն զհողմն քաղցրութե՛ն կամաց քոց , և ցա-
 մաբեցո՛ զհոսանս չարեաց իմոց • և ողորմութե՛ք
 քով քաւեա՛ն զանօրէնութի՛ս իմ , և թուակից
 արա սիրելեաց անուանդ քու՛մ սրբոյ , զի ընդ


նոսին փառաւորեցից զանոխակալ մարդասիրութի քո , այժմ՝ և միշտ և յաւիտենից յաւիտեանս , ամէն :



Նորին երանելոյ Յովհաննու գառնեցոյ աղօթք առ Որդին միածին :

Լոյս ՚ի լուսոյ քսն անձ՝ որ լուսով ողորմուծեան քոյ լուսաւորեցեր զարարածս անձ , հալածեալ զխաւար մեղաց և զանգիտուէ իմոյ : Ար զաւազակն միով բանիւ սրբեցեր ՚ի մեղաց , և զսրովբէափակ դուռն դրախտին բացեր նմա :

Եւ արդ՝ առեալ իմ զաղօթս աղաչանոց նորա , կարդամ առ քեզ . յիշեալ և զիս տէր յորժամ գաս արքայուծիքդ քով : Բայց ինձ զդուռն ողորմուծե քոյ մտանել ՚ի հանգիստն յաւիտենից , և ընդ անձ սուրբս փառաւորել զամենազօր տէրուծիդ յաւիտեանս յաւիտենից , ամէն :






ՈՒՐԲԵԹԻ ԱՒՈՒՐ

Յանուն շոր և որդւոյ և շողոյն սրբոյ , ամէն :

Հայր մեր որ յերկինս :



ՍԵՂՄՈՍ ԱՊԵՇԽԱՐՈՒԹԵԱՆ

Ի խորոց կարդացի առ քեզ տէր տէր՝
լուր ձայնի իմում :

Եղիցին ականջք քո ՚ի լսել զձայն աղօ-
թից իմոց :

Թէ զանօրէնութիւնս իմ քննես տէր
տէր , խակ ո՛ կարէ կալ առաջի քո , զի ՚ի քէն
է քաւութիւն :

Ս ասն անուան քո համբերի տէր , համ-
բեր անձն իմ բանի քում , յուսացաւ անձն
իմ ՚ի տէր :

Ի պահէ առաւօտու մինչև յերեկոյ , ՚ի
պահէ առաւօտու յուսացաւ խորայել ՚ի տէր :

Ի տեսունէ է ողորմութիւն բազում , ՚ի
նմանէ է փրկութիւն , և նա փրկեաց զխորայ-
ել յամենայն նեղութեանց նորա :

ՇԱՐԿԱՆ ԱՊԱՇԽԱՐՈՒԹԵԱՆ

Քաղաքում են քո գթութիւնք բազմամեղանձին խնոց, ողորմեա՛ տատուած քաւիչ իմ: Օ՛ր քեզ անյիշաչար տէ՛ր մեղայ չարին խաբամամբ, ողորմեա՛ տատուած քաւիչ իմ: Ի՛քո ՚ի միւսանգամ գալստեանն յորժամ գաս դատել զերկիր, ողորմեա՛ տատուած քաւիչ իմ:

Մատուած մարդասէր՝ որ զմարտաւորն արդարացուցեր, քաւեա՛ զիս զմեղաւորս: Ար քղանցիւ հանդերձի քո զմերձեցեալն ՚ի քեզ բժշկեցեր, քաւեա՛ զիս զմեղաւորս: Ար բանիւ հրամանի քո զանդամալոյճն աւողջացուցեր, քաւեա՛ զիս զմեղաւորս:

Յիմ ժամ աղաչանք իմ այս են, ՚ի մեղաց խնոց սուրբ արա զիս տէ՛ր: Յանցանաց խնոց զարհուրի սիրա իմ, աղաչեմ զքեզ թողինձ տէ՛ր: Մտատուաց խնոց մի՛ լսեր տէ՛ր, զի պանդուխտ եմ ես յանցաւոր երկրի:

Օրհնութեալ դողացաւ ամենամեղանձրն իմ յահեղ քոց դատաստանաց յաններելի տանջանացն: Մանզի կամաւ մերձեցայ ՚ի մեղս մեծամեծս, արդ կայ և մնայ ինձ աններելի պատուհասն: Մտդ անկեալ աղաչեմ փրճիկիչ և բարերար, խնայեա՛ յիս ՚ի մեղուցեալս, և ողորմեա՛ ինձ բազմամեղիս:

Մենակալ քաւեա՛ զմեղս իմ, զի տճ ես ապաշխարողաց: Եւ զհոգիդ սուրբ մի՛ հաներ յինէն, զի աստուած ես ապաշխարողաց:

Եւ փրկեա՛ զիս յահապարհն հրոյն , զի ան-էս
ապաշխարողաց :

Եկեացէ տէ՛ր Դիւերայ մեր ողորմութի
քո , և բան փրկութե՛ք քո պահեսցէ զանձինս
մեր Դիմեղաց : Ողորմութի՛ք քո և ճշմարտութի՛
քո և լոյս երեսաց քոց առաջնորդեսցէ մեզ
Դիյարդարութի : Որ ողորմածդ էս գթած և
երկայնամիտ , տէ՛ր ընկալ զաղաչանս մեր բա-
րեխօսութե՛ք սուրբ անձնին :



Արթթ առ Հայրն երկնաւոր , Ի բանից Երանելոյն Յով-
հաննու գաննեցոյ :

Ձապէս բարի և ամենախարող զօրութի
անձ յաշխտենական , որ յայսմ աւուր հրամայե
ցեր երկրի , և եհան զանասունս և զսողունս
և զգազանս ըստ ազգի • և չհանդուրժեալ
բնութե՛ք բարիդ՝ արարեր զմարդն Դիհոյոյ Դի
պատկեր և Դի նմանութի արարչապետիդ տիեզե
լաց , և կացուցեր տէր և իշխան Դիւերայ բո-
լորեցունց քո արարածոց • և զգուշացուցեր
զնա կալ Դի պատուիրանի քում , և վայելել
զբարիսն զորս ետուր նմա ձրի և առանց փո-
խարինի Դի քումմէ առատութենէ :

Եւ արդ տէր իմ և անձ իմ՝ որ զիս հողս
անարգութեան այսպիսի անկշուելի բարութե՛ք
բարգաւաւաճեցեր , էս ինքնին հրատուրանաց

Թշնամւոյն կենաց անսացեալ՝ պատուիրանաց կենարարիդ հետսեցի, և օտարացայ ՚ի նմանու թէ հաստողիդ իմոյ անց: Աղծի զգեղեցկու թի կերպարանաց հոգւոյս ազգի ազգի անօրէնու թեամբ, և ոչ զարհուրեցայ:

Պերճացուցեր զիս իմացական մտօք խորշիլ ՚ի չարէն և ընարել զբարին. իսկ ես վարեալ անմտութիւն յօժարեցայ ՚ի չարիս: Մբարձեր զիս ՚ի նմանութիւն անձնի չխան կամօք. և ես ծառայ եղեալ կրից մարմնոյս՝ հաւասարեցայ անասնոց անբանից: Իտողի զլոյս հրամանաց քոց՝ զոր ետուր ինձ առաջնորդել նովաւ զգնացս ռաից իմոց ՚ի ճանապարհ ուղիղ երկնից օթեանին. և ես ընդ խաւար գնացեալ անկայ ՚ի խորխորատ անելանելի կորստեան վհի:

Մ. Եւ դու մարդասէր և երկայնամիտ՝ մի՛ իսպառ բարկանար ինձ, և մի՛ ռիսս պահէր յաւիտեան. զի ՚ի քեզ անկայ ես յարգանդէ, և դու ես անձ իմ և աէր: Վթա՛ յիս ՚ի գործս ձեռաց քոց, և նորոգեա՛ զխանգարեալ մեղօք պատկերս բարերարութե քո ՚ի ձեռն անձեղէն շնորհաց քոց: Մուսաւորեա՛ զաչս մտաց իմոց ուղղել զշաւիղս իմ ՚ի ճանապարհս օրինաց քոց: Սանձակոծեա՛ զերկրաքարշ բաղձանս և զանբան կրիցս բռնութիւն երկիւղիւդ քով սրբով: Սառեա՛ զհոգի իմ սիրով անձութե քո՝ մատուցանել պատարագ օրհնութե ըստ հաճոյից բարերարութե քո: Մի՛ թողուր զիս

Յի ձեռս թշնամւոյն փրկուած է իմոյ , որ հանդերձեալ է արկանել զիս ՚ի խաւարն արտաքին . այլ լէր այցելու բարեգթուած է քով , և փրկեալ զիս :

Անկաւ բեկաւ զօրուծի իմ ՚ի մահաբեր հարուածոց հակառակորդին , և մէջք իմ կցեցան ՚ի հող ՚ի ծանրուծէ բեռանցս մեղաց . այլ դու ողորմած յարն զբազմամեղ անձն իմ , և զօրացն զիս թօթափել զչարիս , և խոկալ զհրամանս օրինաց քոց : Հարայ ՚ի թունոյ աներևոյթ վիշապին , և մահ անմեռ կայ առաջի իմ յամ Ժամ . գթալ յիս օրհնեալ և ամենողորմ , և մատն ինձ զդեղթափ ապաքինիչ երկնածիր շնորհաց քոց , զի կեցից և փառաւորեցից զանձառ մարդասիրուծի քո սյծմ և յանվախձան յաւիտեանս , ամէն :



Նորին երանելոյ Յովհաննու գառնեցւոյ աղօթք առ Որդին միածին :


Որդի ոյ , որ վասն անհաս մարդասիրութեան քոյ խոնարհեցար յանձառ փառաց քոց և եղեր որդի մարդոյ . և ելեալ ՚ի խնդիր կորուսեալ պատկերիս քոյ տանս ադամայ , ՚ի ձեռն անօրինական կրից քոց արարեր փրկուծի ՚ի մէջ երկրի . և հրաւիրեցեր զհողեղէնքս յարդարուծի և ՚ի փառս քո , և արարեր հա-

զորդ և ժառանգակից զմահականացու բնու-
թիւնս երկնային անմահական զօրացն :

Եւ արդ՝ տէ՛ր յս քս անձ իմ՝ որ զայս
անձ մարդասիրապէս շնորհեալ յօրինեցեր ,
մի՛ ես ունայն գտայց յայնպիսի փրկութիւն
վասն բանից յանցանաց իմոց : Եւ որո՞ւ ելեր
ի խնդիր կորուսեալ ոչխարին , և գտեալ ու-
սօք բարձեր , լէ՛ր և ինձ խնդրող կորուսելոյս
Եւ զոր օրինակ ողորմեցար քանանուհոյն ,
և զհայցուածն կատարեցեր , կատարեա՛ և զիմ
հայցուածս՝ որ վասն թողութե՛ մեղաց իմոց
պաղատիմ : Եւ որպէս սրբեցեր բանիւ բե-
րանոյ քո զբորոտն , սրբեա՛ և զիս յիմ սղալա-
նաց իմոց : Եւ զոր օրինակ զանդամալոյծն ա-
ռողջացուցեր , առողջացո՛ և զիս զխտացեալս
չարեօք : Եւ որպէս զհիւանդան բժշկեցեր ,
բժշկեա՛ և զիս զհիւանդացեալս հոգևով : Եւ
զոր օրինակ զգեան ՚ի մարդկանէ հալածեցեր ,
հալածեա՛ և յինէն զթշնամին կենաց իմոց :
Եւ որպէս զկոյրսն լուսաւորեցեր , լուսաւոր-
եա՛ և զիս զիսաւարեալս մտօք : Եւ զոր օրինակ
զմեռեալսն յարուցեր , յարո՛ և զիս զմահաց-
եալս յանցանօք : Եւ որպէս ալեաց ծովուն
սաստեցեր , սաստեալ հանդարտեա՛ և զալիս
մեղաց իմոց : Եւ զոր օրինակ զսովեալսն յանա-
պատին կերակրեցեր , կերակրեա՛ և զիս զճմա-
րիտ սովեալս յառատ ողորմութե՛ քուսմէ :

Տէ՛ր յս քս անձ իմ , որ զանձ մարդ կամիս
կեալ՝ և գալ ՚ի գիտութի՛ ճմարտութեան ,

աւստի մարդ եղեալ վասն մեր՝ յանձն առեր
 զչարչարանս և զմահ խաչի, և զանձն քո ետուր
 փրկանս փոխանակ բազմաց, յիշեա՛ զիս և ողոր
 մեա՛ ինձ. մի՛ ըստ գործոց իմոց հատուցանել
 ինձ. մի՛ մերժեր զիս յողորմութիւն քումմէ.
 մի՛ անտես առներ զգործս ձեռաց քոց. և մի՛
 զրկեր զիս յերանաւէտ խոստմանց քոց: **Յ**իշ-
 եա՛ զիս յիշեա՛ յիշատակդ յաւիտենից տէր
 յս քս ան իմ, և նայեա՛ առ իս քաղցրութիւն:
Վարեխօսութիւն սրբոց անձնին, և անսրբոց
 քոց երկնաւորաց և երկրաւորաց, ազատեա՛
 զիս յաններելի տանջանացն, և ՚ի դառն վշտաց
 դեհենին. և արա՛ զիս արժանի երկնից արքայ-
 ունէդ: **Մ**էլ քեզ ընդ հօր և ընդ սուրբ հոգ-
 ւոյդ փառք իշխանութիւն և պատիւ յաւիտ-
 եանս յաւիտենից, ամէն:





ՀԱԲԱԹԻ ԱՒՈՒՐ

Յանունն Հօր և Որդւոյ և Հոգւոյն սրբոյ , ամէն :

Հայր մեր որ յերկինս :



ՍԱՂՄՈՍ ԱՊԱՀԽԱՐՈՒԹԵԱՆ

Տէ՛ր լուր աղօթից իմոց , սուսկն դի՛ր
խնդրուածաց իմոց ճշմարտութեամբ քով :

Ե՛ւր ինձ արդարութեամբ քով , և մի՛
մտանէր ՚ի դատաստան ընդ ծառայի քում ,
զի՛ սչ արդարանայ առաջի քո ամ կենդանի :

Հալածեաց թշնամին զանձն իմ , խոնարհ
արար յերկիր զկեանս իմ , և նստոյց զիս ՚ի խա-
ւարի որպէս մեռեալ յաւիտենից :

Չանձրացաւ յիս հոգի իմ , և սիրտ իմ
խռովեցաւ յիս :

Յիշեցի զաւուրսն զառաջինս , խորհե-
ցայ յամ գործս քո . յարարածս ձեռաց քոց
խորհեցայ , և համբարձի առ քեզ զձեռս իմ :

Ի՛նձն իմ որպէս երկիր ծարաւի է տո-
քեզ , վաղվաղակի լուր ինձ տէ՛ր զի նուազե-

ցաւ յինէն հոգի իմ:

Ա՛յի դարձուցաներ զերեսս քո յինէն ,
զի մի՛ նմանիցիմ այնոցիկ ոյք իջանեն ՚ի դուբ :

Եւեւի՛ արա ինձ առաւօտու զողորմու-
թիւնս քո , զի ես ՚ի քեզ տէր յուսացայ :

Յոյց ինձ ճանապարհ յոր և զնացից , զի
առ քեզ տէր համբարձի զանձն իմ :

Փրկեա՛ զիս ՚ի թշնամեաց իմոց տէր , զի
զքեզ աղաւէն ինձ արարի :

Աւսո՛ ինձ առնել զկամս քո , զի դու ես
ասառած իմ :

Հոգի քո բարի առաջնորդեսցէ ինձ ՚ի
յերկիր ուղիղ :

Ա՛յ ասն անուան քո տէր կեցուցես զիս ,
արդարուք քով հանցես ՚ի նեղուէ զանձն իմ :

Աղորմութե՛ք քով սատակեսցես զթշնամիս
իմ , և կորուսցես զամենայն նեղիչս անձին
իմոյ , զի ես ծառայ քո եմ :

ՇԱՐԵԿԱՆ ԱՊԱՇԽԱՐՈՒԹԵԱՆ

Ի՛ն երևուածից քննօղ գաղտնեաց բժըշ-
կեա՛ զհոգւոյ իմոյ զհիւանդութիւնս , և կեցո՛
միայն մարդասէր : Ար երկայնամիտդ ես առ
ամենեւեան՝ ողորմեա՛ անձին իմոյ բազմամե-
զի , և կեցո՛ միայն մարդասէր : Ի՛մենաբաւա-
կան ողորմութե՛ք շնորհ՝ պարգևեա՛ ինձ յա-

Հագին աւուրն զԹողութիւն , և կեցն միայն մարդասէր :

Մեղք իմ բազում են յոյժ , ծանր են քան զաւաղ ծովու , քանզի քեզ միայնոյ մեղայ , ողորմեա՛ ինձ անձ : Լաց տէ՛ր զդուռն ողորմութե՛ք որ ողբալով կարդամ առ քեզ . քանզի քեզ միայնոյ մեղայ , ողորմեա՛ ինձ անձ : Հէ՛ղ յիս զգթութիւնդ . քո բազումողորմ և մարդասէր . քանզի քեզ միայնոյ մեղայ , ողորմեա՛ ինձ սատուած :

Մեղայ քեզ տէ՛ր մեղայ ողորմեա՛ : Մեղայ անօրինեցայ և մատնեցայ ՚ի ձեռս անօրէն թշնամւոյն . արդ անկեալ աղաչեմ թն՛ղ ինձ տէր : Լան զամենեսեան առաւել մեղայ տէ՛ր իմ գթած , քան զամենեսեան անօրինեցայ և մատնեցայ ՚ի ձեռս անօրէն թշնամւոյն . արդ անկեալ աղաչեմ թն՛ղ ինձ տէր :

Տերձ՝ զիս յորոգայթէ որսողին , և յամ վաանգից ապրեցն և ողորմեա՛ : Յաներևոյթ թշնամւոյն և ՚ի գաղանի նեախց բանսարկուին պահեա՛ և ողորմեա՛ : Փրկեա՛ զիս ՚ի յանցանաց մեղաց իմոց , և նորոգեա՛ զիս հոգւով գիտութեան և ողորմեա՛ :

Ողորմեա՛ ինձ անձ , զի քեզ միայնոյ մեղայ : Ը աւել լուա՛ զիս ՚ի տղմոյ յանցանաց անբիւր բժշկութեան , և ողորմեա՛ : Յարենէ փրկեա՛ զիս՝ որ հոգւոց և մարմնոց ունիս իշխանութիւն , և ողորմեա՛ :

Լազմութե՛ք յանցանօք ծանրաբեռնեալ

է անձն իմ . միայնոյ քեզ մարդասիրի աղա-
 չեմ, ողորմեա՛ ինձ անձ : Բաղխամամբ արտասուաց
 և հառաչանօք սրտի իմոյ անդադար հայցեմ
 բազմամեղու-թիբ , քաւեա՛ զիս անձ : Բազմա-
 գու-թ մարդասէր շնորհեա՛ զթողու-թիւն իմոյ
 յանցանաց . զի առ քեզ միայն պաղատիմ ,
 քաւեա՛ զիս աստուած :



Աղօթք առ Հայրն երկնաւոր, ՚ի բանից երանելոյն Յով-
 հանու գառնեցոյ :

Աստուած ամենակալ՝ անբաւելի և ան-
 ճառելի , անաշխատ բնու-թիւ և անտկարանալի
 զօրու-թիւն , որ յայսմ աւուր հանգեար յամ
 գործոց քոց զոր արարեր . և օրհնեցեր զնա և
 սրբեցեր ամենիմաստ խորհրդով և կանխագի-
 տու-թեամբ քով :

Արդ ես ծնունդս մեղաց՝ անկեալ կամ
 յախա գառնագին ցաւոց հոգեկան վնասուց ,
 զոր շնչեաց յիս հողմն մահածին իշխանին խա-
 ւարի , և ոչ գոյ ինձ հանգիստ ՚ի դժնդակ
 տանջանացս : Այլ գու ամենազօր՝ ապաքին-
 եա՛ զանբժշկելի հիւանդու-թիւ հոգւոյս աննա
 հանջելի հրամանաւ քով , և հանգս՛ զիս յան-
 հնարին տանջանացս՝ որով հասեալ կամ ՚ի
 դրունս մահու . զի ամենայնի կարօղես և
 հզօր , և չիք քեզ իր անհնարաւոր :

Այլ երկրաւորացս և բաղձանք հեշտալեաց գերեալ գերբեալ զմիտս իմ՝ չարաչար վշտօք ծառայեցուցանեն զիս հանապազօր ՚ի զգալիս և ՚ի սնոտիս , և ոչ երբէք տան դուլ և դադար ոգի առնուլ , և խոկալ խորհիլ զէլս ազատուէ յանտանելի կրիցս կարեաց և դառն աշխատութեցս : Աւ ահա աղաչեմ զքեզ բարերար՝ որ փրկութիդ ես ամենայնի և գիւրիչ վշտաց նեղելոց , տուր ինձ գտանել էլս ՚ի տառապանաց աստի յազատութիւն մշանջնաւոր կենաց և սնանց հանգստեան , յորմէ մերժեալ են ցաւք և հեծութիւնք :

Ալիք յանցանաց յուղեալք ՚ի հողմոյ հրապուրանաց բանսարկուին բաղխեն զնաւակ մարմնոյս շինուածոյ , և սպառնան խորասոյզ առնել յանդունդս խաւարի անզերծ տանջանաց : Ասկ դու բարեգութ փրկեա՛ զիս ՚ի վշտացս ամենազօր աջովդ շնորհի , և հասս ՚ի նաւահանգիստն անքոյթ խաղաղութե՛ երկնայ ին յարկի , ուր ամբարեալ պահին ամ գանձք բարեաց և անզբաղ բերկրութիւնք :

Այլ թողուր զիս տէր ամ իմ ՚ի կամս անձին իմոյ , զի մի՛ ըստ յօժարութե՛ ապականեալ բնութե՛ս ստորաբարշ եղէց յանցաւորս և ՚ի սնոտիս , և մի՛ ՚ի բացեայ առնիր յինէն նախանջելով զնպաստս շնորհաց և ողորմութե՛քս վասն անօրէնութե՛ իմոյ , այլ ըստ սովորական մարդասիրութեան քում խնայեա՛ յիս ՚ի ստեղծուածս քո՝ որ առ քեզ աղաղակեմ կող-

կողագիւն հեծութբ : Վ՛հւր ինձ անոխակալ ,
 գթա՛ մարդասէր , ներեա՛ անյիշաչար , և ողոր-
 մեա՛ բազմամեղ անձին իմոյ , ըստ մեծի ողոր-
 մուէ քու՛մ . արա՛ առ իս նշան բարի ՚ի փառս
 անուանդ քու՛մ սրբոյ , և քաւեա՛ զմեղս իմ՝
 ՚ի ձեռն ամենաբաւական շնորհաց քոց . զի
 քաղցր էս դու տէր , և գթու՛թի քո անչափ :

Ղաջէ՛մ դքեղ մարդասէր՝ մի՛ մտաներ
 զիս ՚ի ձեռս դժոխորովայն գազանաց , որ բաց
 եալ զկոկորդս իւրեանց՝ խնդրեն կեղեքել
 զհոգի իմ ամենածախ ժանեօք . հա՛ր զնոսս
 զօրու՛թբ բազկի քո ՚ի հարուածս անողջա՛նա-
 լիս , և զերծ՛ս զիս զժառայս քո ՚ի մահաբեր
 վտանգէս . զի դու էս փրկու՛թի իմ և կեանք ,
 և առ ՚ի քէն է օգնու՛թի իմ յամենայն ժամ :

Տարակուսեալ վարանիմ վտան բազմու՛թե
 մեղաց իմոց , յորժամ նկարեմ առաջի աչաց
 տեսու՛թե մտացս զդատաստանն անաչառ , ըզ
 մերկապարանոց յանդիմանու՛թին ամ գործոց ,
 զպատիժն սոսկալի մեղաւորաց և անդարձից ,
 զհուրն անշէջ , զորդնն անմահ , և զդատապար
 տու՛թին յաւիտենական : Ա՛ւ քանզի ոչ կա-
 րեմ իմովս զօրու՛թբ թօթափել յանձնէ ըզ
 բեռինս մեղաց , և աղատիլ յարժանահաս
 պատժոցս . վս՛ որոյ անձամբ բեկելով գոչեմ
 առ քեզ մա՛րդասէր , գործակից լեր ինձ ՚ի
 դառնալ յեռս յանօրէնու՛թե գնացից իմոց՝
 և դիմել առ քեզ յիմ՝ զօրու՛թե և ՚ի մտաց , և
 սրտառուչ զղջմամբ դտանել զթողու՛թիւն և

զշնորհս , և ողորմութիւնք քով արժանաւորել
ընդ սուրբս քո մշանջենաւոր հանգստեան յար
քայութե քում յերկինս , և ընդ նոսին փա
ռաւորել անլուելի գոհաբանութիւն զամենազօր
տերութի քո յամ յաւիտեանս , ամէն :



Նորին երանելոյ Յովնանու գառնեցոյ աղօթք առ շո
գին սուրբ :

Ընբաւելի և բաղմաղան շնորհաց առատա
պէս մատակարար և բաշխիչ հոգի սբ : Հոգի
ճշմարտութե , հոգի ելօղ ՚ի հօրէ , հոգի մխի
թարիչ , անճմտրիտ , ամենայնի արարիչ ընդ
հօր և ընդ որդւոյ , և անճային նախախնամութիւն
քով բերօղ զամ . որ ըստ կամաց քոց տիրակա
նաց բաժանես ըստ իւրաքանչիւր չափոյ հա
ւատոց զառատահոս շնորհաց պարգևս : Աւ
անճառելի գթութիւն սիրոյ քոյ՝ ամենազան բա
րութիւն ճոխացուցանես զեկեղեցի քո՝ առա
քելովք , մարգարէիւք , վարդապետօք , և այ
լովք դասուք արժանացելովք անճայնոց պար
գևաց քոց : Յորում եղեր զթողութի մեղաց ,
և վճատութե և տկարութե մերոյ բնութես
մարդասիրտպէս ետուր զօրութիւն վերստին
ուղղուէ՛ և կենդանուէ՛ ՚ի մահուանէ մեղաց :
Հայեա՛ քաղցրութիւն քով ամենագութի
և յիս յանարժան ծառայս քո , և տուր ինձ

սիրտ բեկեալ և հոգի զղջման : **Օ** օրացո՛ ըզ-
 րքու՛մն մտաց իմոց , և հալածեա՛ զանյուսու-
 ստուէր հոգւոյ ծառայի քոյ : **Ե**ւ մեծու-
 թիւ ողորմութիւն քոյ՝ զսաստիութիւն անօրէնութիւն
 իմոյ , որ հարկանէ ցանկ զիս տանջեալ անբը-
 ժչկական խղճիւ , քաւեա՛ բա՛րերար անձ :
Ի գլորմանէ մեղաց կանգնեա՛ զիս , և զվերս
 անձին իմոյ բժշկեա՛ : **Ս** պատճառն չարեաց
 իւրովք նենգութիւնքն , և զանձ պատրանս խա-
 բէութիւն որա մերժեա՛ յինէն , և զհաւանութիւն
 անմտութեան իմոյ անտե՛ս արա և մի՛ յիշեր :


Մեծապէս անօրինեալ ցասուցի զկամն
 քաղցրութիւն քոյ , և ո՛չ իշխեմ՝ համարձակա-
 պէս մատուցանել աղաչանս առաջի քոյ , յիշե-
 լով զոր ինչ գործեցի . գուցէ անարժան գո-
 լով և լի աղտեղութիւնք՝ դառնացուցից միւսան
 գամ զամենասուրբ կամն քո : **Բ**այց նեղութիւն
 տարակուսանաց անձին իմոյ , և տնհրաժեշտ եր
 կիւղ վրէժխնդրութեան՝ իշխել կալ առաջի քոյ
 հարկեցուցանէ զիս , մանաւանդ անխմանալի
 քաղցրութիւն քո , և անեզրական սիրոյ վստահութիւն

Եւ արդ՝ ողորմած՝ տե՛ս որքան պէտս
 ունիմ մարդասիրութիւն քում . և հայեաց՝ որ-
 քան սաստիկ են վերք անձին իմոյ թշուառա-
 ցելոյ : **Մ**ատիր խոնարհութիւն կարճող յանձն
 բժշկել զանբժշկելի հարուածս անձին իմոյ .
 քանզի հնարաւորք են քեզ անհնարինք : **Ե**ւ
 քեզ փառք և երկրպագութիւն ընդ հօր և ընդ
 որդւոյ այժմ և միշտ և յաւիտեանս , ամէն :





Յիսուս փրկիչ յարուժեամբ քո,
ղմուռալ հոգիս կենդանա ցո՛ւ :



Մաղթանք զօրաւորք հաշտեցուցիչք ւն՝ եօթնեակ թուով
ըստ եօթնեակ աւուրց շաբաթուն • յաղօթամատոյց գրոց
սրբոյն Գրիգորի նարեկացոյ :



ԿԻՐԱԿԻ ԱՒՈՒՐ

Ի ԽՈՐՈՅ ՍՐՏԻՅ

ԽՕՍՔ ԸՆԴ ԱՍՏՈՒԾՈՅ

Բժ • Ժ :

Ա • Մեր աղաչեմ զխնամակալդ վտանգա-
ւորաց տաժանելեաց կրից թաղծութեց հոգ-
ւոց վշտացելոց : Մի՛ յաւելուր հեծութեանս
ցաւ • մի՛ խոցեր զվիրաւորեալս • մի՛ դատապար
տեր զպատժեալս • մի՛ տանջեր զչարչարեալս •
մի՛ գաներ զհարուածեալս • մի՛ գլորեր զան-
կեալս • մի՛ կործաներ զգայթակղեալս • մի՛ մեր
ժեր զհեռացեալս • մի՛ տարագրեր զհալած-
եալս • մի՛ ամաչեցուցաներ զպատկառեալս • մի՛
կշտամբեր զհարթուցեալս • մի՛ խորտակեր ըզ
բեկեալս • մի՛ խուովեցուցաներ զամբոխեալս •
մի՛ ալեկոծեր զբքացեալս • մի՛ սասանեցուցա-
ներ զգլորեալս • մի՛ շփոթեր զմրրկեալս • մի՛

կէղէքեր զգիշատեալս • մի՛ ջախջախեր զբեկեալս • մի՛ գօշեր զմորմոքեալս • մի՛ կուրացուցաներ զխաւարեալս • մի՛ զարհուրեցուցաներ զսպշեալս • մի՛ խորովեր զխարշատեալս • մի՛ մահացուցաներ զհիւանդս • մի՛ բեռանց ծանրութեան մատներ զտկարս : Մի՛ անուր յաւելուր կարկամեալ թիկանցս • մի՛ կրկնակի ողբումն գառն հէծութեւս • մի՛ ուժգնապէս վարեցիս առ հողս • մի՛ սաստկապէս առ մոխիրս • մի՛ անաչառապէս առ ստեղծուածս • մի՛ ահարկութիւն առ փոշիս : Մի՛ ընդ հարկանիր խստութեամբ մեծդ ընդ փոքուս • լոյսդ ընդ ստորնականիս • բնութիւն բարիդ ընդ ՚ի բնէ չարիս • ողկոյզդ օրհնութեւն ընդ պտղոյս անխիճից • քաղցրութիւն կապէս ընդ համայն դառնութեւս • փառաւորեալդ անփոփոխ ընդ ամենեւին անարգիս • կենացդ նշխար ընդ կաւոյս զանգուածոյ • ատէրդ ատերանց ընդ տղմիս երկրայնոյ • աննուազ լիութիւնդ ընդ չքաւոր սարկիս • անկապուած ճոխութիւնդ ընդ անպատասպար տառապելոյս • անկարօտ բարութիւնդ ընդ ամենաթշուառ աղքատիս : Վանդի նմի՛ ոք հասեալ յառաւօտ • և ՚ի ծագման լուսոյն խիթոյ մթանալ • և կամ ընթերակաց կենաց • մահանալ • կամ ազատուիլ և պարտաւորիլ • կամ շնորհաց և դատապարտիլ • կամ փրկութեւն և մատնիլ • կամ նորոգման և եղծանիլ • կամ օրհնութեան և տարագրիլ • կամ բժշկութեւն և մկրաւորիլ • կամ լիութեան և նուազիլ • կամ յաճախութեւն հացի և քողց-

Նուլ . կամ գետոց հոսանաց և պտսբիլ . կամ մայրենի գթոց և նենգիլ . կամ խնամոց աստուածեան աջոյդ և զզուիլ :

Բ . Աւարդ՝ ընդ ամտացելոյն սաստկապէս մարմնոյն բորոտութիւն , հոգւոյս վտանգաւ և ես պաղատիմ , տէր եթէ կամիս , կարողես զիս սրբել : Քնդ աչացաւացն նեղելոց մշտագիշերն խարխափանօք՝ մեծակական ձայնիւ հառաչեմ . ոչ որդի անուանեմ դաւթի , այլ ծնունդ էիդ ոյ դաւանեմ . ոչ միայն ռաբբի կոչեմ , որ վարդապետացն է պատիւ՝ կարծողական զիսկն գիտելոյ , այլ տէր երկնի և երկրի հաւատամ : Ա՛չ ձեռինդ միայն ձգմամբ հպաւորութեան սվ բարեգուծ անմերձաւոր , այլ ՚ի բացեայ գոլով միջոցաւ մեծաւ ակնունիմ զօրել քո բանիդ առիմ բժշկուի : Ա՛չ թէ ինչ խտրոց կասկածանաց միջոցի բանի , որ երկմտութեն կարծի նշանակ՝ ՚ի մեջ արկանեմ կամելոյն և ողորմութեն , այլ կամիս որպէս բարեգուծ , և կարես որպէս զարարիչ , ասա՛ բանիւդ և բժշկեցայց : Քնդ հարիւրապետին հաւատոց և ես լծակցեմ . ոչ մինչ անձուկ միայն բացակայութիւն հեռի լինելով խորան ՚ի խորանէ՛ հաւատամ ազդել քոյ կարողութեդ առ յարութի և բժշկութի , այլ ՚ի վերինն երկնի բազմելով , և ՚ի ստորինս երկրի բովանդակ առ հրաշիցն սքանչելութիւն՝ ոչ ունիմ հատուցանել :

Գ . Անորհեա՛ ինձ , որոյ գատակնիք բա-

նին քո վճռեաց առ պոռնկին ընդունելու թի՛ն
 հնգից հարիւրոց գենարաց պարտուց շնորհա
 բաշխութի՛ն անբարութեց և տէր երանու-
 թեց, որ յաճախն ընձեռել՝ բազումս փառա-
 ւորիս . և ՚ի շատն մատուցանել՝ նովին չափ սի-
 րիս . և յառաւելն ողորմել՝ կրկին բարգաւա-
 ճիս . և յայսքան բարիս՝ իրաւամբք գովիս . և
 ամենայնի տէր գովով՝ հաւասարորդ ճանաչիս .
 և որ զբողորն ունիս՝ ընդ մերումս կշռիս . և
 անձառելեալ ձրիւ՝ մերայնովքս վճարիս .
 և ընդ երկրաւորիս՝ զանվախճանն պարտ վար-
 կանիս . և մեծագրեալ քո զմերն՝ վէհս գո-
 հաբանիս . և ՚ի սակաւուն տուչութիւն՝ գոյզն
 փառաւորիլ ոչ ամբարտաւանիս : Մ. րա՛ և ինձ
 զնոյն գթութիւն՝ ունողիս զգործս անհամար
 պարտուց . զի և ՚ի ճառս երախտեաց քումդ
 պարգևաց՝ նորին իսկ սակով սիրելն կար-
 գեսցի . և քեզ փառք յամենայնի , ամէն :



ԵՐԿՈՒՇԱԲԱԹԻ ԱԻՈՒՐ

Ի ԽՈՐՈՑ ՍՐՏԻՑ

ԽՕՍԻ ԸՆԴ ԱՍՏՈՒԾՈՅ

ԲՊԻ . ԺԷ :

Ա . Մ^Իրդ ես ծնունդս մեղաց , որդիս մե-
 Տացու երկանց , արդարև անսահման բիւրուց
 քանքարաց տուժից գոլ հատուցանող 'ի մի-
 ռամ աւուր : Մ^Իյլ ոչ թէ սու փորրկու-թիւն
 մարդկային մտաց հայցեմ ներու-թի , այլ տու-
 աննուաղ լիու-թի փրկչիդ յի քի պաղատիմ
 մարդասիրու-թի . որ չէի երբեմն և ստեղծեր .
 չմաղթեցի և դու արարեր . չև ևս եկեալ 'ի
 լոյս և տեսեր . ոչ յայտնեցեալ իմ և գ-թա-
 ցար . ոչ կարդացեալ և խնամարկեցեր . ոչ
 համբարձեալ ձեռն և նայեցար . ոչ պաղատ-
 եալ և ողորմեցար . ոչ կերպացեալ ձայնիս և
 լուար . ոչ հեծեծեալ և ունկնդրեցեր . գի-
 տելով զարդեան դիպուածոյս և չանտեսեցեր .
 նախահայեացդ աչօք նկատեալ զպատժապար-
 տիս չարագործու-թի և յօրինեցեր : Ալ արդ-
 դքս արարեալս , և զքե փրկեալս , և զայսքան-
 եաց խնամոց յանձանձեալս՝ մի՛ իսպառ կո-
 ռուսցէ մեղացն հարուած գիւտք բանասրկ-
 ուին . մի՛ յաղթեցէ յամառու-թես իմոյ մա-
 ւախուղ՝ ներողու-թեան քո լուսոյ . մի՛ սրտիս
 կարծրու-թի՛ երկայնամիտ բարու-թեանդ , մի՛

մահացու մսեղիս՝ ամենակատարդ լռութիւն . մի՛ տկարուիս նիւթոյ՝ անպարտելիդ բարձրուէ :

Բ . Լ՝ Հա կարկառեմ՝ զկարկամեալ բազուկս
 հոգւոյս յանուն քո հըլզօր , արասցես ողջ իբ-
 րև զառաջինն , մինչ ՚ի դրախտին փափկութե-
 ղպտուղն կենաց կթէի : Աշկանդեալ գօսաց
 եալ ՚ի կոր կործանմամբ ընդ կնոջն տագնապե-
 լոյ՝ կայ անուղղելի հոգւոյս թշուառութիւն ,
 ընդ երկիր պշուցեալ մեղացն կքմամբ սատա-
 նայական բուռն կապանօք , զի մի՛ ղերկնայ-
 նոյդ ընկալցի զողջոյն . խոնարհեաց առ իս
 միայն ողորմած , զի բարձրացուցես զփայտս
 խոնարհ բանաւոր անկեալ , և զչորացեալս
 ծաղկեցուցես ՚ի բարի կրօնս վայելչուէ ըստ
 աստուածաբանութեան սուրբ մարգարէին :
 Արպէս զ՚ի ծնէ կոյրն անլուսաւոր՝ չունիմ
 աեսարան , որով զստեղծչիդ նկատեալ զկերպ
 մաղթեցից հըլզօր բարեգութ , միայն դու պաշա-
 պան ակնարկեալ խնամովք անձառ քոյ սիրոյ
 ՚ի շնչական խօսուն քո անօթս , յանէից գոյա-
 ւորութիւն լուսոյ հաստեցես : Ա՛նդ երկոտա-
 սանամեայ չարեօք չարչարեալ վշտագին կնոջն
 տանջեցելոյ՝ գետովք մեղանաց արեան հեղե-
 ղիմ , հայեաց ՚ի բարձանց անմատոյց լուսովդ
 պարածածկեալ , ուր ոչէ քղանցք ձեռաս-
 տեղծական վերարկուի ձորձոյ , այլ տարա-
 ծումն հրաշից ամուրեք զօրացեալ : Ա՛չ օժու-
 թեամբ իւղով՝ պատժապարտս ընդ մեղաւո-
 րին մատուցեալ ադ կենդանաձիր դախց գար :

շապարդ՝ զկաթիլս աչացս վարսիւք հերացս
 ընծայեցուցանեմ, այլ զամբիծ հաւատս՝ ամ-
 բարձմամբ բազկացս՝ ստոյգ դաւանմամբ հոգ-
 ւոյ ողջունիլ՝ շրթանց կափուցմանց զերկիր
 համբուրեմ, խառնեալ հեծութիւն աղբերցս
 արտասուաց՝ բժշկութի հոգւոյս աղբսեմ։
 Մ առնեալ մեղանօք հոգւոյս գոյութի լուծ-
 եալ մեղկութի, և յերկուց կայից միայնակող
 մամբ անհաստատ հետովք, զընթացից գոր-
 ծին՝ նահանջմամբ չարին՝ զհետեականն բար-
 ձողութիւն շինուածոյ մարմնոյս՝ առելս ծա-
 ուոյն կենսառիթ ստղոյն խափանեցելոյ, պա-
 տապարեսցէս անդրէն վերստին միայն հնարա-
 ւորդ առ ՚ի փրկութիւն։ () փառաբանարան
 հաստուածոյ կերպիս ՚ի բէն եղելոյ՝ ամբա-
 փակ խցմամբ համրացոյց արգել հողմ բան-
 սարկուին, հոգիդ քո ազդեալ մեծդ ողորմու-
 թեամբ, ըստ յաւետարանին բժշկեցելոյ, հրաշափառապէս բարեգործեցէս բանդ կեն-
 դանի՝ ինձ խօսողուի անսայթաքելի։ Անկեալ
 կամ չարեօք ՚ի մահիձս ախտից ընկողնոց մե-
 ղաց՝ դի կենդանի և խօսուն մեռեալ, կարեկ-
 ցեալ իմուամ թշուառութի ողբականօք քըք-
 ուանաց ձայնից ո՛վ բարերար որդի նոյ, օրհ-
 նաբանեալ աչացդ ցօղով վերականգնեցէս ՚ի
 կենդանութիւն, իբր զսիրելին ՚ի յանձնչական
 մեռելութի։ Ասոյգ գառնացօղս ՚ի գբի մե-
 ղաց կամ տարակուսեալ, ձեռն մատուցեալ
 օրկ անատուեր որդի բարձրելոյ, հանցէս զիս

՚ի լոյս քուճի նշուլից : Մնդ աղիողորմ թշուա
 ւուութեան կականման ձայնի այրւոյն ՚ի նային
 մօր միամօրին , տատանմամբ մատանցն , կոծ-
 մամբ կրծիցն , հասմամբ արտասոււացն , տուայ-
 տանօք տխրութեան դիմացն՝ և ես պաղատիմ
 վերջին հեծուութիւս , տեւր յուսահատելոյս ըզ-
 քաջալերութի միսիթարութե գթած քո բա-
 նիդ , տսելով և ինձ գովեալդ բարի ստեղ-
 ծիչ սշխարհի , թէ մի լար գերի բազմաց ող-
 բալի • որով ընդ պատանւոյն կենդանա-
 ցելոյ ՚ի վշտացելոյ ծնողին սիրփանս՝ զա-
 մենապարտ ոգիս ընկալայց ՚ի քէն ընդ նմին
 կրկին նորոգեալ Մնդ այսակիր անդգայելոցն՝
 գիւտալուկ և քարակոշկոճ հեղձամղձուկ եղ-
 կելի անձանցն , քսամենելի գիսախուլու հերացն ,
 վայրենեբեա բանդագուշելոցն՝ ՚ի քէն ողոր-
 մեալ փրկիչ բոլորից , իբրև զնոսին առ քեզ
 գիմեցից • հերքեալ մերժեացեա զգունդս չա-
 րացն ապականողաց ՚ի քո խորանէս , զի ժա-
 մանեալ հոգիդ քո բարի այսրէն հանգիցէ ,
 լցեալ զմարմինս մաքրութի շնչոյս՝ զգեցմամբ
 անդամոցս՝ զգաստ արասցես զխելագարեալս
 ամենաթշուա : Մնդ գերեցեալ դժօխաբնա
 կաց վտարանդելոցն հոգւոց՝ արգելեալ կամ
 ՚ի վտանգի • զձառագայթ ողորմութե փառաց
 քոց ծագեալ , լոյսդ իմ անձկութեան՝ ՚ի կա-
 պանաց օցտողին զերծեալ զիս ապրեցուսցես :
 Վաղանորոգայթ աներևութեբաի վրիպակ ա-
 րահեա գարշութեամբ մեղացս ջրգողեցեալ

ոգւոյս կերպարան՝ կայ ՚ի տագնապի . զժամ-
 կեցեալն ՚ի տեսողութեց զչարագործին նիւ-
 թիցն այտուցմուէնս , քո ինքնաւորդ զօրեղու-
 թեամբ օրդի սատուծոյ՝ գթածաբար առող-
 ջացուցէս : **Օ** բազմազան տարազս ցեղիցն
 զանազանից ախտաւորութեանց մահացուցա-
 նողաց՝ իւրականօք կորստեան բերիւք՝ դժըն
 դակարման շառաւեղօք հաստատեցելովք ՚ի
 յտնդաստանի անօրէն մարմնոյս , տարակորդէս
 ցէս ՚ի ձեռն ձեռինդ ամենակալի . որ արօ-
 րագրեալ միշտ և մշակես զսահմանս հոգւոց
 առ բանիդ կենաց արդիւնատրութիւն :

Գ . Եւ բանզի անցաւ ըստ նմանութիւն
 օրինակութեանց յանցուածոցս վէր , ըստ ճա-
 րակօղն քաղցկեղի առ բնաւ անդամս մասնա-
 ւորեալ զախտին տարածումն , չիք սպեղանի
 իբր իսրայէլի առ անչափութիւն խարանացն
 մատուցանել . ՚ի խարսխաց բարձրցս մինչև
 ցափն կառուցման լրութեան անդամոցս չէ՛
 առողջութիւն , այլ ամենևին անբժշկութի :
Իսկ դու օղորմած բարերար օրհնեալ , և եր-
 կայնամիտ թագաւոր անմահ , լըւր պաղատա-
 նացս արգահատութեան սրտիս վասնդի , որ
 կարդամս առ քեզ տէր ՚ի նեղութեան :

ԵՐԵՔՇԱԲԱԹԻ ԱՒՈՒՐ

Ի ԽՈՐՈՅ ՍՐՏԻՅ ԽՕՍՔ

ԸՆԴ ԱՍՏՍԻԾՈՅ

Բ. Կ. Ը. :

Ա. Այլ արդ տէ՛ր զօրութե՛ց, մեծութիւն
 տէ՛ր, անտարակոյս տեսաւորութիւն, կամք
 ամենընդարձակ, առատութի՛ անպակաս, ո՞վ
 ոք զօրեսցէ տօնել հանդիսիւ պարերգութե՛ք՝
 ՚ի միոյ կաթուածոյ ցօղոյ քուամի բարութե՛ք,
 որ ցանկ դեգերիս պատրաստել պատճառս
 հնարից իմու՛մ փրկութեան: Այլ զոր մեծն է
 գրեցից պատմել յապառնիան. քանզի ո՛չ ան-
 ուանեցար հրեշտակասէր, և որ զպետութիւս
 նոցունց հաստատեցեր. այլ և զերկինս զամբա-
 րօք նոցին զմատանց քոց գործ, ո՛չ գրեցեր
 երբէք սիրել զնոսա. այլ աւեր ՚ի պատիւ մե-
 ծաց գովեստից առաջին դասեալ զմարդասի-
 րութիւնն: Այն որոյ կրկին մեծացուցեր
 քեզ անուն անձառ ՚ի խորհուրդս սոսկալիս.
 զերկնայինս լուսակերպիցն կոչեցեր զնոսին
 սպասաւորս և գլխաւորս յատուկ մատակարա-
 րութեանց. իսկ զատորնային ծնունդս մահ-
 կանացուաց՝ տիրական և անձական պաշտելի
 անուամբք պերճացուցեր: Անցեալ վերստին
 ըստ սահման կշռութե՛ք չափոյ, լայնեցեր քեզ
 կտակս գրոց ճառից անբաւից՝ զանսպակ ծոր

մանն ճայրագունին վերնուժ բարութեանն 7
 Աւս և ՚ի մարդանալդ քո միդ յեութենէն ,
 ոմանց վասն ինքեանց , և կիսոց վասն այլոց՝ զե-
 դեր առատութիւն զտուրս կենաց , արուեստս
 բազմօրինակս , սքանչելիս անժագործս , նշանս
 ճշմարտատեսիլս : Արպէս զի թէ անդամալու-
 ծին պակասելոյն ՚ի հաւատոցն , հոգաբարձացն
 առաջարկութեամբ զցոյցս յուսոյն՝ գթաց-
 եալ ողորմեցար , և ո՞րչափ զօրեսցէ առաւել
 բան քո ամենակար՝ առ ախտալից մարմնոյս
 մաքրութիւն աղաղակողիս հառաչման . քանզի
 արդարև մեծ են չափք հրաշից՝ քան զանմաք-
 րեալս հոգի՝ սբ հաստել , զլուացեալս պատ-
 կեր՝ անտիրելի աղաղ ներգործել . նա զի և
 երկրորդս առաւելուք յաւազանին շնորհ յա-
 ճախեալ՝ զփառսն հայրենի բարձրացուցանէ :

Բ . Դու ես տէ՛ր որ սրբես զմեզ , որպէս
 ընարեցելոյն քո նախատպաւորեցեր մովսէսի .
 դու ես , որ ՚ի մեզս և յանօրէնութիւս վերա-
 կացու եղեր տոհմին յակոբայ , մինչ յեզկուդ-
 տացուցն երկրի ընդ խաւարն հեթանոսաց ըն-
 տանենային : Դու ես , որ օրէնսգէտ առնես
 զմեղաւորսն ՚ի ճանապարհի ըստ բանի երգո-
 ղին դաւթայ . դու ես , որ փոխաարես զքա-
 րեղէն սրտից կարծրութիւն ՚ի լոյծ կակղութե-
 մարմնոյ գոյութե՛ն՝ բանի ընդունելութեան :
 Դու ես , որ բաւես ընձեռել սիրտ այլ , և
 ճանապարհ մի երկնչել ՚ի քէն զբովանդակ կե-
 նացն սահման , դու ես , որ տաս զերկիւղ քո

ի միտս խստութե՛ն առ քեզ ուշ ունեւ հաւատովք, ըստ մարգարէիցն ձայնի :

Գ . () ջօրհնեալ քո շրթանցդ զաշխարհաստեղծ բերանոցդ՝ զանձեղէն անձրեացդ զկեցուցանողդ կաթուած, մատն լելեացս դրանց բացարան, որով զօձին խորամանկութի բանասարկուին թիւնից բարձցես և բժշկեսցես : Մե՛նակալդ ձեռօք՝ զխօսնականացս շարժողս կան գործի ըմբռնեալ՝ ազդեալ զօրութիւն ձայնի, որ տաս բնաւից ընտրութիւն բանի . զի դաստիարակեալ զպատշաճականն՝ մի՛ յանդգնաբար խօսելով իբր զնախնին՝ լքայց ՚ի յուսոցդ, և անբանութեան մատնեցայց վանեալ յորսողէն : Սուսաւորեալ վերստին զխաւարեցեալ հոգւոյս աչս՝ կենդանաբաշխ աջոցդ կարկառամաբ, զի մի՛ համարձակութեն շիջեալ լապտեր շնչամաբ վիշապին՝ ՚ի ներքոց գրուանին ստորածածկեցայց : Բարձ զանօրէնութիս իմաէր, և ընկեալ ՚ի խորս ծովու . որ է փոքր առակ մեծութեան քումդ անբաւութեան՝ ըստ մարգարէին, զիմս ընկզմել շարութիւն : Կանգնեալ կործանեալս անձին՝ նշան վատահութե՛ն, զի մի՛ յուսահատութեն կոթող կառուցեալ՝ զծածկեցելոցն բողոքեսցէ : Բաց հը՛զօր և գթած՝ զբժշկարանիդ կենաց վարդապետարան, զի զառ ՚ի ներքոյսն մշակութեան կորուսչին սերմանց՝ մանկաղաւ կամացդ հուպ առ արմատ խուղեալ հնձեսցես : Դեմ՝ եղեալ հետեւել առ քեզ բողոքիցդ անձ

պէտրոսեան օրինակութիւն , 'ի կենցաղիս ծո-
վու մեղանացս ալեաց ընկըուզայ . մատո՛ ժա-
մանեա՛ զաջդ կեցուցիչ յօգնականութիւն ինձ
սասանեցելոյս : Բնդ քանանուհւոյն ձայնի 'ի
խորոց սրտիս ստղատիմ , սովեցելոյս ասպակա-
նասպաս կաղկանձողական ամենաթշուառ վը-
տանգաւորիս , ապրուստ կերակրոյ փշրանաց
հացի 'ի բազմաղէղդ քո սեղանոյ մասնաւորես
ցէս : Արա՛ փրկութիւն նիւթոյ խորանիս որդ-
ւոյս դաւանութե՛ , որ եկիր խնդրել և կեցու-
ցանել զիս զկորուսեալս : Օ՛ ի քո է մեծու-
թիւն , յաղթութիւն և զօրութիւն , և դու ես
քաւութիւն և բժշկութիւն , նորոգութիւն և երա-
նութիւն , և քեզ վայելէ փառք և երկրպագու-
թիւն յաւիտեանս , ամէն :

ԶՈՐԵՔԱԲԱԹԻ ԱՒՈՒՐ

Ի ԽՈՐՈՅ ՍՐՏԻՅ ԽՕՍՔ

ԸՆԴ ԱՍՏՈՒԾՈՅ

Բան . կգ :

Ա . Բարերա՛ր և բազմադութ , մարդասէր
և երկայնամիտ՝ միայն թագաւոր , ընդ հօր
քում պատուեալ և օրհնաբանեալ տէր ամե-
նայնի , որդի նոյ կենդանւոյ : Բնպատճառդ
միշտ իմում կորստեան , որ ամենեւին անփորձ

ես 'ի չարեաց , որ ոչ կամիս զմահ մեղաւորի ,
 որ փրկուածի են 'ի քոց կամաց ընծայեցեալ ,
 որ դարձուցանես զմրրիկ մեղաց 'ի յօդ քա-
 ւուածի . որ զհուր բարկուածեան յանձրե փո-
 խարկես : Ար զժեանեալ զկինն 'ի բարեաց՝
 կրկնակի գոյիւ նահանջեր՝ երկեակ բնուածի
 'ի նոյն արձանի , ոչ իսկապես ընդ անպարա-
 սըն , և ոչ համայն ընդ պատժաւորսն : Ար զլու-
 ծուածիւն ծովուն սահանաց , իբր զկարկառս
 քարանց կառուցեալ յեղանակեցեր : Ար ըզ-
 կարծրանիւթ վէմն անապատին , 'ի վիժակս
 վտակաց հոսեալ բղխեցեր : Ար զյորդանանու
 ջրոյն սրաշարժ վայրեկուածի , հրաշաւոր անդ-
 րադարձուածեամբ՝ 'ի յեանորդս հեթանոսաց
 լուացումն աւազանին 'ի թիկունս առաքեցեր :
 Ար զպատուաստեալ պարիսպն երիբովի , յօրի
 նակ կործանման բռնուածին սատանայի՝ իբր
 զթեթևուծի յարդի ցնդեցեր : Ար զվնասա-
 կար ջուր նորին , 'ի յառակ այլայլուածի առ
 'ի բարին փոխարկուածի՝ քանանացւոցն փրո-
 կուածեան՝ խորհրդական աղիւն համեմեալ ա-
 նուշեցեր : Ար զմեռային դառնուածիւն , իբր
 զմտաց անհաւանուածիւն , կենացն փայտիւ 'ի
 քեզ յարմարեալ պիտանի արարեր : Ար զառ-
 եալն 'ի գեաոյն , 'ի գծագրուածի անսահմանդ-
 քո հրամանի անորակիդ գունակուածի՝ 'ի նոր
 երանդ բոսորային՝ մածեր արիւն 'ի ցամաքի :
 Ար զանկենդան ցուպ գաւազանին , 'ի կերպա-
 ուածիւն առ 'ի զքոյդ մերովս նկարադրիւ :

այլ և յօտարազնիցն ընարուծիւն 'ի տիպն առ
պաթոյն կերպիւ վիշապի նմանեալ ցուցեր :
Որ զերջանիկ ձեռն աջոյն մովսիսի , 'ի ցոյցս
տեսուծե տպագայիցս հրաշից մարդեղուծեդ
քո բարձրեալ , և քե՛ւ ակառաւոր մարմնոյս մա-
քուր լինելոյ անփոփոխ փոխատրուծե՛ք՝ կրկին
գուշակեցեր : Որ յայսքանեացս շրջադրուի ,
բարեխնամապէս արուեստիւ սիրոյ զանակնկա
լն գիւտ մեղաւորաց կորստականաց նշանա-
կեցեր՝ օրհնեալ ամենագուծ :


Բ . Որ բուսուցանես յերկրէ դաւարի ,
զմեռեալն յանշնչականէն . որ զանշարժն իբր
զընթացօղ կառավարես . որ յանարգ արգան-
դէ կոչես քեզ պատկերակիցս . որ ասս պա-
տանեկաց աղօրիս ըմբոշխնելիս , որ յայտս մա-
քուրս հերս ընծայես . որ զսաղարթ սեուծե՛
վարսից 'ի ձեան կերպարան զարմանագործես ,
ցուցեալ թէ առ ամ սահման հեռաւորական՝
յաղթօղես հըղօր . որ փոփոխես զշրթունս
բնաւորականս՝ ըստ բանին յօբայ , 'ի կամս հա-
ւատարիմս : Որ սասանես զերկիր , և զսիւնս
նորին 'ի հիմանց , նշանակեալ հաստուածին
գոյիւ՝ թէ դձու միայն մնաս անկորնչելի . որ
հոլովես զտարերս իբրև զանցաւորս , և դարձ-
եալ 'ի նոյնն կապես իբրև զյարակայս . յայտ
արարեալ՝ թէ և առ մեղաց բազմուծի՛ դիւ-
րապէս ունել կամ թողուլ գոյնպէս զօրա-
ւոր իցես : Որ զարուսեկին անզգայ էուծի՛
իբր երասանաւ իմն դաստիարակես , երևե-

ցուցեալ այնր իրի կերպիւ՝ թէ զբնուածէս չար դիմեցումն՝ յորժամ և կամիս՝ հանդարտ առնիցես : Որ զանբարբառ բոլորակ լուսնին կարգես ունայնս և պատարունս . լուսաւորեալ զպատճառն առաւետիս տեսողաց՝ թէ ՚ի նուազուածէ՛ բարեաց զպարտաւորս մարմին՝ դու ածես ՚ի լրուածի՛ առաջնաստեղծ հարբատուածէն : Որ զպատակերս անխօս աստեղաց , իբր զդասակս դոյզն հօտից տրոհես և ժողովես . յոյս իմն կենաց առայս խորհրդաբերեալ՝ քաղցրահայեաց տեսուծի , թէ և անազաւորաց լեզուաց կարողապէս բաւես ողորմել : Որ ՚ի մէջ մահու և կենաց՝ շաւիղ վստահուածէ՛ ուղղես ՚ի ծովու . վկայուծի՛ եղեալ հաւաստի , թէ և յանկասկածաւորն վայրի քե պաշտպանիմք անգայթագղելի . որ իբր զջուր կածասայից ՚ի հրոյ եռացեալ , որպէս զմեղաց մըրիկ պղտորեալ՝ բանիւ կամաց քոց խափուցանես : Որ հայիս յերկիր և տատանես զսա , զի անբանիւն զմտաւորս զգաստացուցանես . որ իբր զակատ մի անձուկ նաւի՝ ՚ի վիճարժուածէ՛ ալեաց՝ զանբաւ թանձրուծիւն գեանոյս դղրդես , որով ծանուցեալ լինիս ամենից հաստուածոց՝ թէ իցես աներկբայելի , որ ՚ի բան քո զօրեղ՝ հիմնացեալ ունիս զամ : Որ սերմանես զարտաշնչացեալ մարմինս յերկրի , և զնոյն անկորուստ պահեալ կրկին կենդանածնես . որ ապականացուս աւանդեալ անեղծս ստանաս , որ ընդ մահացու նիւթոյս

զնշխարդ կենաց խառնես • որ հրամանաւ տկ-
 նարկուծէ՛ ՚ի խուռն վայրկէնի կազմեցեր՝ պատ-
 րաստ կացուցեր զանզարգուծի՛ ամենից եղա-
 նակաց : Քն է զօրուծիւն և կարողուծի՛ , որ
 շքանակես զժամանակս ամաց հոլովման ա-
 լուրց՝ յայլ նմանուծիւն բարեպատեհ տեսո-
 ղուծէ՛ : Ար կարդաս զանմուռնչսն իբրև զկեն
 դանիս • որ ազգես միայն , և նորս ընթանան •
 որ միայն հենուս անկանես անձառ արուես-
 տիւ հնարագիտուծէ՛ մէգ և առաւօտ : Ար
 յեա նախակարգ յօրինուածոյն առաջնաս-
 տեղծ լինելուծէն , արարեր զփառաւորեալսն
 մեծամեծս հրաշակերտիցն հանդիսից , ըստ
 գրոյն երջանկուծեան կտնխահացն զարմաց-
 ման , այլ իմն գոյացուծիւն տօնելի տեսակի՛
 տնեղծ աշխարհագործուծէ՛ ևս քան զսոյն՝
 ՚ի մարդանալդ քո , որոց սչ գոյ թիւ :

Գ • Ար ահա զփեսան մեր քեզ գրեցեր •
 որ զարդարուծին քո մեզ շնորհեցեր • որ ընդ
 քեզ կրեցեր զհաշտուծէն մերում փրկանակ •
 որ սչ երբէք լքանիս յողորմուծենէ • դարձն
 զամբարշտեալս՝ ՚ի պաշտօն բարի երկիւղի ,
 զթմբբեալս՝ ՚ի զգաստուի արթնուծէ սրտի •
 զանմարուրս՝ ՚ի սրբուծի՛ պայծառուծէ կեր-
 պարանի • զբազմաբիծս՝ յանբժուծի՛ հանդար-
 տական նբ պտակերի • զբեկեալս՝ յողջուծի՛ ,
 որ ՚ի դիպմանց սչ խորտակի • զլացեալս՝ ՚ի
 խնդուծի՛ զուարթուծէ՛ անտխրելի • զյուսա-
 հատեալս՝ ՚ի սեր միաւորիչ անբակտելի • զա-

մնչեցեալս՝ ՚ի վստահութի հաստատութեանն
 շարժելի • զխաւարեալս՝ ՚ի լոյս երանութեան
 անմեկնելի • զմահու գերեալս՝ ՚ի կեանս , որ
 ընդ եղծմամբն ճշանկանի : Սի փառաւորես-
 ցի անունն քո յիսուս՝ խոստովանեալ յամի ,
 ընդ հօր և ընդ հոգւոյդ սրբոյ՝ ՚ի բարձունս
 երկնի և ՚ի ստորես երկրի և ՚ի բնակիչս նոցա ,
 յաւիտեանս յաւիտենից , ամէն :



ՏԻՆԳՇԱԲԱԹԻ ԱՒՈՒՐ

Ի ԽՈՐՈՅ ՍՐՏԻՑ

ԽՕՍԻ ԸՆԴ ԱՍՏՈՒԾՈՅ

Բան • հա :

Բ • Եւ անպիտանս յամի , և իբրան
 բան զօրե պարսաւեալս , որ մինչդեռ արթունս
 էմ՝ նիրհեմ • մինչդեռ զգաստ երևիմ՝
 թմբբիմ • ՚ի բարեպաշտելս իմում գայթաղ-
 դիմ • մինչդեռ աղօթեմս և վրիպիմ • ՚ի յընթա-
 նալս իմում և կասիմ • յարդարանալս իմ և
 մեղանչեմ • ՚ի խաղաղանալս իմում ամբօխիմ •
 մինչդեռ արչաւեմս՝ առ ՚ի յեաղոյսն հակամի-
 տեմ • ՚ի չուելն իմում՝ ընդ կրունկն դառնամ :
 Նդ լուսոյն մասին և խաւար յարեմ • ընդ
 քաղցրութենն ճաշակ օշինդր խառնեմ • ընդ
 կուզս բարեացն չարիս հիւսեմ , ընդ կանդ-

նեւն և կրկին գլորիմ: Պատղկիմ և ոչ պաղա-
 բերիմ. ասեմ և ոչ առնեմ. խոստանամ և ոչ
 կատարեմ. ուխտեմ և ոչ վճարեմ: Արարեմ
 և անդրէն ամիսփեմ. ցուցանեմ և ոչ ընծայ-
 եմ. մերձեցուցանեմ և ոչ մատուցանեմ: Ի ճա-
 րակէլ խոցուածոյս՝ անդրէն վերաւորիմ. Ի
 հաշտեցուցանելն՝ վերստին խռովեմ. զուր
 հանդիսանամ, և իրաւամբք պարտաւորիմ.
 գրիմ, և իակոյն եղծանիմ. նաւեմ, և ՚ի գիծն
 թուլանամ. սկսանիմ, և ՚ի հանգիստն ոչ ժամա-
 նեմ: Արգիմ, և դարձեալ սասանիմ. ընանիմ,
 և կրկին հեղում. շարունակիմ աստ, և անդ ՚ի
 ստորևս հոսիմ. բարդիմ, և անդէն առչորիմ:
 Հիմն արկանեմ, և ոչ գլխաւորեմ. սակաւ
 վաստակիմ, և բիւբս վատնեմ. գոյզն գանձեմ,
 և անթիւս սպառեմ: Այլս խրատեմ, և ետ
 ինքն անփորձ եմ. միշտ ուսանիմ, և երբէք ՚ի
 ճշմարտուի գիտութի ոչ հասանեմ: Այլ շիջ-
 եալ չարիսն՝ նոյն չափ արծարծեմ. սուղ ինչ
 քաջալերիմ, և առաւելապէս լքանիմ. լարիմ,
 և իսկ և իսկ առ նմին մեղկիմ. զայս կարկա-
 տեմ, և զայն պատահեմ. իլեմ զեղիճն, և
 ատասակ տնկեմ: Ի նդ ամբառնալն՝ և այսրէն
 բերիմ. մտեմ ՚ի բոյնն աղաւնի, և անառւստ
 ագուաւ ելանեմ. գամ սակաւ մի սոլխտակ, և
 սրանամ դառնամ բնաւին սեւացեալ. ասեմ
 զիս քեզ դաւանել, և սպանողին նուիրիմ.
 Ընդ յանդիման լինելն, և թիկունս դարձու-
 ցանեմ: Ապրիմ, և այլ մրձաթիմ. լուանիմ:

և նովին զազրանամ. կերպարանիմ զդաւթին ,
 և գործք զսաւուղայն կատարեմ . շրթամբք
 ճշմարտեմ , և ստեմ երիկամամբք . աջովս մա-
 տակարարեմ , և ահէակ կողմամբս տւերեմ :
 Բնդ երկրագործութե ցորենոյն՝ որոմն սեր-
 մանեմ . ՚ի բարձրագոյն իմաստիցն՝ վայր իջեալ
 ես ինքն գտանիմ : Հրեշտականամ յերեսս , և
 ՚ի խորհուրդս գիւանամ . ՚ի յոտս հաստառիմ ,
 և ՚ի միտս տտանիմ . սուա ձեանամ , և իրօք
 խոտորիմ . կեղծաւորիմ արդար , և արդեամբք
 ամբարշտեմ : Վասիմ ՚ի պարս հեղոց , և ընդ
 այսս կարեալեմ . ՚ի մարդկանէ գովիմ , և ՚ի աե-
 սողէգ պարսաւիմ . ՚ի հողածնելոցս երանիմ ,
 և յորդուոցն լուսոյ աւտղիմ . հաճոյանամ յետին
 սամիկին , և թագաւորիդ մեծի յաչաց ելանեմ :
 Աստեանն դատաւորին թողեալ , խառնակրօ-
 նիցն աղերսեմ . հերքեալ ՚ի վէհիցն , սոսկակա-
 նացն սպրդիմ . մարմնովս արատքուստ պճնիմ ,
 և անձամբս երփնիւ ճային ճանաչիմ . հպաւո-
 րիմ դաշն հաստատել , և ուխտակորոյս արատքս
 մերթիմ : Վսօր մարքուր հոգեկիր , և վաղիւ
 մոլի խելագար . զաէրունի պտտուերն լքեալ ,
 թելադրութեան օձին հեռեիմ . արիանամ զօ-
 րապէս , և վտաթարագոյնս ընկրկիմ . զծան-
 րութի աւուրն բառնամ , և ՚ի ժամ վարձուն
 անմասն ելանեմ . ՚ի բացուստ ճուռմն խօսիմ ,
 և ՚ի պատասխանատուութեն պահու պատանձ-
 եալ կարկիմ . ՚ի յերս արևուն հարուստ երե-
 ւիմ , և ընդ երեկս ունայն գեգերիմ : Վսա-

Թոռս Տերոց բազմեալ, և խելայեղից կցորդիմ. ննջեմ խեթիւ, և արհաւրօք զարհուրեալ զարթնում: Օ անդաստանս կտմնցս՝ չարաչարս հերկեմ. փոյթ խնամով ՚ի չարիս. միշտ անառակ որդիս. անդարձ տարագրեալս. անզղջական զառածեալս. անմխիթար տրտմեալս. ինքնագրաւ գերեալս. մահու և ապականուծե՛ ծառայեալս. անողորբելի տանջեալս. անփրկելի մատնեցեալս. անպատուաստելի հասուածեալս. անարծարծելի շիջուցեալս. անկաղդուրելի խորտակեալս. անհանդերձելի կործանեալս: Աւ եթէ պարտ է զսաստիկն աստանօր ասել անօրինեալս անձին նախատինս, ահա գրեմ, գրեմ և ոչ անխայեմ ՚ի խուլս նիւթեալ գեհէնին: Ստացուածս նախանձու նորոյս աղամայ երկնայնոյ, որպէս և կայենն առաջին՝ հնոյն և հողեղինին. որ ունիմ զբնաւն աստուստ ՚ի յանձին զնշանակամբաստանութեւս, ոչ զշնչոյս տուրևառուի, այլ զբանիցս կշտամբուծիւն:

Գ. Աւ արդ ո՛ր իցեն փրկութիւնքն, ուր սկզբնահայրն հաւատոց՝ ՚ի յուսահատութեւն վայրի զանգթութեւն իմ չարիս կրկնէ. մեծն մարգարէից՝ քարամբք բանից կոշկոճէ. արին բարեփառ՝ աշտէին նիզակաւ ՚ի մահ սատակէ. պատկեր ճմարտին՝ ընդ արարու համայնիւ ջնջէ. անարեալն վէհից՝ յարագողացն վրիժուց մատնէ. մարգարէամբին տեսանօղն՝ ընդ ամաղեկացւոյն առաջի ան սղանանէ. նա-

խանձաւորն նոյ՝ երկնատեղաց բոցովն վատ-
նէ . ստուերին լըումն և նորոյս սկիզբն՝ հե-
ծանոցին ընարութք հոսէ . պեան առաքելոցն՝
ընդ սափիրայի ՚ի կենաց զգաւէ . զարմանալին
քննութեամբ հոգւոյն՝ բուրումն ինձ մահու
ընդ կենացն քարոզ խառնէ : Եւրդ անաչառք
և ինձ կաճառք երջանկացն , և ուժգնութե
հրամանի վերնոյն՝ արի սպառազէնք . ընդ
հրեշտակացն և մարդիկ . ընդ տիեզերաց երկրի
և տարերք . ընդ անզգայիցն և շարժողականք .
որովք դատեալ միշտ լինիմ տուժիւք լկա-
նաց՝ յօրինակ և յիշատակ սոսկալեացն ադա-
գայից . իբր հողմով փոթորկի ալեաց յաւեա
մբրկեալ կենացս վստահութի՝ մնայ անկայուն
՚ի հաստատուէց : Աոր եթէ որ իմաստութի
՚ի քննին առեալ խուղեցէ զլուղակացն բազ-
մատեսիլ զանազանութի , զմանունս փորունս
ընդ մեծամեծացն դատեալ , որ առանց թուոյ
և քանակութե համարոյ՝ թինդս առեալ ան-
բաւ երամոց , եռան զեռան սլանան ՚ի մարմնիս
ծովու , վկայեցէ և հաստատեցէ ճշմարիտ
լինել զասացելոցս բանագրութիւն :

Դ . Եւրդ դն ինքն օրհնաբանեալ անմահ
թագաւոր՝ բարի երկնաւոր մարդասէր քն ,
նոյ կենդանւոյ միածին որդի , հզօր , բարձ-
բեալ , անքննին , անձառ , քաւիչ , անհաւոր ,
ստատեալ ՚ի ձմեռն ամբոխեալ ալեաց ոգւոյս
Եփանաց . արձանացո՞ղ զծարաւս մոլեգին շարժ-
ման սրտիս խառնութե . ընդ ոտնեալ ՚ի սանձս

կապոյ երասանաց ըմբռնման՝ զցնդեալ մտացս
 վայրագութիւն : Ազիցի խաղաղութիւն հրամանաւ
 մեծիդ ամենավարան բքոյս սասանման • սա-
 տակեան խափանեան զբազմագլխեան անդամս
 ուրուականս դաղանեաց ամօթոյս երկրակեն-
 ցաղս հինից : Վրեացես աղօթս մասմատոյցս
 զայս նորընծայ տառ ողորմաղերս թախծագին
 ձայնի ողբերգարկութե այսր մատենի : Հան
 ՚ի խորոց մահուս անդնդոց՝ չքնաղ սպրեց-
 եալ , ընդ մարգարեին փրկելոյ • ընկալ զխոս-
 տովանութիւն անձնադատ բանիս ՚ի հոտ անու-
 շից • շնորհեան միտիթար դառնութեան վշտաց
 ուժգին հեծութե յուսահատելոյս : Աւքեզ
 ընդ հօր հոգւովդ սրբով փառք պատիւ և իշ-
 խանութիւն՝ յաւիտեանս , ամէն :

ՈՒՐԲԱԹԻ ԱՒՈՒՐ

Ի ԽՈՐՈՅ ՍՐՏԻՅ

ԽՕՍՔ ԸՆԴ ԱՍՏՈՒԾՈՅ

Բան • 44 :

Ա . Ա՛րքայ երկնաւոր՝ տէր բոլորեցուն ,
 առ ամբ բան՝ յամի միշտ երկայնամիտ , այ կեն-
 դանւոյ անքննին որդի : Ա՛հա անդ է ողորմելն
 խկապէս , յորում հատաւ ակնկալութիւն վաս-
 տակոյն • անդ է բարեգործելն , յորում տե-

տուժի իմաստիցն խափանեցաւ . յայնմ ժամու
է մարդասիրելն , յորում տկարութեանն վը-
տանգ պաշարեալ տիրեաց ներքոյ և արտաքոյ :
Միգանձօր է բժշկութիւն անձային քոյ ձե-
ռինդ , յորժամ բնաւ անդամոցն տեղի ետ
կենդանութիւն . այն վայր է սյցելութիւն , յո-
րում ելք հնարից սչ գոյ : Միյն է քո մե-
ծութիւն , յորժամ զյուսսահատութիւն վերն ող-
ջացուցանես . այն է հարազատ քումդ սղգակ-
ցութիւն , եթէ յանակնկալն ժամու արուեստա-
ւորեսցես փրկութիւն : Միյն է հանդիսարան
քում յաղթանակի , եթէ զփակեալն մուտս
կենաց ՚ի սպառումն շնչոյս՝ բացցես . այն էն
քո շնորհք վայելչականք , եթէ զչարեացս իմոց
մոռացեալ՝ զբարեացդ քո յիշեսցես : { } յայմ
ես անոխակալ , եթէ ապախտաւորիս՝ ընդ-
երախտաւորացն խնամարկեսցես . ՚ի սոսին ծան-
եալ գիտացից , եթէ նայեցար ՚ի նուէր բա-
նիս նախնի գթութիւնդ , եթէ զսովորութիւն
չարեացս բարձցես :

Բ . { } Յաղագս սյսորիկ հիւսին բանք , և ե-
ղանակին նուագերգութիւնք , յորժամ տէրն
բարի չարն ծառայի զբարեգործացն պար-
գեւեսցէ . որ մինչ իրաւամբք մնացէ բանտի ,
նա յարքայական ապարանս զնա հանգուսցէ .
մինչ հրաւիրեալ է ՚ի գուբ տղմոյ , նա ՚ի բաղ-
մականս ամենապատիկս գահուց գրգեցուցա-
նիցէ . մինչ բրելոյ զաչան գիտեսցէ , նա ՚ի
բարձրութիւն բերկրութիւն հայեցուցանիցէ ,

մինչ Տայրատութէ մատանցն սպասէ, նա մատանի համարձակութեան մատուցանիցէ. մինչ հայի հարուածոց գանից, նա գթոց գիրիս արկանիցէ. մինչ պատրաստեալ յուսայ կորստեան, նա երևելի տեսողաց բազմաց առնիցէ. մինչ ակն ունի ստտակման մահու, նա ընդ կենացն և փառս ընծայեցուցէ. մինչ հատման գլխոյն նայեսցի, նա զնոյն պսակաւ պայծառացուցանիցէ: Այս պտուղք օրհնութեան գլխած, սքանչելարմատ քում շառաւիղաց. այս արգասիք կենաց՝ արարչականդ քո հրամանաց. այս իղձ խորհրդոց՝ խօստովանեալդ քո տենչանաց. այս նշոյլք լուսոյ՝ ամենասփիռդ ճառագայթից. այս ախորժութիւն ճաշակաց՝ բարեբանեալդ քո քաղցրութե: Գ. Վ. միայնոյ են այսոքիկ աէր, ՚ի քէն ազդեցաւ գրել ինձ զսոսին. ահա՛ զքոյսդ յատուկ աղերս ազաչեմ՝ օրհնեալ, ՚ի քոյոց այսի պարգևեալ շնորհեա՛. բաց աէր զգանձս քո բարիս, ըստ աղերսանաց առակին: Այի խառնեսցես ՚ի համբարս բարեացդ քոց ՚ի չարեացն իմոց. մի՛ շտեմարանեսցես զատելիան քո՝ որ են ռիութիւք և ցամուռնք, ընդ սիրելիան քո՝ որ են գթութիւնք և ողորմութիւք. մի՛ պահեսցես ՚ի ստացուածս քո պաշտելիս զանախորժելիան քո՝ որ են մթութիւք և գաժանութիւք, և զիմ՝ մնասելիքն՝ որ են մեղք և թշուառութիւնք: Այի գրեսցես աջովդ օրհնութե՛ ՚ի մատենիդ կենաց զմուրհակ պարտուց իմոցս

անկէծից • այլ զանհնարաւորսն ինձ համար-
 եալս՝ մեծացուսցես կրկին առաւել զանուն
 քո ակօր ՚ի նոսին, ցուցանել զդոյն ինձ գիւ-
 ըինս և հեշտականագոյնս: (Եւստէն իմպար-
 տիքս և անդր քան զԹիւ, այլ ոչ այնքան հրա-
 շալիք իբրև զքո զողորմութիւզ • բազում են
 մեղանքս, այլ յաւեա են նուաղեալ առաջի
 քոյդ ներողութե • յաճախ են շարութիւքս,
 այլ յողթական են համոյնից՝ հզօր ամենա-
 կալ, քոյդ մարդասիրութի • ինձ են անհամար՝
 իմոյս անձին բիծք, այլ քեզ յոյժ գրաւեալ
 են ընդ սահմանաւ: Աչ են այնքան զօրաւորք
 առ կենդանութի՝ զէնք մեղանաց պատկառե-
 ցելոյս պաղաքերուէ, որքան յիշատակ մահու-
 կենդանւոյդ՝ առ վանումն կործանողին բռ-
 նութեան: Օ ինչ ազգեսցէ փոքր խաւար՝
 աւուրդ նոյ • զիարդ բաւեսցէ դոյզն ինչ աղ-
 ջամուղ՝ մեծիդ ճառագայթից • զիարդ համ-
 բարձցի կշռեսցի ընդ խաչի քո կրից՝ խակու-
 թիւն հեշտութեան մարմնոյս տկարութեան:

Օ ինչ երեսցի յոչս ամենակալիդ քո առա-
 ւութե կոյտք մեղանաց ամ տիեզերաց • ահա
 կոշտ մի հողոյ դիւրափխրելի՝ ՚ի կարծրութե
 բախման վանեցեալ, իբր զպղպձակ անձրևոյ
 բազմազեղ հոսմամբ քո կամացդ՝ չքացեալ
 պայթեալ անդստին: Օ ինչ պիտոյ են քում
 զօրութեդ ամենահնարդ կարողութե ժամա-
 նակաց առաւելութի՝ առ յանցուածոց իմոց
 քաւութիւն • ոչ բթթել մի ական • ոչ խուն

մի տեսութիւն ածանցական • ոչ ասիաւ մի նայ-
 եցուած փայլական • ոչ կիսամասնեաց յամբու-
 թիւն • ոչ փութացելոց ռաից յեղեղումն • ոչ
 յեւելոց բարձրութիւն միոց կանգնոց կտթի ակն-
 ունելոց • ոչ գիծ մի չափոց մտաց հետեւեցելոց •
 ոչ նշուղից արագութիւն • ոչ շնչոց տուրեա-
 ռութիւն • ոչ ինչ յայսմ յանգոց և յանապաւո-
 րական նմանութիւն անձև օրինակաց յաւեա
 անկայից՝ սյնքան առ ժամոյնք , կամ հարեան
 ցիկք , որքան եղծմունք , ցնդմունք և հարմունք
 մեղացս սառնամանեաց պահեստի՝ քուճի զօ-
 րութեան՝ ամ ամի աէր յս քս որդի անքննին
 կենդանւոյդ այ : Ար ասս պարզեւս արե
 քաղցրութե՛ն՝ չարաց ընդ բարիս • և անձրեւե
 երկաքանչիւրոցն անաչառապէս : Աշտես սահ-
 մանես իրաւամբք և զլտանդս կրիցն հաւասար
 րաբար • որոց մեծ է հանդիսան առ ակնկալու-
 թիւն պարզեւին , փոքր խթանաւ փորձութե՛ն
 զսակաւութիւն պարտուցն աստէն վճարես •
 իսկ որ զերկիր ընտրեցին , ներես ողորմութե՛ն ,
 ապով և սոցա դարման ընդ նոցա՝ միշտ առ
 քեզ դարձին սպասես : Ալ քեզ փառք ամե-
 նազօրիդ՝ առ ամ հրաշագործութիւն բարե-
 ինամօղ երկայնմտութե՛ն , օրհնեալ յաւիտե-
 ական , ամէն :

ՇԱԲԱԹԻ ԱՒՈՒՐ

Ի ԽՈՐՈՅ ՍՐՏԻՅ

ԽՕՍԻ ԸՆԴ ԱՍՏՍԻԾՈՅ


Բ՝՝ . ԺԳ :

Ա . ՍԻՆ արդ՝ դձու միայն անձ էրկնաւոր
 բարձրեալ՝ բարեգործ՝ քո է զօրու[թի] , քո
 ներողու[թի] , քո բժշկու[թի] , քո առատու[թի] ,
 քո էն սպարգւք , քո միայնոյ էն ձիւք ձրի ,
 քո քաւու[թի] , քո սպաշտպանու[թի] , քո հնարք
 անխմանալիք , քո արուեստք անգտանելիք , քո
 չափք անչափելիք . դու սկիզբն և դու կատա-
 րած : Վ՝ անդի ոչ էրբէք ստուերացուցանէ
 զլոյս ողորմու[թե] քո՝ խաւար սրամտու[թե] .
 վասն զի ոչ էս գրաւեալ ընդ մասամբք տխ-
 տից՝ ՚ի վերդ քան զբան : Վ՝ ատկեր անպարա-
 գիր՝ անդր քան զորքանու[թի]ւն կշուու[թե] .
 անչափ լայնու[թի] փառաց . անտարրափակ ըն-
 դարձակու[թի] հատու զօրու[թե] . անամփոփելի
 առաւելու[թի] բացարձակու[թե] . անտկարանա-
 լի բարերարու[թի] գ[թու]թե : Վ՝ ու դարձու-
 ցանէս ըստ մտրգարէին , յայդ զստուերս մա-
 հու . որ իջեր կամաւ ՚ի տարտարոսն ներքին
 արգելականացն բանտի , յորում և մաղթա-
 նացն դուռն էր աղխեալ , և գերեալ անտի
 զվ[թե]րիցն կապուա վտարանդէլոցն հոգւոց ,
 սուսերբ հրամանի յաղթական բանիդ՝ զկապ

սատակման մահուն խղեցեր, և զմեղացն կարծիս ցրուեցեր: Վարձ առ իս՝ որ զընդամ զընդանաւ վճիս տղմասիգ գբոյս յերկաթս մեղաց, վերաւորեալ խոցմամբ սլաքաց բանսարկուին նեախց:

Բ. Վ. յԼ դնլ յամի տերդ բարերար, լոյսդ ՚ի մէջ խաւարի, օրհնութեանդ գանձ, ողորմած, գթած, մարդասէր, կարօղ, զօրաւոր, անպատում, անքննին, անձառ. բաւական ըստ սրբոյն յակոբայ. անհնարիցդ ամենից դիւրապատրաստ հնարաւորութիւն, հուր ծախիչ զխռիւս մեղաց, ձաձանչ կիզանօղ ընդհանրական թափանցանցուէ խորհրդոյ մեծի, յիշեալ զիս յողորմութեան քո օրհնեալ, և մի՛ յիրաւունս քո. ՚ի ներողութեան քո, և մի՛ ՚ի հատուցման. յերկայնմտութեան, քան ՚ի հաւաստութեան: Աթէ կշուեսցես զմեղանաց իմոց ծանրութի, ընդ քաղցրութե քո՝ և մի՛ ընդարդարութեան. զի առ սակ նախնումն յոյժ է նուազեալ, իսկ ՚ի ներհակ վերջնոյս յաւետ ծանրակիր:

Գ. Վ. րդ մատիր առ իս բարութի, որպէս յունկանն բժշկութի հակառակ քո համբարձելոյն. բարձ ՚ի մեղուցելոյս զհողմ մահու խռովութեանս, զի հանգիցէ յիս ամենակալ հոգիդ խաղաղութե: Աւ. քեզ փառք յամի, յաւիտեանս յաւիտենից, ամէն:



ՆԱԽ ԲԱՆ ՋՀԱՂՈՐԴՈՒԹԻՒՆՆ

Ի ԽՈՐՈՑ ՍՐՏԻՑ
ԽՕՍԻ ԸՆԴ ԱՍՏՈՒԾՈՑ

Բ. ան. Ի Ե :

Ա. Ս. Ս. Եւ քանզի ընդ ողբաձայնիցն բանաստեղծութեց վերընծայելոց զգրութի թուոցս յարմարեցի կական և հեծութի, հառաչանք կողկողազինք, դառնութե լալումն և արտասուաց երգ. դարձեալ սկսայց զճառ պաղատանացս՝ խոստովանօրէն զղջականաբար, զգաղտնածածուկն յայտնաբարբառ. զի անդրադարձութի սկզբամբն և վերջաւորօքն բառիւք, զնոյն համաձևութի ՚ի մի թախանձ նմին մաղթանաց հոգեկեցոյցն խոնարհութեան՝ աստանօր եղից :

Բ. Ս. Ս. Եղայ մեծիդ բարերարութե, անարգըս մեղայ. մեղայ ծագմանդ ճառագայթից, խաւարս մեղայ. մեղայ շնորհացդ անբաւ երախտեաց, արդարև մեղայ. մեղայ սիրոյդ վերնում գթութե, յայտնապէս մեղայ. մեղայ ստացողիդ յոչ եութե, ստուգապէս մեղայ. մեղայ գերունակ գողոյդ գրկանաց, անբաւս մեղայ. մեղայ աննուազ լուսոյդ վայելման, նենգօղս մեղայ, մեղայ ճաշակման ան-

Զատեղ կենաց Ի բնորումն մեղայ . մեղայ անհատ
 պարգևացող ճրից Ի հանապազ մեղայ . մեղայ
 դուրեալ մարմնոյդ նոյ , մահու չափ մեղայ .
 մեղայ պաշտելի արեան արարչիդ , խկապես
 մեղայ : Մահ արդարեւ օրհնեալ է հատուած
 բանի յուսադրական սրտի այսր մեղայի . սոյն
 սա՛ պատուելի աւանդ . տնտուաց պատուէր .
 հայրենեացն տուր . նախահարցն օրէն . հա-
 մայնից թոշակ . անհերքելի բան . զօրաւոր
 պատասխանի . կենդանութե կամուրջ . խոր-
 ժեղի վերնոյն . սիրելի սրբոց . անխղելի կապ .
 հրաշալի բարբառ . անշքջելի պատճառ . բաղ-
 ձալի աղերս . փափարքելի սեղան . սրտաբեկ
 հնչումն . անհնարից ճարակ . կարծրութեան
 վանիչ . անապաշտից սահման . հեթանոսաց
 գիրք . վաղնջուց կանոն . բրիտանից հարա-
 դատ . արարչութեն յաղթօղ . անջրպետ հզօր .
 խորոց ասաւոր . արուեստ բարձրութե . խո-
 րութի անչափ . հիացման տեսիլ . խորհուրդ-
 կնքեալ , ընդ որ չիք ումեք անցանել , եթէ ոչ
 անըմբռնելի մտաց արագման զսա ծանկցէ .
 Չայն բարեպատեհ հրաշաւորական , որ ոչ
 յիշատակեցաւ ՚ի վերջին դատակնիք դատուն
 լքելոյ , գուցէ առ նմին խղեալ համառօտ ըզ
 վրիժակն իրաւանց մահուն հասելոյ , յորմէ
 ընտրութիւնն ապագործ եղեալ , զսահմանն
 յաւիտենական քակտեսցէ : () արդ փառաց
 մեծութեան , որով նոյն ինքն անութիւնն
 պսակեալ բարգաւաճի : Վանդի ո՛վ որ գիմ

Եալ հալաւ զեղջերաց սեղանոյ այսր սրբու-
թեան , և ոչ առ ժամայն պրծեալ ՚ի պատժոց
անարատ գտաւ : Իսկ եթէ աքար զարմեան ,
և սաւուղ կիսեան , և յուգա սիմոնեան՝ ասե-
լով զսոյն ոչ արդարացան , և ես վկայեմ՝ իրա-
ւամբք խոստովանեալ զայս պայման բանի , զի
ահամայնցն բռնադատելոց ոչ է կատարեալ
սէր , ուստի և ոչ բովանդակապէս փրկութի :
Իսկ ես կամաւ համբուրեմ դարձեալ կրկնե-
լով զերջանիկ բանիդ զմկրտութե՛հ հարազատս :

Գ . Ս՛եղայ երախտեացդ մոռացութեան ,
վերսաին մեղայ . մեղայ մարմնոյ ձեռն յոգի
հարեալ , յիմարս մեղայ . մեղայ առ կեանսդ
դժբողութե՛հ , իսկ և իսկ մեղայ . մեղայ բանիդ
ապախտ առնելոյ , չարաչար մեղայ . մեղայ ՚ի
յօր սատակման ինձէն ստիպեալ , վաթարս
մեղայ . մեղայ պարտականս անկենդան մա-
հուն , ձողելիս մեղայ . մեղայ անպատկառս քո
բարձրութեան , տաղտկալիս մեղայ : Ա շըջն
ինձ կրկին աշխարհոց հոգևոր , զի ՚ի կորուստ և
՚ի կործանումն ինձ երևեցայ . զի անդարձս
վարատեցայ . զի որդիս թշնամի գրեցայ . զի
՚ի բարձանցն երկնից ընկեցայ . զի փուշս վա-
րուց դիզի : Այլ ևս առ սին ողբք աղաղակի ,
զի անձամբ զանձն անարգեցի . զի բագին կո-
րուցին գտայ : Այլ իմն կսկիծ դժնդակ
օրտի , զի զիս ունին առ որ չեմ , զարտաքնա-
յարդար բաժակս անմաքուր , զբռեալ որմս
գարշունակ , զսին պարծանօք պաճուճեալս :

զլոյսս ՚ի մուայլ շրջեալ , զգերանակիր ակնս
 թշուառացեալ , զճասնս փառաց շիջեալ , զամե-
 նայնիւս յիմի ամ իրօք միասակարս , առ տնօ-
 րինականսն տէրունականս . առ յայանու թիւսն
 ամայինս . առ երեւմունսն արարչադիրս . առ
 խոնարհութիւնսն սարսափելիս . առ սյն զոր
 տեսի տջօք իսկ իմովք : Ըն որ մեծ է պատաս
 խանատուութիւս , քան առ համօրէն աւետա-
 րանին՝ զարմանս , հիացմունս . հոգս հալողա-
 կանս . անդաճմունս անհնարաւորս . թուակա-
 նութիւս՝ մտաց անբարդելիս . ելմունս անկա-
 տարս . իջմունս անհաստատս . յուսահատութիւս
 յարմարականս . յանդիմանութիւս պատշաճա-
 կանս . ձաղանս պատեհագոյնս . նղովս իրաւա-
 ցիս . անէծս արժանահատոյցս : Ըրդ այսօրիկ
 են մեղաւորիս իմ կշտամբութիւք , և ինքնա-
 հարուած տանջանաւորութիւն :

Գ . Եւ քանզի կարօղ ես զայս ամ զպարտս
 թողուլ , և զխայթուածս մահու բժշկել տէր
 ողորմութեանց , ամ բոլորից , քս թագաւոր՝
 բարձրեալ հօր որդի , ստեղծիչ՝ գթած՝ բա-
 րեբար , օրհնեալ՝ առատ՝ հարուստ , ահաւոր՝
 հզօր՝ ողորմած , տեսուչ՝ ձեռնկալ՝ հաստիչ ,
 ապրեցուցիչ՝ դարմանիչ՝ կեցուցիչ , երկայնա-
 միտ՝ անոխակալ՝ ապաւեն , բժիշկ՝ գովեալ՝
 երկնաւոր , անձառ՝ լոյս՝ կեանք , յարութի՝
 նորոգութի՝ քաւութի , եթէ հայեացես մար-
 դասիրութեամբ , ըստ որում քոյդ են սովո-
 րութիւք , նայեցեալ ՚ի քեզ՝ կողկողիմ և ես :

Եթէ լուիցես , հառաչեմ՝ եթէ ունին մա-
տուցանիցես , պաղատիմ՝ եթէ անսայցես ,
աղերսեմ . եթէ ներեսցես , աղաչեմ . եթէ առ-
իս դառնայցես , դռչեմ : Բայա եթէ սնտես
առնիցես , կործանիմ . իսկ եթէ առ ոտն հար-
կանիցես , լամ . եթէ զոգեպահնն ոչ ընծայես-
ցես , մեռանիմ . ապա եթէ ահարկու դէմս
ցուցանիցես , ստտակիմ . իսկ եթէ սաստես-
ցես , դողամ . եթէ խեթիւ տեսանես , սոսկամ .
ապա եթէ սաստկանաս , սարսափեմ . եթէ
հալածես , հեծեմ . իսկ եթէ ընդ վայր հարկա
նիցես , հերքիմ . եթէ զբոց վհատութեա ոչ
առցես , տաքնապիմ . եթէ խստանաս , փախ-
նում . ապա եթէ սպառնաս , ընկճիմ : Իսկ
եթէ քննես , քարկոծիմ . ապա եթէ ուժդինս
ակնարկես , սուղանիմ . եթէ ոչ անխայցեսցես ,
մերժիմ . եթէ կոչեսցես , խիթամ . իսկ եթէ
աչս յառեսցես , ամաչեմ . եթէ ձայն աացես ,
երկնչիմ , զբարեացն պարզե մատնեալ . զերա-
նութիւնն թողեալ . զշնորհն լքեալ . զուխան
ցրեալ . զուանդն կենաց մոռացեալ . զհամար-
ձակութեանն վստահութի կորուսեալ . զս-
տեղծիչդ եիցս բարկացուցեալ . զանձառութի
շնորհն ընդոտնեալ . զպատուոյն պատկեր պ-
լայեալ : Իսկ եթէ առ այս խեղդ մահու հե-
ծութե ցաւոյ մարդասիրեալ՝ առիս ժամանե-
ցուցես տէր յս քս՝ զազգեալն գիր ընանիլ
ի յիս , եթէ բժշկութիւն դադարեցուցանե
զլեզս մեծամեծս , որով ամենառատ քաղցրու

Թեամբ պատուաստեալ ՚ի քեզ , զքոյդ կերպարան լուսոյ նկարեալ յոգի՝ վերստին գլաեալ պնդեցայց քաւեալ , և ստեղծեալ կրկին ՚ի փրկուածիւն անմահից կենացն անախտականաց , և քեզ ընդ հօր հոգւովդ սրբով փառք յաւիտեանս , ամէն :



ՆԱԽ ՔԱՆ ԶՀԱՂՈՐԴՈՒԹՅՈՒՆՆ

Ի ԽՈՐՈՅ ՄՐՏԻՅ

ԽՕՍՔ ԸՆԴ ԱՍՏՈՒԾՈՅ

Բան . խէ :


Ա . Եւ արդ զինչ գոյ ասել ամօջեցելոյս յերեսաց մեծիդ ահաւորութենէ , բայց եթէ համրանալ , և հող ՚ի բերան եղեալ լուել ՚ի սրաի , ըստ մարգարէութեն խրատու , ահա ՚ի բարւոյն կարկառեալ ՚ի յոյս : Իսկ եթէ զփականս շարժողութե շրթանցս բացից բռնադատեցից խօսել կամեցեալ , դարձեալ զնոյն ձայն կրկնակական եղերերդութեան լալեաց բազմութեան՝ խէթ մտացս յառաջողրէ :

Բ . Եւ արդ ողբակից մեծ մեղաւորին անօրինելոյ կամաւ առ ՚ի մահ՝ զնորին գոչումն երկրորդեցից և էս ընդ նմին . մեղայ՝ տէր՝ մեղայ , և անօրէնութեց իմոց ինձէն վկայեմ . հիւսեալ ընդ նմին զբանս յիսներորդի սաղ-

մոտին , անթիւս գրեմ՝ զպարտուցս սակ ան-
ձինս մեղանաց՝ քան զՏիւղ երկրի հողմահոս
փոշւոյ ընդօղս ամ տարածեցելոյ :

Գ . Ս՝ Եղայ յերկինս և առաջի քոյ , ընդ
անառակ որդւոյն պատկառեցելոյ՝ հայրենի
գթոյդ վերստին դարձեալ թախանձ արկա-
նեմ . զողորմելին ձայն աղերսանաց արտօսրա-
ծին ողբովք գոչման՝ ՚ի տխուր դէմս մատուց
եալ առաջի քոյ տարածանեմ՝ հայր գթու-
թեանց ամբ ոլորից , չեմ արժանի կոչիլ , և
նչ բնաւին առ այս անուանիլ , նչ միայն որ-
դի , այլ և անպիտան ապաբան վարձկան :
Ի նկալ զսովեալս տարագրական՝ պարտական
մնասուց . և զցաւ քաղցոյս լկանաց նեղոյս
նուաղեցելոյս՝ կենաց քո հացիւդ բժշկեսցես :
Ս՝ Էր ընդ առաջ քո ողորմութիւն՝ ՚ի սկզբնա-
ւորս ապաւինութե . զգեցն գրթած և անո-
խակալ՝ անօրինեալս մեղապարտի զնախակա-
պուտ հանդերձին ծածկոյթ . աւանդակորոյս
ձեռացս աղտեղեալ մեղօք՝ զինիք մատանւոյն
համարձակութեան ամենառատ կամօք մատուս
ցես . զգարչապարացս թշուառութի մերկու-
թեան ոտիցս՝ պատսպարութի աւետարանա-
կան ամրավերարկու օղիցս կօշկաց՝ ՚ի յօձին
թիւնից միշտ ամրացուսցես : Տ՝ զուարակդ
պարարակի եզինդ երկնայնոյ , որ է միածին
որդիդ քո օրհնեալ , իսկապէս մարդասիրու-
թեամբ կարօտելոյս բարեաց նուիրեա , որ
մատուցեալ միշտ՝ և անսպակաս մնայ ՚ի լրու-

Թեան , յարակայ զենեալ ՚ի սպանդարանի ան-
 թիւ սեղանոց անսպառու թիւ , բոլոր յամենե-
 սին և բնաւ յամենայնում , էութեամբ յեր-
 կինս և իսկութիւն ՚ի ստորինս , աննուազ մարդ-
 կութիւն և անթերի անթեամբ , փշրեալ և
 բաշխի ՚ի մասունս անհասս , զի զհամայնն հա-
 ւաքեսցէ առ ՚ի նոյն մարմին իւրումն գլխոյ •
 քեզ փառք ընդ նմին հայր ողորմութեան
 յաւիտեանս , ամէն :



ՅԵՏ ՀԱՂՈՐԴՈՒԹԵԱՆ

Ի ԽՈՐՈՅ ՍՐՏԻՅ

ԽՕՍԲ ԸՆԴ ԱՍՏՈՒԾՈՅ

Բ. Ե . Ե :

Ա . Եւ արդ ես երկրածինս մարդ՝ կենցա-
 ղականաւ անկայուն գոյիւ զբաղեալ , և յիմա-
 րութիւն պատրոզականաւ գինեաւս յիմարեալ ,
 որ անիւ ստեմ , և ոչ միով իւր ք ճշմարտեմ :
 Վանզի որո՞վք գիմօք վերագրեցելովք նշա-
 նակօք ազարտեցելովք՝ յանդգնեցայց լինել
 յանդիման քում դատաստանիդ , ո՞վ իրաւա-
 դատ ահաւոր անձառ՝ անպատում հզօր ան-
 բոլորից : Վանզի դասեալ աստատին ՚ի սոյն
 զապերախառութիւն մեղուցեալ անձինս՝ առ
 քումդ երախախ , ցուցից զերաւունս քո միշտ

զօրացեալ, և զանիրաւութիս իմ՝ յաւէա պար-
տաւորեալ: Ար արարեր զիս ՚ի քո պատկեթ
պանծալի ՚ի ձեռն վեհիդ տպաւորութեան, և
զտկարս օժանդակելով:

Բ. Օրդարեցեր բանիւ, փայլեցուցեր
փշմամբ, մաօք ձոխացուցեր, իմաստիւք աճե-
ցուցեր, հանձարով հաստատեցեր. ՚ի շնչակա-
նացն որոշեցեր. հոգւով իմանալեալ խառնե-
ցեր, իշխանականին գոյիւ պճնեցեր: Անար
հայրաբար, սնուցեր դայեկապէս, տածեր
ստացողապէս: Տնկեցեր զամբարիշտս ՚ի քումդ
գաւթի. ջրովն կենաց ուղեցեր, աւաղանին
ցօղով մաքրեցեր, կենացն վտակաւ արմատա-
ցուցեր. հացիւդ երկնայնով ջամբեցեր, անծայ
ին արեամբդ արբուցեր, անհոգիցն և անհասա
նելեացն ընտանեցուցեր, զաչս երկրեղէն ՚ի
քեզ համարձակեցեր, լուսովդ փառաց վերա-
ծածկեցեր, զհողանիւթ մատունս անմարուր
ձեռացս ՚ի քեզ մատուցեր, զմխիրս անարդ
մահացու իբր զնշոյլ լուսոյ յարգեցեր, զհայր
քո հօր ասաւոր օրհնեալ մարդասիրապէս
և անարժանիս իմոյ անձին կնքեցեր: Աջ կի-
զեր զբերանս լցեալ նանբութի՛ք՝ ՚ի ժառան-
գակիցն կարդալ զքեզ, ոչ կշտամբեցեր զյան
գգնեալս՝ ՚ի քո կցորդութի՛ք, ոչ սպուերացու
ցեր զտեսիլ աչացս՝ ՚ի քումդ ակնարկութի՛ք,
ոչ արգելանաւ կապանաց՝ ընդ մահապարտացն
տարագրեցեր, ոչ խորտակեցեր զդաստակ բազ
կիս: Եր անմարտապէս առ քեզ համբառնայր,

ոչ մանրեցեր զոսա իմոց մատանցս՝ ՚ի շօշա-
 փեւն զքանդ կենաց, ոչ պատեցին զինև մառա-
 խուղք՝ ՚ի ձօնեւն զքեզ անհաւոր, ոչ փշրեցեք
 զպարս առամանցս՝ յըմբողջսնեւն զքեզ անսահ-
 մանելի, ոչ գնացեր բարկութիւն խոտորնակ՝
 խոտորնակի ընդ քեզ հետևողս, իբր ընդ վրիպ
 եալ տունն իսրայելի: Այլ խայտառակեցեր ՚ի
 հարսնարանիդ՝ զանարժանս քումդ պարեր-
 գութե՛ն, ոչ ՚ի գձուձ հանդերձին տեսիլ՝ զանօ
 րինեալս յանդիմանեցեր, ոչ կապանօք ձեռացս
 և ոտիցս՝ յարտաքին խաւարն հալածեցեր:

Գ. Օ այս ամ մասունս բարեաց՝ և զներե-
 լոյդ երկայնամտութիւն ընկալեալ ՚ի քէն բարե-
 րար օրհնեալ, և յամի միշտ երկայնամիտ, փո-
 խադրեցի ՚ի աստակարս պարտեաց՝ անթիւս և
 բազմօրինակ անօրէնութիւն, մարմնականաց և
 անձնականաց՝ ամենակիր բազմածուփ խորհր-
 զոց յուզմանց երկրաբարշութեց: Օ սյսոսիկ
 քեզ անձ իմ և տէր՝ ընդ այսքանեաց բարեաց
 փոխաբերեցի. զայս քեզ ինձէն հատուցի չա-
 րիս, բստ մովսիսեան յանդիմանութեն տուակի,
 մոռացեալ զիմաստութիւն և սիրողս յիմարուէ:

Օ սյսց բարեաց երախտեաց կաճառս՝ ընդու-
 նայնութեան գնացիւք չարաչար ունայնացու-
 ցի. զայս լուսաւորութիւն շնորհաց անձառից՝
 ՚ի բարձրելոյդ խնամոց բարդեցեալ՝ մրրկաւն
 խելագարուէ ցնդեցի: Այլ թէպէտ բազում
 անգամ ծանուցար՝ կարկառամբ ձեռին քո
 այցելութե՛ն ձգել զիս առ քեզ, ոչ հաւանե-

ցայ, ըստ մարգարէին որ զխորայէլէ ամբաստա
 նութէ. և թէպէտ խոստացայ դաշնաւորեցի
 քեզ հաճոյանալ, և ոչ ընդ այսմ սահմանա
 ուխտիւ փակեցայ, այլ դարձեալ զնոյն նիւ
 թեցի չարիս. անգատին յոճն առաջին մատ
 եայ. փշոցն մեղաց հերկեցի զանդաստան սրբ
 տիս յորոմանն արդիւնաարութի: Այս իս էլա
 նէն առաժք անարեալ սուրբ մարգարէիցն, և
 քանզի մնացեր յինէն խաղողոյ, և ես ընդ այ
 նորիկ փուշ շառաւիղեցի. դարձայ յանա
 խորժ դառնութի՝ պողոյ այգիս օտարացեալ.
 բուռն հարի զանհաստատ հողմոյ, որովք միշտ
 ատատանեալ այսր անդր տարաբերիմ. ըստ ձայ
 նի երանելոյն յորայ՝ ընդ ձանապարհ իմն ան
 դարձ գնացի. ՚ի վր աւաղոյ շինուածս յիմա
 րութէ կառուցի: Այնատարր հետովք խա
 բեցայ՝ կենացն անձկալեաց հասանել. փակեցի
 ինձէն զելիցն ուղևորութիւն, բացի կամաւ
 զկորստեան խորխորատն: Այցի զպատուհան
 լսելեացս իմոց՝ առ բանիդ կենաց ընդունելու
 թիւն. կափուցի զաչաց հոգւոյս հայեցուած՝
 առ ՚ի զկենացն գեղ նկատել: Այ ընդ ոստեայ
 ՚ի թմբրութեանց լքմանէ մատցս՝ ՚ի պատգամ
 փողոյդ ասաւորութէ. ոչ զգաստացայ ՚ի փո
 ղոք գուժի՝ հրափորձական աւուրն ընարու
 թեան. ոչ երբէք զարթեայ ՚ի նիրհմանէ քնոյն
 մահացուի, որ ՚ի կորուստն կարապետէ: Այ
 ետու հանգիստ քոյ հոգւոյդ ՚ի մարմնեղէնս
 տաղաւարի. ոչ ընդ բնութի շնչոյս խառնեցի

զմասն շնորհաց քուճի պարգևի • իմոյս ձեռօք
կոչեցի կորուստ ըստ առակողին , զհոգիս կեն-
դանի մահացուցանել :

Դ • Այլ զինչ է ինձ սակաւս և նուազա-
գոյնս յօրէլ սահմանս կսկծելիս չափաբերա-
կանս՝ մինչ անցեալ է ըստ քանակութիւն՝ և
վրիպեալ ըստ բժշկութիւն : Արդ քո է ըն-
ձեռել կեանս հոգւով մեռելոյս , և անոխա-
կալութիւն մատչել առ այցելութիւն դատա-
պարտելոյս հրդի աստուծոյ կենդանւոյ • քեզ
փառք յամենայնի , ամէն :



ՅԵՏ ՀԱՂՈՐԴՈՒԹԵԱՆ

Ի ԽՈՐՈՅ ՍՐՏԻՑ

ԽՕՍԲ ԸՆԴ ԱՍՏՈՒԾՈՅ

Բան • հր :

Ա • Այլ արդ անկեալ յերեսս հողանիւթ
կերպիւս , ՚ի վայր խոնարհեալ ծնրադրական
երկրպագութիւն՝ զբարեգործիդ ողորմածուէ
զկենդանարար ոտս համբուրեմ , զայս օրինակ
մաղթանաց մեծիդ ընծայեցուցեալ :

Բ • Ազաչեմ զքեզ միայն խնամակալ , մար-
դասէր , գլխած , կեցուցիչ , հըզօր , այցելու ,
պաշտպան , մի ունայնասցի վաստակն աշխա-
տութիւն փրկականդ կրից մարդացելոյդ վասն


իմ նոյն . մի՛ սոսկ եղիցի քրտանցն կաթուած
 խառնեցեալ արեամբ՝ ՚ի մատնութեն աւուր
 գիշերին . մի՛ լիցի ստուերացեալ լուսոյդ երախ
 տիս , զոր ձրի և առանց փրկանաց թշուառու-
 ցելու մն ինձ պարգևեցեր . մի՛ ջնջեսցին շնոր-
 հացդ աւետիս , զոր կողից քոց կայլակք նորո
 գեցին . մի՛ անշահ եղիցին կրիցդ պտուղք ,
 զոր կարօտութեանս իմում մատուցեր : Մի՛
 պարծեսցի բանսարկուն վանեալ՝ զքո ստաց-
 եալս իւրացուցանել . ահա յաղթեսցես կամօք
 քո ըղձից շարին . վերստին ապշեսցի միանգամ՝
 զարհուրեալն . կրկին պարտեսցի իսպառ դա-
 տեցեալն : Մի՛ անխայեր զազատարարդ քո
 բան , որ զստեղծեալս քո քեզ ընծայեալ՝ վե-
 րստին առ քեզ դարձուցանէ . զանճառն արա-
 րեր բարերարութի՛ յանակնկալ ժամուն յու-
 սահատութեան . յորժամ բնաւ իսկ կարեալ
 և օտարացեալ էր կենդանութեանն շարժողու-
 թիւն , մեռար անմահդ՝ և զմահացեալս նորո-
 գեցեր . եթէ զկանոն համաձեռութե՛ օրինին
 փոխեցեր , արդ զդիւրինն և զՏեշտահանն և
 զԼս հնարաւորն մի՛ արգելցես՝ ըսկզբնաձիր
 ողորմածութե՛ բարեգութ օրհնեալ և երկայ-
 նամիտ թագաւոր : Վ՛զդեա՛ բանիւդ ամենա-
 զօրաւ՝ որ զգոյութիւն լուսոյն ստեղծեր ՚ի
 նախնութեն աւուր , և վաղվաղակի փոփոխեալ
 գտայց ՚ի լաւ անդր . և փոխանակ զի ես ոչ
 խընդրեցի հետեւել լուսոյդ , դու ելցես ինձ
 յոյց՝ ճառագայթ ծագման հայրենի կերպիկ .

և կոչեցայց առաջի քո ծառայս փնասապարտ՝
 ողորմեալ շնորհեալ առ ՚ի քէն , ոչ է ժամա-
 նակ յերկարաձգութեան առ ՚ի զպարտսն հա-
 տուցանել , ահա շնորհեալ ինձ տառապելոյս
 զերեսս քո՝ լոյսդ ՚ի խաւարի սրտից վհատելոց :
 Ըրգէլ և կնքեալ զքնթացմունս ելիցն , որ
 միշտ զեղուն բարիքն հոսեալ ՚ի յուշոյս իմ՝
 տեսութէ . պահեալ ինձ զշնորհ ամենապայ-
 ծառ գանձուցդ մնացականաց , որով պատուա-
 կան դառեալ քո անուանեցայց , պաշտպանեալ
 ՚ի քէն անասման բարի :

Գ . Ըհա ողորմեալ ինձ գլթած , աղաչեմ՝
 զքեզ ողորմեալ ինձ հըզոր , կրկին ողորմեալ :
 Սի փոխարկեր երկունս ցաւոց ընդ չարեաց
 իմոց բարիդ ամենեկն . մի բառնար ՚ի վտան-
 գելոյս զառ ՚ի քէն պարգևեալդ շնորհ , մի՛
 կաստեր զփշումն ամենօրհնեալ հոգւոյ , մի՛
 լուծաներ զխնկեալ զկնիք արքունական պա-
 կերիդ : Սի յայանեսցին փուշք մեղանացս ՚ի
 սրբութիս մտացս . մի՛ խղեր զկասպ միութեան
 զքնդ քեզ սիրոյն պնդութե . մի՛ մերժեսցես
 զարուեստ զօրութե լեզուոյս յարմարութե .
 մի՛ պակասեցուցաներ զաջողուած աջոյս՝ առ
 ՚ի զուսոյդ մասունս բաշխել : Սի գրեր ՚ի
 դպրութեան կենաց մատենիդ զմահուն պար-
 ախս . մի՛ պահեր , մի՛ ինձ համարիր . մի՛ յիշե-
 ցուցաներ . մի՛ ամաչեցուցաներ . մի՛ նախա-
 աեր . մի՛ ռան հարկաներ . մի՛ արձանացուցա-
 ներ զմեղկութեցն , մի՛ ամբարեր զկորստեան .

ցըն • մի՛ իբր ստգտեալ իմն ամբաստաներ :
 Ս՛ի յարուսցես ընդ իս զծառն անիծից • մի՛
 արձակէր ՚ի յիս զսաղարթ վնասուցն • մի՛ ըն-
 ծիւղէր զծաղիկ մեղացս • մի՛ բերցես ընդ ա-
 ռաջ զնամակ պարտուցս • մի՛ արտաբերեր զէ-
 ութի պողոյն : Ս՛ի թուեսցես ՚ի ճիւղս երկ-
 րաստեղծ մատանցդ զգիւտս գործոցս • մի՛
 մատուցես բան ընդ դէմ անհեղձ զանօրէնու-
 թիս իմ յիշատակել • մի՛ մատնեսցես իմոցս կա-
 մաց զաւանդս հոգւոյս վարել ՚ի գերութե՛ •
 մի՛ աստէն զիս փառաւորեր՝ զի անաանօր դա-
 տապարտեսցես • մի՛ նուազութե՛ սյսր անցա-
 լորի՝ զյաւիտենական բարիսն տուժեր • մի՛
 ՚ի սակաւում սյսմժամանակի՝ զանվախձանելի
 զփառսն չափեր • մի՛ ընդ հովտիս վշտաց հե-
 ծութե՛ զանախտական զկեանսդ գրաւեր •
 մի՛ ընդ ստուերի սյսր մթութեան՝ զանձառե-
 լիդ լոյս փոխանակեր • մի՛ զերասանակ մտացս
 լբցես՝ ըստ արտուղի հետս հետեւել • մի՛ զկա-
 մուրձ կենցաղոյս գրեսցես՝ ինձ հանգստեան
 բաւականութի • մի՛ զհովիտ հանձարոյս ստուե-
 րական պահեր՝ ՚ի հանդերձեալսն ինձ հրապա-
 րակել : Եթէ ամբարես զառանց համարոյ գոր-
 ծոցս իմ չարիս , մեռայց կենդանւոյն • եթէ
 շտեմարանես ՚ի սրտի , աստատին կիողեալ անբոց
 սյրեցայց • եթէ քննեսցես զանօրէնութիս ,
 առանց յանդիման քեզ լինելոյ իսպառ հալե-
 ցայց • եթէ անկակից ինձ թողցես զմեղսն , ՚ի
 նոսին վատնեալ մաշեցայց :

Դ • Մինարիեան միշտ զօրեղ ամենակարող
 փախնուլ չարութեանցս որ յիս , զի բարիդ-
 քո եկեալ փոխանորդեսցէ • հրամայեան գը-
 թած , խնամակալ , գովեալ , լոյս անշիջանելի ,
 զօրութիւն անսահմանելեալ , զի նոր հաստա-
 տեսցի գոյութիւն բնութես մարմնեղէն յար-
 կի անդամոցս • յորում հանգուցեալ անլքա-
 նելի բնակեսցես բազմեալ ախորժ տենչանօք
 միութիւն հոգւոյս իմ ընդ քեզ • զապականու-
 թիւն մեղացս մերժեալ իսպառ՝ յանարատու-
 թիւն զիս պատրաստեսցես՝ ամենակեցոյց թա-
 գաւոր անմահ տէր յս քս , օրհնեալ յաւիտ-
 եանս , ամէն :



Ի ԽՈՐՈՅ ՍՐՏԻՅ

ԽՕՍԻ ԸՆԴ ՏԻՐՈՒՏԻՈՅՆ

Բան • Ը :

Ա • Ալ արդ ՚ի վերայ այսքանեաց յուսա-
 հատութեց և ահարկու սրտաբեկութեանց ,
 պակուցանողական սաստկութեց անձային բաթ-
 կութեց , տագնապեալ ոգւով թախծութե-
 իսպառ , աղաչեմ զքեզ սնորբ աստուածածին •
 Հրեշտակ ՚ի մարդկանէ • մարմնատեսիլ քե-
 րովքէ • երկնաւոր արքայուհի • անխառն իբրև
 զօր • մտքուր որն լոյս • անշաղխ ըստ նմա-

նութէ պատկերի արուսէկին բարձրութե օ
 դերանցանց քան զբնակութի անկոխելին սրբ-
 բութեց . երանաւոր խոստմանն տեղի . եդեմ
 շնչական . ծառ կենացն անմահաց բոցեղէն
 սրովն պարուհակեալ , ՚ի բարձրեալն հօրէ զօ-
 րացեալ և հովանացեալ , հանդստեամբ հոգ-
 ւոյն հանդերձեալ և մաքրագործեալ , բնակու-
 թեամբ որդւոյն յարդարեալ և տաղաւարեալ :
 Սիածինն հօր՝ և քեզ անդրանիկ . որդի քո
 ծննդեամբ՝ և տէր արարչութեամբ : Մնդ ա-
 նաղտ մաքրութեանդ՝ և անբիծ բարի . ընդ
 անարատ սրբութեդ՝ և խնամակալ բարեխօս .
 ընկալ զմաղթանս այսր աղերսանաց քում դա-
 ւանողիս , և մատն ընծայեա՛ ընդ սմին խառ-
 նեալ զբանն իմ նախնի մեծիդ ներբողի ՚ի
 քոյդ պաղատանս : Հիւսեա՛ միացն զմեզուցե-
 լոյս դառն հեծութի՛ ընդ քումդ երջանիկ և
 խնկաւորեալ հայցուածոց՝ տոննիդ կենաց
 պաղոյն օրհնութե . զի ՚ի քէն միշտ օգնեալ
 և բարեգործեալ , և ՚ի մաքրական քո ծնելու-
 թիւնդ տպաւինեալ և լուսաւորեալ , կեցից
 քրիստոսի որդւոյ քոյ և տեառն :

Բ . () Ժանդակեա՛ թեոցդ աղօթիւք՝ խնս-
 տովանեալ մայրդ կենդանեաց , և ելիցն իմ
 յերկրէս հովտէ՛ առանց լլկանաց հեռեւէլ ՚ի
 կեանս օթեվանացդ պատրաստութե , զի թե-
 թեասցի կատարածն իմ ինձ ծանրացելոյս ա-
 նօրէնութե : Մրասցե՛ս տօն ինձ բերկրութե
 զօրն իմ տագնապի՛ որջացուցիչ երկանցն

և այլի • բարեխօսեա՛ս խնդրեա՛ս աղօլեա՛ս , զի ըստ
 օնձառուելի մաքրութե՛ղ և ահա զբանիդ հաւա
 ասամ զընդունելութի՛ն : Ա՛րաստուօ՛ք օգնեա
 վտանդեցելոյս գո՛վեալդ ՚ի կանայս • ծննդ
 խոնարհեցո՛ սու իմ հաշտութի՛ն ծընօղդ այ •
 ընդ իմում թշուառիս հոգա՛ս խո՛րան բարձրե-
 լոյն • ձե՛նն տուր անկելոյս տաճար երկնային •
 փառաւորեա՛ս զորդիդ քո ՚ի քեզ՝ անօրէն ինձ
 հրաշագործել քաւութի՛ն և ողորմութի՛ն՝ աղա-
 խին այ և մայր • բարձրասցի՛ սաաիւ քո ինե ,
 և ցուցցի՛ փրկութիւն իմ քե :

Գ • Աթէ զիս գացես՝ տիրամայր • թէ ինձ
 ողորմեսցիս՝ սրբուհի • թէ զկորուսեալս շա-
 հեսցիս՝ անարատ • թէ զհարթուցեալս յան-
 ձանձեսցես՝ երջանիկ • թէ զամաչեցեալս յա-
 ռաջ մատուցես՝ բարեշնորհ • թէ յուսահա-
 տելոյս ինձ միջնորդեսցես՝ միշտ սբ կոյս • թէ
 զմերժեալս ընտանեցուցես՝ մեծարեալդ այ •
 թէ յիս ցուցցես զգթածութի՛ն՝ լուծիչդ անի-
 ծից • թէ զծփեալս հաստատեսցես՝ հանգիստ •
 թէ ՚ի խառովութեցս յուզմանց փոխեսցես զիս՝
 խաղաղարար • թէ վրիպելոյս ինձ հնարաւո-
 րեսցես՝ գովեալ • թէ վն իմ մտցես ՚ի հանդէս՝
 մահու նահանջիչ • թէ զդառնութիս իմ անու-
 չեսցես՝ քաղցրութի՛ն • թէ զբաժանմանն իմ
 խարոց քակտեսցես՝ հաշտութի՛ն • թէ զանմաք-
 րութիւնս իմ բարձցես՝ եղծման ընդոտնիչ •
 թէ զմատնեալս մահու փրկեսցես՝ կենդանիե-
 լոյս • թէ զլալեացս ձայն հասցես՝ բերկրութի՛ն •

Թէ զխորտակեալս կաղդուրեացես՝ դեղ կենաց . Թէ ՚ի կործանեալս յիս ակնարկեացես՝ հոգեւից . Թէ ողորմութիւն ինձ պատահեացես՝ կտակ նուիրեալ, օրհնեալդ միայն ՚ի շրթունս անբիծս լեզուաց երջանկաց . ահա՛ կաթիլ մի կաթին քուսից կուսուցի յանձն իմ անձրեալ՝ կենաց ինձ զօրէ , մայրդ բարձրելոյ ան յի արարչին երկնի և բնաւին երկրի : () որ անձառասպէս ծնար բովանդակ մարմնովն և համայն անութիւն , որ փառաւորեալն է ընդ հօր և հոգւոյն սրբոյ էութիւն և անբնութիւն՝ մերոյին բնութեամբս միացելով , ան և յամենայնուամ , մի յերրորդութիւն . նմա փառք յաւիտենից յաւիտեանս , ամէն :



Ի ԽՈՐՈՅ ՍՐՏԻՑ
ԽՕՍԻՔ ԸՆԴ ԵՍՏՈՒԾՈՅ
Բան . ձա :

Ա . Քնդ անաճնին մաղթանաց՝ ահա և զվերնոցն՝ անմահ հրեշտակացն լուսակերպից զաղերս հայցուածոց , որ վասն իմ գոչէն առանց լուելոյ հանապազորդեան արգահատութիւն մաքուր բերանոց՝ ընկալ բարեգութ : Արբէն բարիք բարեգործեալք ՚ի բարերարեղ , անկիրթք շարեաց՝ հաստեալք յամենիշխան հրամանաց էիդ . զօրութիւնք հզօրք ակնարկուե

բարձրելոյդ • սուրբք , մաքուրք , անարատք ,
օրհնեալք , վայելչականք , յաղթօղք և անպար
տելիք , և ըստ ընթացից տեսութեան մտաց
արագուենք :

Բ • Որք և պողակորոյս անկոյ թղենւոյն ե-
ռամեանն դատարկութիւն , որ զքնաւ յաւիտ-
եանս պարունակէ ժամանակն , զանցեալն ընդ-
ներկայիս և ընդ ապառնւոյն՝ յամայր յամրու-
թեամբն յերկարածելոյ՝ յայդի աշխարհիս
արմատացելոյ , սին սաղարթիւն պաճուճելոյ՝
զըկեալ ՚ի պողոց , որ է ճշգրիտ պատկեր թըշ-
ւառ մարդկութեան , սպա բարեխօսք՝ հանդեր
ձիչք՝ այլև խնամակալք • որ դեգերին հանա-
պազ առ մեզ՝ ընդ մերում կրիցս կարեկցե-
լով , բարեմասնութեան մեր սպասեն • և յաւի-
տենականն կենդանութիւն փրկութեանն մեր
աղօթեն՝ զայս բան ասելով , զգործս ձեռաց
քոց մի՛ անտես առներ : Վանդի արդարև մեր
են այս աղաչանք ՚ի բարերարէդ նոյ վասն մեր
կարգեալ առ նոսա • զի նոքա բանիւ են ստեղծ-
եալ , և մեք ձեռօք ներգործեալ : Որք և դա-
լոց են ընդ միածնիդ վկայք սոսկալի դատաս-
տանին հատուցման , ճշմարտաբան դատախազք
յանցաւորութեան երկրայնոցս , յահաւորին
ատենի յայտնիչք իրաւամբք զմատակարարութիւն
որ առ մեզ • որ և անտանօր կարեկցեն ազդեալ
հառաչմամբ զմշտանուէրն նուազ ձայնի , ողոր
մեա՛՝ դու ստեղծեր մի՛ կորուսաներ :

Գ • Մ.րդ ընդ գոհաբանութեան ձայնիցն

Ինչ որ Լուծող անմահականացն վեհից՝ և ՚ի մեր
 հեծութիս հոտոտեսցիս բնակից արարիչ , որ
 յաղթես գթութեամբդ քո վերնոցն և ստոր-
 նայնոցս . քանզի քո է բարերարելիդ առ մեզ
 և առ նոսին : Վրդ վասն բարեզարդութեան
 անխտականացն , հրաշատեսիլ հրակերպիցն ,
 անշաղխ մաքրոցն , անմեղիցն , բոցանիւ-
 թիցն , հոգեղինացն , և անվանելեացն , ամենա-
 ճեցուն առաւելութիւն ՚ի բարձրն ընտրակա-
 նութի գերափայլ յաճախ գիտութիւն՝ ան-
 ցուրա ջերմութիւն ջեռուցանօղք՝ ինքնաբուն
 տապոյնն անսիրութեան ըստ ինքեանց զմերս
 սառնասեր սրտիցս անբորբոր շիջումն , այրիւ
 անաղօտ ՚ի մեծախորհուրդ սրբում սեղանիս
 որ ՚ի խորանիս , առանց նիրհելոյ և դանդաղա-
 նաց սպասել հրամանաց երանականաց կեցու-
 ցիչ կամաց ամենաստեղծիդ , քրովբէօրէն ա-
 ռաքինութիւն յանձ միացեալք անբաժանելի :
 Արք երկնաւոր պետութիւնք են մեծք , և զին-
 ուորութիւնք անբիծք ահաւորք , երկնաւորիդ
 նայ ազտազնեայ պաշտօնեայք , ՚ի յամպոյդ
 լուսոյ ցոլք նշուղից :

Դ . Արուլք և ինձ մեղաւորիս հողեղինի մար
 դասիրեսցես ողորմել յիսուս , աղաչանօք իմոյն
 հրեշտակի , դարձուցանելով զիս տէր , ՚ի բա-
 րիդ քո հետս լուսոյ , զի զաւանդ հոգւոյս իմ
 պաշտպանութե , զոր հաւատացեր նմին տես-
 չութեան զընկալեալն ՚ի քէն ՚ի կէնցաղ տաս-
 եացս՝ ուրախութիւն սրտիւ յիս բերկրեալ ,

անմեղադրելի տու՛ի քէն օրհնեալ՝ խնդալից
 գիմաց զուարճութե՛ք՝ քեզ արքայ բարձրութե՛
 փառաց անհասից՝ ՚ի խրախճանս կենդանա-
 խուճբս բերկրեցելոցն պարուց մատուցեալ
 ընծայեցուցէ՛ գովեալ ողորմած : Այլ քեզ
 անքննին ընդ հօր անհասի՛ թուակցութեամբ
 հոգւոյդ անձառի՛ վայելէ փառք պատիւ և
 երկրպագութի՛ն , յաւիտեանս յաւիտենից , ամէն :



Արանելոյն Աարդանայ աղօթք առ Որդին միածին :

Ա՛նկիզբն անձ որ վասն մեր խոնարհե-
 ցար ՚ի հայրական ծոցոյ , և առեր մարմին յա-
 նարատ կուսէն մարիամայ . զի զմեզօք մեռ-
 եալս կենդանացուցես , և զօտարացեալս ՚ի
 քեզ դարձուցես , և զմոլորեալս գտանիցես :

Այլ արդ՝ տառապեալ ծառայս քո ան-
 կանիմ առաջի քո . և հայցեմ արտասուածութոր
 պաղատանօք՝ մի՛ թողուր զիս ՚ի պատուիրա-
 նաց քոց հեռանալ . այլ յորդորեա՛ յառաւե-
 լուլ յամ՝ գործս բարիս առանց մեղաց : Ա՛ի
 թողուր զիս տէր անկանիլ ՚ի ցանկութի՛ մե-
 ղաց , և ՚ի հեշտութի՛ երկրաւոր կենաց , այլ
 պարսպեա՛ երկիւզիւ , և ամրացո՛ յամ՝ չարեաց
 և յաշխարհական զբօսանաց : Ա՛ի յապաղէր
 տէր իմ՝ տալ ինձ ՚ի փրկութի՛ հոգւոյ՝ զջեր
 մութիւն սիրոյ , զպարկեշտութիւն մարմնոյ և

զբղխումն արտասուեաց ՚ի լուանալ զաղտս հոգ-
ւոյ իմոյ :

Յաղթեա՛ տէ՛ր հակառակորդին իմոյ , և
զօրացո՛ զիս ընդդիմակաց լինել աներևոյթ պա-
տերազմողին ՚ի տուէ և ՚ի գիշերի : Տո՛ւր ինձ
տէ՛ր տեղի ապաշխարութե՛ և հանգիստ աշխա-
տութեան , հոգի խաղաղութե՛ և ճանապարհ
արդարութե՛ , ՚ի լուսաւորութի՛ մտաց , ՚ի հան-
դիպումն շնորհաց , և ՚ի պահպանութի՛ պատ-
ուիրանաց քոց : Շնորհեա՛ ինձ , սուգ մե-
ղաց և դողումն տանջանաց և հոսումն արտաս-
ուեաց՝ ՚ի լուանալ զհոգիս իմ՝ ՚ի յաղտոյ մեղաց
մինչդեռ ՚ի մարմնի աստ եմ :

Յորժամ զերկինս գալարես և զլուսա-
ւորս նսեմացուցանես , փող հարկանես և ըզ
մեռեալն զարթուցանես , զերկիր դողացուցա-
նես և զտիեզերս ամ ժողովես , զդատողական
աթոռսն դնես և անաչառ դատաստանաւ դա-
տես • զկամարարսն պատուես և զապստամբսն
պատուհասես , զօդիսն ՚ի քեզ ընտրես , և
զայծիսն ՚ի հուր գեհենին առտքես : Յայն-
ժամ բարերար և մարդասէր փրկիչ՝ գթա՛ ՚ի
մեղաւորս զոր գնեցեր արեամբ քով սրբով ,
և ջնջեա՛ զձեռագիր յանցանաց իմոց , և թո՛ղ
զամ՝ պարտիս յանցանաց իմոց զկամայ և զակա-
մայ • ձայն քո լսելի արա , եթէ եկայք օրհ-
նեալք հօր իմոյ :

Մտ՛ր՝ ընկա՛լ զաղօթս և զխնդրուածս
իմ , որ պաղատիմ և հայցեմ ՚ի քէն • մե՛ դար-

ձուցաներ զերեսս քո յինէն , խոնարհեցն՝
 զունկն քո յաղաչանս իմ . ցոյց յիս զսովորա-
 կան քո մարդասիրութիւն , և խնայեա՛ ՚ի մեզա-
 ւորս . զի դ՛ու էս անձ տպաշխարողաց և հան-
 դիսա աշխատելոց . և քեզ ընդ հօր և ընդ
 սուրբ հոգւոյդ վայելէ փառք իշխանութիւն
 և պատիւ , այժմ և միշտ և յաւիտեանս յա-
 ւիտենից , ամէն :



Սրբոյն Ներսէսի Լամբրոնացւոյ աղօթք առ Արդին միա-
 ծին :

Մ. յւ շուրջ պատեալ ՚ի տարակուսանացս
 յամ կողմանց սրտիւ շաղխեալքս , և ուն-
 կնդրութեան կարօտեալքս՝ նայիմք առ քեզ
 փորձ տկար բնութես քահանայապետդ յս :
 Ա՛յլ որ վասն մեր մեղս եղեր , զի մեք լիցուք
 վասն քո արդարութի : Ա՛յլ որ վասն մեր երկ-
 րաւոր եղեր , զի մեք լիցուք վասն քո երկնա-
 ւորք : Ա՛յլ որ վասն մեր հաց եղեր , զի մեք ՚ի
 ճաշակելն զքեզ՝ սրբեսցուք : Տ՛ուր զպարար-
 եալ վշտօք մարմին քո՝ ան սրտի սրբարար
 կերակուր : Ս՛ատուակեա՛ զարեան քո վտակ
 անմեղ կայլակեալ՝ որդւոց մարդկան անմե-
 ղութեան զմայլումն : Չդեա՛ զփրկական քո
 զխաչդ զօղելոցս ՚ի ծով աշխարհիս առ քեզ
 վերածիչ : Կարօտացաք շնորհի՛ սփռեա՛ . Լքաք

'ի գործոց՝ քաւեա՛ . խարխափեմք զխաւար՝
 ճառագայթեա՛ . կործանեցաք 'ի հաւատոց՝
 հաստատեա՛ : 'Յո՛ւ էս յոյս . դու էս լոյս . դու
 էս կեանք . դու էս քաւութիւն . դու ինքն և
 անմահութիւն : 'Քեզ սոյասեն յեցեալքս 'ի
 շնորհս քո . 'ի քէն կարօտին առնուլ փրկու-
 թիւն խառնեալքս 'ի մարմինդ քո . զքեզ ու-
 նին քաւիչ քահանայ՝ գնեալ արեամբ հօտս
 քո : Հայեաց յամենեսեան . սփոփեա՛ զտարա-
 կուսանս մեր քոյին վաստակովքդ . հանդար-
 տեցո՛ զխառովութիւնս մեր քոյին խաղաղութիւնդ :
 Հանգո՛ զաշխատանս մեր 'ի քո օթեվանսդ .
 ուր դու գնացեր ս՛վ տէր՝ և խոստացար :
 Մըժանացո՛ զքոյսս փառաւորել զքեզ այդր
 ընդ հօր և ընդ սուրբ հոգւոյդ յաւիտեանս .
 ամէն :



'Աորին սրբոյն ներսեսի լամբրոնացւոյ մաղթանք առ շո-
 գին սուրբ ապուստ :

Ս՛վ տէր և դաստիարակ՝ հեզ և խնամօղ
 անձ իմ հոգի . շնչեա՛ 'ի մրրկեալ ծովս խորհր-
 գոյս զսիւզ շնորհիդ . որով խաղաղի . և որն
 միշտ երախտիւք քո ստացար զիս քեզ պար-
 տական գովեստի . լից և այժմ՝ զբերան իմ
 օրհնութեամբ տէր ցնծալի : Սկեպէտ և եմ
 անարժան տաճար լինել քումդ հանգստի .

այլ դու անատ՝ ան միայն գործի հնչման քո
 ճայնի . և զանձառ խորհրդոյ քո հանձար տար
 փալի , բացեալ փայլեցն խնդրողաց նորին ա-
 ուաջի . 'ի փառս պատուոյ մեծի քո անուան
 սուրբդ սիրելի , և ինձ կշտամբանս բարբառ-
 բերանոյս ժխտող ծառայի :

Աշօթք ըստ մտաց տերունական աղօթից :

Մեծասուրբ Հայր մեր և սաեղծօղ ,
 փրկիչ մեր Յս Բս , և միսիթարիչ մեր սուրբ
 Հոգի , որ 'ի յերկինս զՏրեշտակս լուսաւորես
 առ 'ի ճանաչել զքեզ : Վանզի դձեւ ես լոյս
 յաւիտենական , որ բորբորես զնոսա 'ի սէր
 քո . դձեւ ես սէր , որ բնակիս 'ի նոսա . դձեւ
 ես ծայրագոյն և յաւիտենական բարի , որ
 առանց քեզ ոչ գոյ բարի . զի դձեւ ես ալ-
 բիւր բարութեան :

Սուրբ եղիցի անուն քո՝ ով տէր մեր և
 հայր երկնաւոր . պայծառասցի և 'ի մեզ յայտ
 նութի քո . զի ճանաչեսցուք զլայնութի բա-
 րերարութե քո , զբարձրութի խոստմանց քոց՝
 'ի վեր քան զմիաս զգերագոյն փառս քո , և
 զանքնին խորութիւն դատաստանաց քոց :

Եկեսցէ՛ արքայութի քո , զի թագաւո-
 րեսցես դու մեզ միայնակ 'ի ձեռն շնորհաց
 քոց . և տարցես զմեզ յարքայութիւն քո :

որ է տեսութիւն քո յայտնապէս . և ուրախացուսցես զմեզ ՚ի սեղան երկնաւոր բարեաց քոց :

Աղեցին կամք քո որպէս յերկինս և յերկրի . զի սիրեսցուք զքեզ ՚ի բոլոր սրտէ . զքէն խորհեսցուք ՚ի բոլոր անձնէ . և քեզ միշտ ցանկացուք ՚ի բոլոր մտաց . և զամ միտս և զխորհուրդս մեր ՚ի քեզ ուղղեսցուք . և զպատիւ քո յամենայնի խնդրեսցուք . և զամենայն գործս և զհոգս մեր՝ զմարմին և զհոգի մեր ՚ի ծառայութիւն քո նուիրեսցուք . և զընկերս մեր իբրև զմեզ սիրեսցուք վասն սիրոյ քոյ . և ՚ի վերայ բարեացն այլոց՝ իբրև ՚ի վերայ մեր բարեացն խնդացուք , և չարեաց և վշտաց նոցա ցաւակից լիցուք :

Ս հաց մեր հանապազորդ տնւր մեզ այսօր . զսիրելի որդին քո հայր երկնաւոր՝ զտէր մեր յս քս տնւր մեզ ՚ի կերակուր և յըմպելի . և զշնորհս հոգւոյդ սրբոյ մեզ դաստիարակ և ձեռնտու պարգևեալ :

Ալ թող մեզ զպարտիս մեր , ՚ի ձեռն ողորմութե քո հայր երկնաւոր , և անձառելի զօրութե սիրելի որդւոյ քոյ տեառն մերոյ յի քի , և ամենառատ աղբերն բարութեան հոգւոյդ սրբոյ , թող մեզ զմեղս մեր . զի մեք որպէս մարդ մեղաք , և դնւ որպէս կարօղ աստուած ողորմեալ :

Որպէս և մեք թողումք մերոց պարտապանաց . բարձ տէր ՚ի սրտից մերոց զանգթու-

Թիւն և զնախանձ . զի Թերևս լիապէս և մեք
 ԹողուԹի շնորհեսցուք յանցաւորացն մերոց .
 և զԹշնամիս մեր՝ վասն քոյ սիրեսցուք , և ոչ
 ումեք չարի զչար փոխարէն հատուցուք :

Եւ մի՛ տանիր զմեզ ՚ի փորձուԹի . այլ
 ՚ի յայտնի և յաներևոյթ փորձուԹեց ազատ-
 եան . և փրկեան զմեզ ՚ի չարէ , յանցելոցն և
 յայժմէն և որ գալոցն է . և զամ գործս մեր
 հոգևորս և մարմնաւորս ՚ի գիշերի և ՚ի տուն-
 ջեան՝ ՚ի բարին յաջողեան :

Տի քո է արքայուԹիւն և զօրուԹիւն
 և փառք յաւիտեանս , ամէն :



Faint, illegible text, possibly bleed-through from the reverse side of the page.



180



